

MA.
DE
RES

NTIUS

685









D. XVIII. $\frac{8}{17}$

21750/A





B.A. 32

29303


2/6

Page
62/11



R. White sculp

Effigies GEORGIJ
Med. Doct. et Coll.



ENTIJ Eq. auri
Med. Lond. Socij

A N I M A D V E R S I O N E S

I N

*Liber Joannis Comberlaci
Medici Cantabrigianæ*

Malachiæ Thrustonî M.D.

DIATRIBAM

D E

RESPIRATIONIS

U S U P R I M A R I O .



Auctore Doctissimo, Geo. Entio Eq. Aur.
Med. D. & Collegio Lond. Socio, *olim*
Coll. Sidn. Sup. in Academia Cantabrigiensi.

L O N D I N I ,

Typis, Prostant vero venales at Insigne Bi-
bliorum in vico vulgo vocato Ludgate-
hill, MDCLXXXV.

THE NEW YORK

MADE IN THE

DIET

RESPIRATIONS

THE NEW YORK

THE NEW YORK

WELLS

THE NEW YORK

THE NEW YORK

CLARISSIMIS

DOCTISSIMISQUE VIRIS

D.D. PRÆSIDI & SOCIIS

COLLEGII REGALIS

MEDICORUM LONDINENSIIUM

TENUEM HANC OPELLAM

IN AMICITIÆ VETERIS

GRATAM MEMORIAM

AUCTOR

LUBENS AC MERITO

DICAT DEDICATQUE.

CLAVIS

PROPTER

PROPTER

PROPTER

PROPTER

PROPTER

PROPTER

PROPTER

PROPTER

PROPTER

PROPTER

D. N.
R.

C
ptim
dem
veru
cum
obite
simili
cula
tuz
Veru
edén
quam
spanc
pollu
mih
Reip
Ne ta
Secun
nullu

DOCTISSIMI VIRI
D. MALACHIÆ THRUSTONI
RESPENSIONIBUS

Responsum redditur.

CUM jamdudum, ornatissime Vir;
tuo per Amicos rogatu, Ani-
madversiones istas levidenses ra-
ptim conscriberem, non putabam equi-
dem fore, ut eadem publici juris fierent:
verùm id duntaxat volui, ut ipsemet te-
cum, ubi otii plusculum suppeteret, illas
obiter percurreres; simulque, aut, veri-
similitudinis specie aliquâ permotus, pau-
cula quædam immutares; aut, sententiæ
tuæ tenax, tacitus in sinu tuo gauderes.
Verùm quoniam aliter tibi visum fuit;
eademq; operâ, quantâ dicendi peritiâ,
quàm insigni morum candore, & in ru-
pandis Naturæ arcanis, ingenii acumine
polleas, innotuit: fecisti profectò rem
mihi haud ingratam; eodemq; nomine
Reipublicæ literariæ plurimùm gratulor.
Ne tamen negotium hoc à te planè con-
fectum, nihilq; aquæ amplius mihi hæere
existimes; placuit hæc pauca rescribere.

B

Non

Non quidem gloriolæ alicujus aucupio, (à quo quàm longè absum, illi probè nòrunt, qui me nòrunt) sed ut Veritatis fortè scintillula aliqua ex Conflictu hoc nostro profiliat. Rem itaq; ipsam aggredior.

Animad-
fio I.

Si *Liquoris primordialis* nomine, semen intelligatur (è quo prima animalis stamina, tanquam ex furculo, oriuntur) ille, nisi plurimùm hallucinor, ad *succum nutritium*, non autem ad *sanguinem* pertinet. Sunt autem illi humores diversæ planè familiæ; etiam in iis animalibus, quorum sanguis albescit.

Responsio.

Liquoris illius nomine (de Ovo nempe loquutus) non alium intellexi, quàm qui in cicatricula hospitatur; quq; germini, sive corculo illi respondet in Plantarum seminibus conspicio. Semen equidem ad succum nutritium pertinet; sed & succus ipse nutritius, ni fallor, è massa sanguinea prolucitur. Ejusdem itaq; familiæ sunt humores illi, sive ejusdem sint, sive diversi, tum ingenti, tum coloris; quorum utroque, sæpe, etiam legitima proles non refert parentem. Ego certè in sanguine πικρῶς πύαν quandam agnosco; neq; talem tamen, qualem Anaxagoras olim somniavit.

Instantia.

Multa, ut video, mihi hîc dicenda essent,

sent, si materiam hanc, prout meretur,
pensisulatè exequi vellem : quapropter
eandem, quàm potero, paucis expediam.

Theophrastus ait : ὅσα τῶν ἐν φυτοῖς, *Hist. Plant.*
ἀφομοιωτέον τοῖς τῶν ἐν τοῖς ζώοις, ὡς ἂν τις *l. 1. c. 1.*

δυνήσκει καὶ εἴηται λόγον ἀφομοιῶν, δει.

Omnium quæ in plantarum genere spectan-
tur, similitudo petenda ex iis est, quæ in
animalibus insunt, quoad id fieri possit.

Quæ verba ego potiore jure sic inver-
tenda censeo : ὅσα τῶν ἐν ζώοις, ἀφομοιω-
τέον τοῖς τῶν ἐν φυτοῖς. Siquidem

Plantæ, & ortu priores, & structuræ sim-
plicioris, adeoque cognitu faciliores sunt,
quàm animalia perfectiora. Dixi perfe-
ctiora, quia & plantas in animalium cen-
sum referendas autumo. Siquidem &

vitâ donantur, & ζῶον dicitur ἀπὸ τῆς ζῆν.

Sic Plato in *Timæo*. Quicquid τῆς ζῆν, i.e.
vivendi est particeps, jure sanè ζῶον (quali
vitale dixeris) id est, animal rectissime

appellari potest. Ubi Galenus, in Frag- *Pag. 287.*

mento de iis, quæ medicè dicta sunt in
Platonis Timæo, hæc habet : Cùm suppo-
natur, animam esse principium motûs, stir-
pēsque principium motûs in se ipsis habere
concedatur : animata illæ merito nomina-
buntur. Animatum verò corpus ab omni-
bus vocatur animal. Quod si etiam Ari-
stoteles velit, corpus ipsum, non ob id solum,

quoniam animatum est, meritò appellari animal; sed opus esse, ut sensibile addatur: nè hoc certè etiam ipso stirpes destituuntur. Ostensum enim à nobis est, in Commentariis de substantia facultatum naturalium, stirpes facultatem eam possidere, quâ, tum familiares substantias, à quibus nutriuntur; tum alienas, à quibus leduntur, agnoscunt: ideoque familiares quidem attrahere, alienas verò avertere, atque propulsare. Ob id ergo & ipse Plato, stirpes peculiaris generis sensus particeps esse dixit: nam & familiare & alienum agnoscunt. Paulòque post addit: Habet (stirps) motum proprium, quo, ex minimo semine incipiens, tum sursum in aërem elevatur, tum deorsum radices protendit, atque ex terra nutrimentum trahit, ipsumque ad extrema usque germina asportat, omniumque particularum incrementum longissime protrahit. Sed eo motu immobilis est, qui ab aliquibus μεταβάλλων, transiens appellatur: qui, dum nos situm permutamus, & ex uno loco in aliū cedimus, fit. Nam secundum hunc motum, Plato stirpem stabilem, radicatamque esse dixit. Ipsèque etiam Aristoteles plantas non semel ζῶα appellavit. Plantis certè manifestè insunt facultates vivendi, nutriendi, crescendi, suūque simile producendi. Totūque hoc genus actionum, inquit * Galenus, quod animale

De respirat.

c. 13.

De gen. an.

c. ult.

* Lit. I. de
sympt. caus.

c. 7.

animale non est (communiter nempe accepto nomine) *sed naturale*, eodem modo perficitur in stirpibus, atque animalibus. A qua sententia non abludit * *Aristoteles*: *Sive planta, sive animal est; æquè omnibus inest, quod vim habeat vegetandi, sive nutriendi.*

* De gen.
an. l. 2.
c. 1.

Non sunt quidem *gressiles*, sed humo affixæ, secum continuè habitant: quòd pluviâ solùm ac rore (tenuissimo scilicet victu) pascantur. Ideòq; cùm ad rivulos potatum ire nequeant, expansis veluti brachiis, fœcundos imbres à *Jove pluvio* implorant. Neq; etiam sexu discriminantur (quicquid vulgò dictitant;) quoniam victus earum semper est parabilis, atq; ad manum: nec fotu, aut tutelâ pullorum (gressilium more) opus erat; ac propterea nec consorte indiguerunt. Sùntq; adèò Animalia infimæ classis, quæ summus Opifex rerum, per varios ordines, ad ipsum hominem concatenavit. Verùm de nomine mihi tecum nulla lis erit; neq; enim libet *φωνομαχέιν*. Quibus itaq; animalibus præstantiore victu opus erat, quæq; plantis ipsis, aut etiam carnibus vescerentur; eâ sanè motu *μεταβατικῶ* sive locali indigebant, quo & utilia prosequerentur, & nocitura fugitarent; inq; eum finem, oculis, auribus,

naribus, tanquam fenestris, perforata sunt: dum plantæ, certis sedibus defixæ, sensibus his, externorum exploratoribus, nihil egent. Ac propterea, sagacitate quoq; & prudentiâ carere dici possint; quod locis certis fixæ hæreant; adeoq; variarum rerum experienciâ, sapientiæ magistrâ, destituantur. Et quoniam motus hic validior *musculis* perficitur, calore uberiore opus erat, quo munus suum expeditius obirent. Atq; in hunc finem exstructum est *Cor*, quod calentis sanguinis rivulis totum corpus perpetim circumluit. Cùmq; *Plantæ* omnes, à *Solis* benignâ irradiatione vigorem, vitâmq; adeò suam præcipuè mutuuntur: animalibus cæteris *Cordis* calor innascitur; unde, tanquam à *Microcosmi Sole*, partes omnes jugiter refocillantur. Estq; id, opinor, præcipuum inter plantas atq; alia animalia discrimen; quod illæ sese huc illuc transferendi organis destituantur; & *Cor*, partésq; aliæ huic famulantes, ipsis denegatæ sint. Ac propterea minùs placeet, quod plantarum *germen corculi* nomine indigitaveris. Pluribus hæc prosequi supervacaneum foret. Summa huc redit: Vivere ac nutriri cætera quoq; animalia, ad *Plantarum* modum; licet illa, *Cordis* auxilio, id alacrius vegetiusq; præstent.

præstent. Ideoq; à Cordis operâ non esse petenda hæc munera : sed videndum potius, quo succo *Plantæ* vivant, crescant, ac generent, sive sobolem suam producant. Cor enim (utî arbitror) non est *fontis* vitæ (qui *cerebro* peculiaris est) sed *rivulus* duntaxat *accessorius*; capûtq; magnam partem ante cor perficitur; etiam si membra illa, ob communem officii necessitudinem, ferè sint congenita. Atq; huc facit dictum illud *Erasistrati*: *Om-* GA. de Hip. & Plat. decret. 7.6.3.
nium, quæ in corpore sunt, principium esse
cerebrum apparet.

At verò, inquires, liquor ille tenuior, qui sanguini commiscetur, & *serum* ejus dicitur, est *succus* ille *nutritivus*, quo corpus alitur; quique, sanguinis curriculo ad partes omnes delatus, iisdem nutriendis inservit. Et quò promptius id præstet, censuit *Joannes Antaroetus* (sive *Joannes Riolanus Pater*) *Naturam condi-* Apol. pag. 63.
vissæ sanguinem sale, ut avidius appetatur.
Nimirum ut ventriculus, inquit, cibum non appetit, nisi sale acuat, quem postea per urinam deponit; ita partes nutriendæ sanguinem tardè & cum nausea attraherent, nisi sale ejus ad id muneris stimulantur: quem tamen non retinent (nutrimur enim dulcibus) sed per sudorem, & aliter exiunt.
Verùm cum sanguis illius pensè planè im-

mūnis sit , nullis ad eam rem illecebris
fuit opus. Seire enim percipiam , in
quem finem igitur *Lymphæductus* instituti
sint , qui humorem tenuem ac serosum à
nutricatu superfluum, ab extimis partibus
ad Cor deferant ? Possiet enim aliter id
munus æquè commodè obiri à Venis ;
quarum officium est, sanguinem refluum
ad Cor transducere. Verum inde, credo,
emanavit hic error ; quòd hætenus, præ-
ter *venas lacteas* (quæ succum omnem,
quem continent , in ductum *Thoracicum*
dictum , indèq; porrò ad cor trajiciunt)
de nullis aliis vasis , transvehendo succo
alimentario idoneis , quicquam constet.
Attamen propius vero videtur , tenuem
illum humorem, alendo corpori destina-
tum, è ventriculo atq; intestinis, per exi-
les concavásq; fibrillas (è quibus totum
ferè corpus contextitur) ad partes inde
nutriendas transmitti. Eundémq; humo-
rem esse arbitror , qui in purgationibus
alvíve solutionibus, medicamentorum ir-
ritatione , sive vellicatione quâdam , è
vasculis illis exilibus denuo in ventricu-
lum & intestina revomitur. Nam quò
minùs id à *vasis lacteis* præstari possit,
valvulæ earum videntur obstare : mi-
nórq; etiam humoris illius est copia, quàm
ut largis evacuationibus sufficere queat.

Nec

Nec magis ab *arteriis* profluere videtur : quoniam vix ratio aliqua excogitari potest, cur non & sanguis, sero illi optimè permistus, eodem momento simul efflueret : præsertim, cum notum sit, eundem è subtilissimâ acûs puncturâ illico profluere. Neque hîc *facultatis retentricis* aut *expultricis* deliramenta quicquam valent. Adde, quòd *Venarum* officium sit, humorem omnem, per arterias affluum, ad cor regerere ; neque in tam rapido torrente, facilis videatur partium heterogænearum segregationi locus. Quinetiam excretorum *fætor* indicio est, ea ad *succum nutritium*, non autem ad *sanguinem* pertinere. Putor enim ille, à fæcibus succo huic etiamnum admixtis provenit. Neque me multum movent argumenta D. Thomæ Willisii, quibus *Cathartici par-* Pharmaceut. *ticulas in massam sanguinis suscipi, & cum* Rat. sect. 3, c. 1. p. 55. *eadem circulari, confirmatum it. Quia* nempe *urina* à quibusdam purgantibus odorem & colorem mutuatur : *Lac nutricis medicatæ*, infantem purgat : *pharmaca hydropicorum aquas* per sedem evacuant : *resina jalapie*, serum lixiviale, odoris urinaei, purgare solet : *catharticum*, in febris declinatione opportunè exhibitum, materiam febrilem, prius maturatam, & secerni aptam, educit. Mihi quippe verisimile videtur,

videtur , neque urinam , nec lac , cum sanguine quicquam commercii habere , uti ex dicendis constabit : neque hydropicorum aquas aut serum lixiviale è vasis sanguiferis profluere : (imò verò mihi indubium videtur , aquas hydropicorum esse ipsummet succum nutritium , qui , factâ alicubi rimulâ , vel ob glandulæ cunjuspiam in mesenterio abscessum , quod haud rarò contingit ; vel rupto , aut exeso lymphæductu , in abdominis cavum delabitur) tum etiam materiam febrilem (in febribus intermittentibus) neutiquam primariò in sanguine stabulari ; nec mirari nos debere , si Natura , sub finem morbi , ab onere levata , sese muneri solito alacrius accingat.

De Ventric.
c. 23.

Per villorum igitur in ventriculum atque intestina propendentium ora succus ille diditur. Crediderimque , pituitam illam , quam Cl. Glissonius , ceu emortuam , ac nullius usus , è sanguine per arterias amandari voluit , inq; ventriculi tunicis hærentem conspicatus est , esse succum hunc nutritium , ad ulteriora corporis properantem ; sed , defuncto jam animali , in itinere à frigore ac morâ condensatum. Eodémq; planè modo id fieri , quo *Lac* ad mammas transducitur : quod tu multis , credo , nominibus à sanguine distia-

distinxis. Et licet meatus illi ad ubera necdum in propatulo sint ; sunt tamen in eorum censum referendi, quæ, (si quid veri mens augurat)

———— paulatim protrahet ætas Lucret.

In medium, ratioq; in luminis eruet oras. l. 5.

Nempe corpus animalis (ferè retis ad modum) ex concavis fibrillis textitur ; quarum cavos tubulos, plantarum more, succus nutritius perlabitur : in spatiis autem intermediis, arteriæ venæq; *chorem* suam exercent. Utrobique per exiles villos, in interiore ventriculi atque intesti-
norum tunicâ lamuginosâ conspicuos, nutritionis materia imbibitur. Transít nimirum chylus per venas lacteas ad *Receptaculum*, indeq; per ductum *thoracicum* ad cor perreptat, ut sanguini suppetias ferat, deperditumq; instauret. Transít alia chyli portio, & quidem tenuior, in canaliculatas jam dictas fibras, magnæ corporis parti com meatum suffectura. Prior succus communiter est crassior, quod patentiores sint meatus ; indeq; sæpe contingit, ut viscidior & tenacior portio (*fibras* vocant) sanguini commisceatur ; humor planè illatabilis, & apoplexiæ, lethargi, pleuritidis, mensium stagnantium, palpitationis cordis, aliorumq;

rúmque malorum causa ; dum, polypi instar, liberum sanguinis transitum præpedit. Atque ob hanc potissimum causam, arbitror, *Lymphæductus* partem aliquam feri in *Receptaculum* transferre, ut nempe crassamentum sanguinis diluatur. Alter verò, ob viarum angustias, tenuis est, ac fluidus ; qualis ex oculis inter lachrymandum profluit ; fitque porro usque tenuior, donec tandem, vaporis specie, corpus nutriat. Nam nugæ sunt, quæ *Arabes* de rore, *glutine*, & *cambio* somniarunt. Atque hic etiam liquor, si ob aliquam causam diutulè restitet, crassescit, móxque vermiculos (quos *ὐλὰς* dicunt) aliáque id genus progignit : ut in animalibus, plantisque etiam (quæ sanguine destituuntur, capsulisque innumeris, liquoris nutritii susceptricibus, constant) passim videre est. Quippe succus hic nutricans, si ob moram densetur, calorque debitus adsit ; mox in pus abit, unde jam dicta soboles. *Sanguis* autem restibilis (quicquid vulgò creditur) nequaquam suppurat, etiamsi extra vasa profluxerit. Sic in defuncto animali, subito vermiculi è naribus, atque oculorum hircis promanant ; qui è cerebri succo nutritio nascuntur. *Hepar* autem, copiosi sanguinis hospitium, quodque succo illo alibili, corruptionis parente, parcis-

parcissimè alluitur , vetustatis patiens
 est ; & , si *Plinio* credimus, *centenis durat* Lib. II.
annis. Ac propterea , carnes diutius ser- c. 37.
 vandas sale liberaliter adspergimus , qui
 tabum & educit, & visciditatem ejus tol-
 lit. Et quidem *pus* succi alimentarii po-
 tiùs , quàm sanguinis sobolem esse , ipse
 color albus indicio est. *Galenus*, & qui *Rodric. à*
 eum sequuntur, aiunt : *Pus fieri album,* *Fonseca,*
quia partes solide albæ sunt , & in altera de hom.
atione assimilant sibi materiam. Et licèt in *excrement.*
jecore rubro album pus gignatur ; id fieri, c. ult.
quia tunica ejus & vasa alba sunt. Miror
 autem, & sanguinem ipsum, ob eandem
 rationem , colorem album non induere.
Cardanus ait : *Albedinem puris non prove-*
nire à partium calore, sed à flatu ; qui humori
per coctionem attenuato permiscetur ; ut in
spuma conspicitur. Verùm si pus ob hanc
 causam albesceret, innataret aquæ, non
 autem ejus fundum peteret. Ob eandem
 quoque rationem (ut id obiter adne-
 ctam) existimo, *variolas* , aliàsque *pustulas*
 omnes , succo alimentario , non autem
 sanguini, originem suam debere. Fœtus
 (compertum narro) in utero matris, *va-*
riolis laborantis , & ipse *variolis* obside-
 tur : cùm nè guttam tamen sanguinis
 materni in se derivet.

Verùm è diverticulo in viam. Nutri-
 tionem

tionem non è sanguine, alióve aliquo crasso humore fieri, vel hoc mihi argumento est; quòd partes omnes solidæ (veluti tendines, ligamenta, cartilagines, & ossa) non superficie tenus, sed intus & per minima nutriantur. Ita testa sive suggrunda testudinis, unà cum incolæ incremento, majorem undiquaque molem acquirit; ad quam tamen nihil sanguinis pertingit. Porro, quod sententiæ huic lucem foenerat & fidem, separata ac peculiaris sanguinis & succi nutrientis *Emissaria* (nempe *vasa biliaria & pancreas*) indicant, humores illos ditiones diversas obtinere. Hepatis nimirum præcipuum, si non unicum, officium est, sanguinem ab humore felleo despumare. Pancreas autem è nervoso genere acescentem, inutilémq; succum exhaurit. Ambo plerunque, priusquam intestinum ingrediuntur, in ductum communem coeunt; ut muneris quoque parilitatem demonstrent. Ac præter jam dictos humores, atque urinam; nullum alium facîle in animali reperiatis. Melancholia enim commentum merum est; & pituita humoris excrementitii nomen non meretur, nisi ubi morâ stagnerit, aut à frigore condensata fuerit. Inter serum sanguinis, & succum nutritium, similitudo quidem aliqua

liqua intercedit ; nulla tamen affinitas,
 five functionum paritas. Et prima laus est Plato in
 Sophista.
 Arist. 7.
 Topicorum.
humanae sapientiae, valde similia posse di-
stinguere.

Ad hanc porrò sententiam stabilien-
 dam, facit dictum *Aristotelis*, omnes mor-
 bos vel ἀπὸ πνεύματος, vel ἀπὸ τοῦ αἵματος, ab igne
 aut aquâ originem trahere : quod ego
 de sanguine & succo nutritio interpre-
 tor. Et similiter *Hippocrates*, ex duobus Lib. 1. de
 Dieta.
principiis facultate dissidentibus, usu verò
consistentibus, Naturam humanam con-
flari docet ; igne, movente omnia per om-
nia ; & aquâ, nutriente omnia per omnia.
 Huc etiam traho illud ejusdem : τρεῖς οὗτοι
 δὲ ἔστιν ἀνθρώπου τὸ κῆρον ὑγρόν, *Levis hu-*
mor hominis est alimentum. Nempe suc-
 cus alibilis & vaporosus, non autem san-
 guis. Pariter *Esdras* : *Postquam corpus* Lib. 2. c. 8.
 v. 8.
formatum est in utero, & postquam mem-
bra ei largitus es, creatura tua conservatur
igne & aquâ. Id est, me interprete, lam-
 pade cordis, & succo nutriente. Neque
 aliud opinor esse, *calorem nativum, &*
humidum radicale.

His addo : cùm ventriculus, totûsq;
 intestinorum tractus, tunicâ crustosâ ob-
 ducatur ; cujus exilia filamenta, ceu ra-
 diculae prætenues, in eorundem cavita-
 tem hiant, ut chylum inde proliciant ;
 nec

nec tamen ad eas omnes *venarum lactearum* orificia pertingant : (nullæ enim *Lactææ* ad ventriculum, aut duodenum porriguntur) necesse esse, ut succus alibilis, per reliquas illius tomenti partes delatus, ad alios tubulos, nempe elices jam dictos, transferatur.

Hinc (ut alia præteream) in ani pro-cidentia, ac tumore, factâ illius, admoto digito, introrsum compressione, sæpe liquor tenuis, sive succi nutritii pars dilu-tior, exili filo confertim profilit, qui aliàs per *Lymphæductus* regeritur. Quemad-modum in hæmorrhagiis, sanguis ex arte-riis profluit; qui, more naturæ solenni, per venas reducitur.

De 2. dō
que sitis per
epist. c. 15.
pag. 81.

Exemplis adjuvemus rem ipsam. *For-tunius Licetus* hæc habet : Nuper Bono-niæ vidi virum ferme quinquagenarium, cui in hypochondrio dextro, sub hepatis regione, tumor disruptus, ad multos menses, absque febre, quotidie chyli succum in multa copia, sine dolore, sinéq; fœtore, puri candido simi-lem, nullo prorsus infectum sanguine, red-dere solet, è venis lacteis exesis. E vasis lactigerulis, aut lymphæductibus disrup-tis vel exesis, dictum oportuit : siqui-dem *venæ lactææ* illuc non excurrunt. Novi ipsemet juvenem, cui ulcus in fe-more, statim postquam à Chirurgo ex-tersum,

terfum , & emplastro obductum esset, novo ichore adimpleretur ; adeò ut tabes pro foribus esset. Admoto tamen, jussu meo , paulò supra locum vinculo ; fluor ille intra paucos dies planè substituit, ulcúsq; carne oppletum est.

Consimiliter *Nicolaus Larcheus*, Medicus Romanus, apud *M. Aurelium Severinum*, meminit *abscessus incredibilis magnitudinis, faciem collúmque puellæ quinque annorum occupantis, idq; intra mensem duorum cum semisse spatium*. Adnotat autem, foramen è rimis calvariae peramplum à dura meninge ad tubercula ista pertigisse ; per quod scilicet materia de cerebro ad tumores alendos transmitteretur. Additque, pedes utrosque illi, ex anarrhœpeimenti, contabefactos. His non absimilia ex aliis quoque Autoribus facile congeri possint, si modò res posceret.

Riolanus quidem existimavit, *lympham istam, per universum corpus expansam* (quámque fatetur, in ulceribus articulorum sæpe tam abunde fluere, ut difficilimè fluxus sisti queat) solummodo *inervire humectationi articulorum & ossium*. Verùm me parùm turbat illius sententia ; cui, in similibus, à veritatis tramite deflectere, haud novum erat.

Ipsamet *Antonius Deusingius*, succi nu-

C

tritii

De recond.
absces. nat.
pag. 150.

Respon. al-
tera ad
Pecquetum,
pag. 24.

De hep. offic.
pag. 300.

tritii acer hostis , videtur hanc chyli διάδοον subolfecisse ; namque ait : *Dubito omnino, an non, veluti ad receptaculum à magna glandula procedunt ramuli ; sic aliorum quoque rami lactei (qui Bilsio roriferi dicuntur) protendantur, per quos portio tenuior liquoris in quasunque partes corporis dimanet.*

Dixi, credere me, magnam chyli partem, nutricando corpori destinatam, à ventriculi atque intestinorum villis sive filamentis propendulis absorberi. Quemadmodum radices *Lentis palustris*, hiantibus osculis, alimentum hauriunt ex aqua turbida : & simili ferè modo, quo *stella marina* alitur ; quæ promiscidum aliquot millibus donatur ; quas exporrigit, contrahitque, ut cochleæ sua cornua solent. Non arbitror tamen, omne alimentum illac traduci ; sed muscutorum fibras, sive carnosas partes, inde potissimum ali : *membranas* autem nervosq; nutricatum suum haurire è glandulis oris, ac faucium, dum cibus masticatur ; & , postquam in ventriculo coctus est, partem ejus aliquam per œsophagum, filtrationis modo, ad cerebrum ferri. Ideoq; *Claudium* nostrum claudicasse arbitror, ubi ait, *Cerebrum in fame pessimè se habere ; quia ventriculus primò sibi prospicit ;*

Et deinde jecur chylum ad se attrahit ; Et cor, ceu tyrannus , omnia ad se vi summâ rapit ; cerebrum verò nihil horum potest, sed portionem solùm alimenti, aliorum membrorum arbitrio delegati, gratè accipit ; nec, cùm exsanguis sit , validam habet vim attrahendi. Propterea oculi obtenebrantur, homo in incertum it, vigôrq; mentis hebetatur. Attamen id potiùs contingit, quia cerebrum est succi alibilis promptuarium, partibûsq; jam dictis victum suppeditat : tantum abest, ut sit ultimum ad mensam, partiûmq; aliarum benevolentia sustentetur. Quod nè temerè à me dictum putes, argumenta, quibus moveor, paucis dabo.

Atque hîc primùm in procinctu stat, ingens *glandularum* in ore ac faucibus apparatus ; quæ succum tenuem, spongiosarum more, imbibentes, eundem mox ad cerebrum (maximam corporis glandulam) traducunt ; inde postea ad nervos & membranas (præsertim carnosam, à tenui meninge oriundam) depluiturum. Neque tamen assentior *Willisio*, dicenti : *Suspiciari fas est, dum subriles humoris sapidi particule altius à lingua imbibuntur, spiritus animales easdem aliquatenus abripere, Et pro nutritu suo intrò per nervorum ductus versùs cerebrum convehere.*

Hip. l. de gland. n. 3.

De Anim. Brut. c. 12. pag. 172.

Nam planè constat, quòd in magnâ inediâ, & spirituum animalium deliquio, à primo statim liquoris generosi libamine, eorum resectio immediate sequatur. Verùm pro eo beneficio nulla debetur spiritibus illis gratiâ ; neque credam, eisdem esse tantopere catillones. Profectò cerebrum, in animalibus, radicis vicem præstat : & quemadmodum cortex interior, in plantis, maximam nutritatûs partem transducit ; ita similiter *membrana carnosâ*, in animalibus, transferendo succo alibili inservit. Ac propterea bubulci, experientiâ edocti, nôrunt pecora ritè saginari, & pinguescere ; si quando cutem lambere, aut eandem rei alicui duriori affricare viderint. Nempe succi nutritii uberior proventus, per cutem, & potissimùm membranam hanc delatus, pruritum molestiorem excitat ; qui affrictu, linguæve scabrioris linctu commodè sedatur.

Ita pariter cornua cervi nuper renovata mollescunt, & cute tenerâ ac subhirtâ integuntur, quæ sensim indurefcit ; eandemq; tandem, ramis arborum affricantes, deradunt. Ex eo autem cornua haud ampliùs crescunt, sed duritiem idoneam naçta, armorum vicem supplent. Indicio claro, nutrimentum per membranam interiorem ferri.

Vanum

Vanum autem videtur arbitrari, tam insignem glandularum copiam, excipienda solummodò pituita, ex cerebro ob errorem aliquem decidua, extructam esse. Præsertim, cùm Natura nihil in usus fortuitos molitur. Contingit quidem, ab exorto frigore, alitèrve impeditis viis, ad nares, faucésq; humoris tenuis defluvium; qui morâ postmodum in crassiorrem pituitam densatur. Est autem motus ille præternaturalis, atque (ut ita dicam) *peristalticus inversus*: naturaliter verò, morèq; solito, fertur humor nutritius ex ore, atque etiam è ventriculo (qui terræ, in plantarum alimoniâ, vicem gerit) sursum ad cerebrum, tanquam ad radicem. Est quippe homo, ut vetus dictum est, *planta inversa*; cujus radix in sublimi sita est, rami autem (brachia scil. pedésq;) deorsum protenduntur. Ventriculus autem à cerebro remotior est, quia duplici muneri famulatur: dum pars chyli tenuior, saléq; volatili prægnans (velut per *Alembicum*) sursum per œsophagum repit (unde salivæ acrimonia) cerebrúmq; adit: pars verò oleosa ac pinguior, venas lacteas, ceu per *retortam*, ingreditur, *lampadi* materiam idoneam suffectura. Ideoq; in vitæ primordio, cerebri stamina præ cæteris ducun-

Censorinus. tur : recteq; statuit *Hippon*, *caput primò fieri*. Profectò arbitror, exordium ejus esse *Colliquamentum* illud, quod in ovi incubatu ab initio conspicitur ; brevi autem, ab ulteriore fotu , concrefcit, cogitúrque in fpiffiorem fubftantiam : quæ mox pelliculâ induitur (uti omnis vifcidus humor folet) nervósq; de fe , tanquam propagines, quoquoverfum demittit. Quemadmodum enim *tendo* eft mufculus constrictus , ob loci anguftiam ; ita mihi nervi extructi videntur , ut fucum alimentarium , quem *membrana* per loca aperta commodè devehere non poterant, tutò transferrent.

Enimverò *cerebrum* & *cerebellum* confideranti mihi attentius, videtur hoc cum *germine* , in plantæ femine , analogiam quandam habere ; illud autem *pulpæ* fimile effe, unde germen nutritur. Nervi (qui cerebri proceffus funt) comparari poffunt fibris illis mollibus, quæ è femine profiliunt (puta in faba) & membranâ primùm tenui , dein cortice duriore teguntur : fic medullofa nervorum fubftantia meningibus obvelatur. Hoc tamen discrimine , quòd fibrulæ illæ nutrimentum femini apportent ; nervi verò inde auferant, traducántque ad remotiora. Neque ad hanc rem obftant viarum anguftiæ.

gustia. Capilli concavi, & ut canales pertusi
ac perforati sunt, adeò ut (referente Petro observ. mi-
croscop. cent.
I. obs. 23. Borello) pennas anserum referant. Quanto

igitur meliore jure canaliculi nervis at-
tribuantur? Certè chordulæ musicæ, è
membranosis intestinis contortis con-
fectæ, cælo pluvio adeò distenduntur,
ut confractæ dissiliant. Tam facilis est
aditus humori in corpora nervosa. Imò
verò multò densiora penetrat hic latex;
siquidem ungues, madesciente inter fu-
dandum corpore, mollescunt; ossaq; è
contrà, in magno frigore, facilè dirum-
puntur. Atque hinc fit, ut caput initio
reliquis omnibus partibus magnitudine
præpolleat, videaturq; capitis *fungi*, cau-
liculo suo innascentis; figuram planè
æmulari: adeò ut, quod de petasato fa-
cetè *Plantus*, nobis omnibus conveniat;
*hic quidem pol homo fungini generis est,
capite se totum tegit.* Fueritq; hæc forsi-
tan celerioris incrementi in fœminis cau-
sa, si *Aristoteli* credimus, dicenti: *Mari-
bus, comparatione habitâ ad fœminas, sem-
per capita esse minora, proportionem cor-
poris.*

*Lib. de bre-
vit. vitæ.*

Solent agasones atque essedarii in Gal-
lia, equis ab itinere lassis vini meracioris
haustum in os inspuere: quâ aspergine
illi refocillantur, virésq; aliquantulum

redintegrant ; etiamſi pars ejus minima ad ventriculum deſcendat. Notum quoque eſt, cerviſiam generoſiorem, præſertim non lupulatam, ac recentem, ſtatim atque in os aſſumpta fuerit, faucésq; adierit, ferire caput, cerebróq; nebulam obducere. Idémq; aliis quoque ſuccis fermentatione ſubbullientibus commune eſt ; quòd nempe materia necdum defæcata, variè ſeſe agitando, turbas ibidem concitet.

In hunc finem, animalia *ruminantia* cibum è ventriculo per œſophagum in os reducunt, ut ſucco ibidem expreſſo bis fruantur : totúmq; eorum palatum ex conglomeratis exilibus glandulis intùs conſtruitur, foriſq; tunicâ craſſâ multis minimis foraminulis pertuſâ, prominentiſq; papillaribus loricatur. Et fuère etiam (ſi *Aquapendenti*, aliſq; credimus) homines, qui, biſulcorum more, ruminarent.

Naturalis iſte laticis nutritii per cerebrum tranſitus, ſi à frigore, humorum copiâ, aut viſciditate, aliâſve ob cauſas præpediatur ; ingruit ſubitò malorum cohors, vitæq; fontem obruit. Hinc capitis dolor, ſtupor, obliuio, veternus, & ſexcenta alia incommoda obveniunt.

cent. 1. oſſ. *Guilielmus Fabricius Hildanus* meminit
10. monſtroſi

monstrofi hydrocephali ; dicitque , *Reliquum corpus (integræ licet visceribus) parum nutritum fuisse. Absumpto*, inquit *Severinus, raptôq; à superioribus alimento :* De second. abscess. nat. pag. 186.
quemadmodum abunde distento splene, cætera membra contabescunt. Ego verò id factum arbitror , ob interceptas obstructasq; vias, succo alibili ad inferiora destinatas. Sicuti enim , refrigerato ventriculo , plurimum in eo pituitæ brevi innascitur, ob vitiatum ejus tonum , læsamq; inde coctionem ; ita pariter , obortâ à frigore capitis gravedine, multum blennæ sive coryzæ per nares atque fauces relabitur. Documento manifesto, coctionem aliqualem ibidem peragi. Unde enim aliàs tanta humoris excrementitii copia, si nihil ad caput , nisi in privatum ejus commodum , ascenderet ? aut cur non alibi quoque idem contingeret ? Mucus autem iste nihil aliud est, quàm succi nutritii condensati , & à debito itinere retrorsum deflexi exclusio. Idq; præcipuè matutino tempore contingit. Cerebrum enim, inter dormiendum, aliquatenus ferias agit : vigiliis autem recurrentibus , idem , meningum ope , se movet, atque agit, ut, quod ipsi molestum est, protrudat foras. Est enim motus quidam *protrusus* in partibus , quos humores

humores propellantur ad debitam metam ; qui in somno vel cessat, vel impeditur, ob toni partium relaxationem.

Infantes sæpe, ob ἀδυναμίαν sive voracitatem, *lampadi* pariter ac *cerebro* nimiam materiam congerunt, adeóq; in *Rachitidem* proni sunt. Videtur enim esse morbus complicatus : namq; hepar illis plerunq; prægrande est, ob copiosum nimis sanguinis affluxum : & caput sero abundat, ob præclusum iter nutritionis, ac propterea etiam grandescit ; quia humor alimentarius illuc affluens, ibidem, nè descendat, sufflaminatur.

Præterea, ut id quoque joculariter addam, à succo hoc è cerebro per meninges defluo, fit in occipite quasi vortex quidam & circumgyratio ; indéq; in ipso vertice crines in gyrum torquentur. Quod si quis istuc aliter fieri non potuisse arbitretur, quia ab illo apice, ceu centro, crines, tanquam lineæ, undiquaq; ad ambitum feruntur : mutabit fortassis sententiam, ubi in fronte equi declivi idem contingere animadverterit.

Dixi, succum alibilem, non solum ex ore & faucibus, verum etiam è ventriculo, filtrationis modo, ad cerebrum ferri. Quod his argumentis confirmatum imus.

Si quis pollucibiliter pastus, protinus somno se dedat; sentiet magnam capitis gravedinem: quod nempe à chylo tenuiore illuc ascendente, nec transitum commodum, propter copiam uberiolem, repiciente, cerebrum plurimum obnubiletur. Non potuit autem humor ille, tam brevi tempore, per varios abdominis, pectorisq; mæandros, atque anfractuosa vasorum percurrere. Scio, vulgò dici, id à *vaporibus* sursum elatis contingere. Verum istuc mihi haud magis verisimile. Nam cum coctio (ut mea est sententia) sit *colliquatio* aut *tabefactio* quædam cibi in ventriculo, non autem *ebullitio*, qualis vulgò creditur; non video, quomodo tot *vapores* ascendere queant. Et ut ascendant maximè; quidni rectà per œsophagum lati, per os & nares avolent? præcipuè in iis, qui ore aperto dormiunt. Cur cæcos aut internos meatus ingrediuntur? Aut quomodo in hos sese ingerunt, sine ulitatis flatuum symptomatis?

Qui autem jejuno ventriculo ita cubitum, agrè dormit. Non quidem, quod stomachi latratus quietem interturbet: sed quia exinanitus ventriculus vectigalia debita cerebro non persolvit: pauciq; humores illuc transmissi, non sufficiunt excitant-

excitandæ nebulæ, quâ soporatur animal. Ac propterea, ab opipara cœna, aut computatione hilariore, quoties lubet *συνωδωνίζειν*, illico in somnum proclives sumus. Nam si aliunde *ἀναδυμίας* illa adveniret, atque unâ cum sanguine ad caput appelleret; illud semper eodem modo contingeret: quoniam arteriæ parrem fere continuè illius quantitatem (modò febris absit) ad cerebrum deferunt. Quinetiam sanguis parcius inter quietem fluit: uti vel hinc constat, quia dormientibus magis, quàm vigilantibus, frigus atque horror ingruere solent.

Ascensum quoque hunc facilem esse, docent infantes lactentes, qui nullo negotio lac è ventriculo ad os transferunt. Isdémq; frequenter aphthæ contingunt, si lac in eorum ventriculo corrumpatur. Atque ob hanc etiam causam, linguæ color ac scabrities, ventriculi constitutionem indicant. Quò autem chyli pars tenuior expeditiùs fursum meet, humectatione opus est; quemadmodum in filtratione usu venit; atque hinc etiam potandi necessitas; sicca enim ascensum huiusmodi frustrantur. Ideóq; ardente febre correpti, quibus lingua faucésq; arent, subito macrescunt.

Deniq; in graviore tussi, sæpe marcor

& tabes obveniunt. Tam exiguum autem pituitæ à capite in fauces depluvium, non posset tantum incommodi afferre, nisi simul laticis nutrientis ἀναδερῶν sive commeatus à ventriculo ad cerebrum interciperetur. Quinetiam existimo, multum illius pituitæ eo tempore faucibus obhærentis, è ventriculo ascendisse, ibidémq; condensari, ob præclusum in caput transitum. Profectò plurimum intercedit ventriculo cum capite commercii: adeò ut illi vix malè sit, quin hoc confestim doleat. Effracto cranio, mox vomimus; idémq; faciunt vertigine prehensi; quemadmodum multis navigantibus, aut curru vectis usu venit. Neque enim dici potest, hoc à ventriculi vellicatione (ut in capite læso fit) contingere; cùm is eo tempore molestiam nullam sentiat. Fit autem à motu cerebri inusitato, velut in gyrum; qui caliginem oculis, & vertiginem inducit.

Ad particulariter autem explicandum, per quas vias succus iste ad cerebrum transferatur; alio, quàm *Davo*, opus est. In his enim talibus, ac plerisq; aliis, veritatis inaccessibleis lux altâ caligine obvalatur; nè teneram ingenii humani aciem splendore nimio perstringat. Eleganter

Lucretius:

Multa

*Multa tegit sacro involucre Natura,
neque ullis*

Fas est scire quidem mortalibus omnia.

Multa

*Admirare modo, nec non venerare :
neque illa*

Inquires, quæ sunt arcanis proxima.

Namq;

*In manibus quæ sunt, hæc nos vix scire
putandum est ;*

Est procul à nobis adeò præsentia veri.

Ut tamen porrò discriminis modò dicti specimen aliquod præbeam ; existimo, rheumatismum illum uteri, *fluorem album* dictum, succi nutritii sobolem esse : dum *menses* ad sanguinem spectant. Quanquam crediderim, ipsa quoque *menstrua* à Natura instituta esse, non tam evacuando sanguini superfluo, quàm expurgandæ succi alibilis ferossæ pravæq; materiæ : quâ stagnante, fœdatur mox tota Naturæ œconomia, ingruuntq; solita symptomata ; nempe cibi fastidium, nausea, ventriculi dolor, difficilis respiratio, crurum *ἀκρότητα*, chlorosis, febris lenta, & mille mala, quæ neutiquam solent à sanguinis redundanti àproficisci. Verèq; à Lamberto Veltbusio dictum :

Tam

Tam exigua sanguinis copia in corpore re- De genera-
tione c. 5.
pag. 134.
tenta, tam gravia symptomata hand produ-
ceret, si menstruorum fluxus, copiam san-
guinis pro causa haberet: nam multis
menstrua fluere non desinunt, quæ jejuniis
se macerant. Nec verisimile est, puellas,
circa annum decimum-quartum, plethorâ
laborare; quæ etiam non solet tam pauci
sanguinis emissionem curari. Adde, viros
plus sanguinis habere quàm mulieres; iis
tamen à Natura prospectum non est, ut
justo majorem copiam certis intervallis
evacuare possint. Imò verò apud Tapuyas
in Brasilia, tota natio foemellarum illis
destituitur; si Joanni Stadio credimus, Apud de
Bry.
qui apud gentem illam efferam decen-
nium integrum commoratus erat.

Similiter, albumen in ovo est succus nutritius; vitellus autem lampadi materiam suppeditat.

Et si tam humile exemplum non displicet, ex diversis fontibus bibunt; pullex, dum fugendo sanguinem potat; & pediculus, dum fibrillas rodendo, succo alimentario pascitur.

Ridebis, opinor, hæc ubi legeris: & mihi quidem volupe est, Amicos hilarem ætatem agere: dico tamen cum *Minutio Felici*: Inest & in incredibili verum, & in verisimili mendacium. In Octavio.

Puto

Animad.2. Puto sanguinem (quicquid alii dixerint) fermentationi minimè idoneum esse: convenit enim illa humori recenti & musteo; sanguinis autem major pars vetus hospes est.

Resp. *Auctoritate tuâ V. A. multum commoveor, uti par est; argumento verò, quo sanguini fermentationem adimis, non adducor ut tecum sentiam. Nam si veteri cervisæ recentem, aut vino veteri mustum admiscueris, effervescentiam in utroq; liquore concitabis. Nimirum novus advena veterem hospitem expergeficit. Idem hic usu venit, quod in senum juvenumq; promiscuo conventu sæpe contingere videmus; horum enim ardor & alacritas, illos ad hilaritatem (nonnunquam etiam ad saltus ac tripudia) provocat, alioqui fortè tristes torpidosq; futuros. Simili ratione, sanguis inveterascens, accedente novo chylo, instauratur: nam probè commisti simul effervescent. Atque hinc fit, ut, si quando fermentatio illa nimium Naturæ limites transilierit (quod in febribus accidit) inter cetera, quæ satagimus, abstinentiam à cibo, tenuémve diætam, imperare necesse sit, quò illa in ordinem redigatur.*

Instant. Non solet severus grandævorum senum chorus, unius alteriusq; juvenis superventu hilaria agere, ac repubescere:

ncc

nec tam levi libramento vetus indoles exuitur. Paucae solum guttulæ succi chylosi, per *ductum thorasicum* delati, sanguinis rivulo, per *venam subclaviam* delabenti, commiscuntur. Alioquin ipsemet ille sanguis præ cætero albesceret: quod tamen à nemine unquam animadversum arbitror. Certè (ut dictum est) solus succus nutritius in pus abit, quæ est fermentationis quædam species: sanguinem verò suppurare, nullis (quod equidem sciam) argumentis constat. Exæstuat quidem sanguis in febribus, & turbasciet, quæ sæpe venæ-sectione castigantur: maxima tamen malorum seges (etiam in illis) à succo alibili depravato, atque à sanguine alieno, proficiscitur.

Sanguis (meâ quidem sententiâ) non Animad. 3. nutriendo, sed calefaciendo duntaxat corpori inservit. Nec animalia eodem modo nutriuntur, quo ædes extruuntur; per appositionem scilicet variarum materierum; utpote lapidum, lignorum, &c. sed ex consimili prorsus materiâ *intertenus Artifex, corporisve Opifex*, diversa membra extruit: quemadmodum ex eadem pluvia diversi, imò & contrarii plantarum succi enascuntur. Fitq; nutritio

α τ η γ ε δ α ς .

μυσ

D

Mibi

Resp.

Mihi verò sanguinem utroq; munere defungi, semper hucusq; visum est, & etiamnum videtur. Quid si autem rationes illas omnes, quibus tu innixus, contrariam sententiam & amplecteris, & proculdubio tueri potes, intelligendo assequeris, in tua castra fortasse transirem. Interim videor non levibus argumentis in communi Medicorum sententiâ detineri, neque machinis vulgaribus (tue verò non sunt tales) inde sumdimovendus. Certè enim chylus ille, quem ingesta nobis alimenta subministrant, & quo sumptus & dispendia sanguinis quotidiana jugiter instaurantur, non tantum ex particulis sulphureis constat, unde calor excitetur; sed etiam ex salinis (quæ fortè præcipua nutritionis materia sunt) aliisque, quibus pro variâ partium corporis, omnium & singularum, indigentiâ, nostris usibus inserviat: ut hoc ipso in loco fusiùs à nobis explicatum est. Si autem succo duntaxat nervoso contenti esse debemus (quem solum nempe tu nutritium, opinor, appellitas) vereor, nè, tam parco freti dimenso, famelici statim simus futuri. Credis enim, si teneo mentem tuam, succum hunc alibilem à nervis è chyli massâ delibari, priusquam ille, venis subclaviis infusus, sanguini admisceatur. Ac jamdudum nobis innotuit, ex nobili illo Loweri experimento, si ductum

Etum Thoracicum ita diffregeris, aut dif-
secneris, ut chylus illac transire, vidmq; sibi
ad sanguinem facere nequeat, animal & ca-
suum languore, & brevi fame periturum.
Claro indicio, etiam liquorem illum, qui
nervis desertur, è sanguinis penu, si non
totum, saltem potiore partem desumi.
Mitto reliqua, quæ in medium proferre
possem, nè sim prolixior.

Jam quod ais, animalia non eodem mo-
do nutriri, quo ædes extruuntur: faten-
dum quidem est, artem quandam, in vi-
lissimâ quavis (quanquam quid hîc vile
dicendum est, si Philosophorum more loqui
velimus) Naturæ fabricâ, tum extruendâ,
tum conservandâ, conspicuam esse; longè
diviniorem eâ, quam vel peritissimus Ar-
chitectus in suis operibus ostentat. Memi-
nisse tamen oportet, etiam internum illum
Artificem tuum (sive illo nomine, λόγον
aliquem περιεχόντα, sive nescio quem Ar-
chæum intelligas) ut ut opere materiam
superet, materiâ tamen, eâq; variâ, opus
habere, quò domicilium suum & extruat
primò, & porrò adaugeat, ac sartum tectum
conseruet. Quantumvis enim, subtilissimo
artificio, sensibus nostris fucum faciat, dum
chylum v. g. conficit, aut sanguinem inde
excoquit, aut semen, succumq; nutritium,
ex utroq; fortè, proleat, quasi consimili
D 2 prorsus

prorsus materiâ usurus ; norimus tamen hæc, ad speciem homogenea, ex dissimilibus particulis constare. Aliàs enim perinde fere esset, quibus alimentis vescantur animalia ; cùm tamen illud plurimum nutritionis interstet. Caterùm licet in minutissimas particulas dividantur ingesti cibi, dum succi alimentaris formam induunt, atque nutritio (quemadmodum tu statuis) ἀτρυγέδως fiat, oportet tamen, ut quæ, specie vaporis, corporum partibus accrescunt, proportionem quâdam meatibus congruant, per quos iisdem partibus apponantur. Eadem illa pluvia, ex qua diversi, imò & contrarii plantarum succi enascuntur, dissimilare quidpiam est ; idemq; solum variis corpusculis alimentariis fecundum est : neque sic tamen omnis fert omnia tellus. Dum autem succus nutritius per plantarum partes ascendit, diversam temperiem, variâsq; qualitates acquirit, pro variâ pororum figurâ, per quos adigitur : in quo quidem transitu, textura succi ascendentis multifariâ immutatur. Quid ? Quod tu quoque, paulo postea, concedis, etiam succo tuo nutritio tartaream materiam inesse : unde sequitur, neque illum esse humorem prorsus homogeneum.

Instant.

Propemodum me tua cogit humanitas, ut fatear, errorem mihi hîc aliquem obrepisse,

obrepfisse, (quod nequaquam à me alienum puto) quem tamen necdum conspicior. Verborum asperitate exardescunt lites, dum dissidia, animorum comitate sopiuntur. Nam etiamsi rapi quis amet à *Nymphis*, tanquam *Hylas*; nolit tamen trahi à *Furiis*, tanquam *Orestes*. Placuit mihi semper doctorum virorum amica concertatio, atque in rebus arduis discors sententia. In alienam verò famam nequiter grassari; eorúmque nomina, à quibus nunquam læsus sis, petulanter proscindere; id profectò est verè *Scurram* agere: quales se nuper quidam, ingenii immodesti, protervæ linguæ, infrunitiq; *Medicastro* improbè atque inficetè præstiterunt.

Experimentum *Loweri* (quod tibi *nobile* videtur) parum apud me momenti trahit. Quis enim miretur, dissecto, diffractòve *ductu thoracico*, interceptòque adeò chyli ad cor commeatu, animal inde languidum fieri, & brevi fame perituum? non magis sanè, quàm absumpto prorsus sanguinis penu, non solutis debitis vectigalibus.

Faves deinde, ut video, sententiæ *Anaxagoræ*,

Principium rerum qui dixit homœomeriam.

De plantis
pag. 390.

Cùm tamen nutritio non videatur con-
tingere segregatione partium inutilium,
atque aggregatione similarium ; quo-
niam omnis planta , atque etiam animal,
victum quemlibet in peculiarem sui na-
turam convertit ; nec succorum discrimi-
mina tam inveniunt, quàm faciunt. Ac
proinde minùs placet illud Joannis Co-
stæi : *Satione fœtidarum rerum prope flores,*
odore evadunt flores suaviore ; ut si allium
prope rosam. Cùm enim simili omnia nu-
triantur ; & ab allio, si quid terræ fœtidū
inest, in suū trahatur alimentum ; quod re-
liquum est, purius remanet ; quod in rosæ
cedens nutrimentum , suavioris in eâ &
succī & odoris est causa. Imò verò me-
tuat quis potius, nè, ob viciniam rei tam
tetrè olentis, aliquid simile rosæ affletur.
Neque eo auxilio quidquam opus , si
succī quilibet veluti per cribrum agantur ;
nihilq; in plantæ aut animalis nutritum
transferatur , quod variæ pororum illius
dispositioni ac modulo non respondeat.
Bos, ovis, caper, poreus, eodem gramine
vescentes, diversi tamen omnino saporis
sunt : etiamsi ad hujus bonitatem , cibi
suavitas non parum faciat. *Istud autem,*
ais, ad variam pororum structuram refe-
rendum est. Libet itaque sciscitari ; si
furculus è pyro præcisus pruno inseratur ;
cùm

cùm necesse sit, ut alimentum omne, *pruni* radicem permeans, ipsi pruno nutriendæ sit accommodum, ejusdémq; poris undiquaq; conveniat; quâ fiat, ut *pyri* furculus, diversis poris constans, inde nutriatur, & crescat? Num hamatarum, quadratarum, & alijsmodi atomorum, sive particularum minimarum anguli, dum poros fortè rotundos subeunt, deteruntur, poliuntúrq; ad amussim? Quid igitur sit de scobe reliquâ? an non periculum est, nè à retrimentis illis obstructiones variæ contingant? Et præsertim, si omnibus *pruni* ramulis abscissis, totidem è *pyro* furculi in eorum locum sufficiantur. In *Insula Maragnone* (referente *Cass. Barleo*) arbor, *Acayou dicta*, fructus fert quadrifariam diversos: unum *pyro similem*, nucleo amygdalino, succulentum, flavumque; secundum acidioris succi, & rubicundum; tertium acidissimum, unde acetum conficiunt; quartum saporis gratissimi. Existimandúmne igitur, eosdem poros diversorum adeò fructuum nutritui convenire: aut aliis alias radículas inservire somniabimus? Gignuntur in animali ossa, ubi nulla præextiterant (ut in capite, cranium) ad quam itaque pororum normam nova hæc soboles? Algente vehementer coelo, sit glacies; quæ

*Hist. Brasil.
pag. 225.*

mox, aëris tepore , in aquam revertitur. Censendúmne, duram solidámq; aliquam materiam inter congelandum accedere ; quæ, mitescente aurâ, lique scat, ac vaporis specie avolet ? Ossa ad eundem ferè modum (non tamen frigore) confiunt.

Nutritio sanè videtur esse veluti continuata quædam generatio ; quæ est opus *ideale*, ad exemplar primitivum actiones suas dirigens. Quippe animal (ut dixi) non extruitur ad ædium modum ; nempe ex diversis particulis in semine latitantibus : quasi *semen* esset omnium totius corporis partium proventus, sive apophysis. Nam ex cæcis, claudis, alitèrve mutilatis parentibus, nascuntur liberi perfecti, integrîque. Neque dixeris, defectum hunc à parentum altero suppleri. Ex *Judeis* enim apellis nascuntur filii cum præputiis. Et in *Soldania* , prope promontorium *Bonæ Spei*, ex parentibus (si dîs placet) generosioribus, unôq; solùm testiculo dotatis, gignuntur filii ambobus testibus gaudentes. Sic etiam *Numida* (ob dactylorum esum, quibus multum viciant) citò fiunt edentuli ; & tamen liberos procreant dentibus præditos. Similiter, semen, ex arbore, magnam partem decorticatâ, cuiusq; truncus planè emedullatus fuerit, natum, integram nihilominus

Parchas
Pilgrim.
part. I. pag.
482.

hilominus sui generis plantam producit. Nempe in qualibet feminis parte tota virtus formatrix nidulatur. Ex uno grano tritici interdum centum alia proveniunt. Nec virtus illa *semini* solum inest, verum etiam plantæ integræ. Ut videtur est in furculis arboribus aliis insitis, qui pristinam formam speciemq; usque retinent: idemq; in *talearum* satu contingit. Porro fœtum à *formatrice* procudi, non autem à consimilibus feminis partibus prognasci, vel illud argumento est, quod *cervorum* cornua, annuatim decidua, proximo vere renascantur; idque, pro annorum serie, certo semper incremento. Et quæ animalia uterum gerunt, *placentam* formant, cui nihil in utrolibet parente est analogum. Quinetiam nec eadem prototypi forma in fœtu conspicitur. Proles parentem raro refert. Mille ejusdem arboris semina totidem diversas formas in exortis inde arboribus exhibent: quarum nulla, quoad radicem, corticem, truncum, ramos, folia, flores, aut fructus alteri similis est. Ejusdem *tulipæ* semina variis admodum coloribus à parentis specie abluunt. Ut utique videatur semen observare ideam *speciei*, non autem *individui*. Imò interdum & illam abdicat: veluti cum triticum degenerat in lolium, sterilémve

Varolius
Anat. l. 4.
c. 3.

Arist. 2. de gen. anim. c. 3. sterilemve avenam. Ita pariter ex *muscis* & *papilionibus* generantur quædam animalia, non similis naturæ, sed genus quoddam *vermiculi*, aut *erucæ*. Unde constat, semen haud è cunctis partibus fecedere.

Et ut succo nutritio materia tartarea in primis viis insit; ille tamen eundo defæcatur, fitq; humor illimis ac limpidus, priusquam nutriendo corpori fiat idoneus.

Attamen hæc omnia, inquires, solâ partium commutatione, transpositione, cribratione, atque ordinatione peraguntur. Et fortassis ita fuerit. Præstat enim, in huiusmodi arduis, fateri ignorantiam nostram, quàm, inani rem adeò obscuram illustrandi conatu, eandem prodere.

Aneid. 6. Quale per incertam Lunam, sub luce
malignâ
Est iter in sylvis, ubi cælum condidit
umbrâ
Iuppiter, & rebus nox abstulit atra
colorem : tale hîc mihi.

Veritas certè radicem habet in cælo, indèq; ramusculos aliquot, aut folia ad nos demittit; vel umbra potius sola protenditur. Vix quidquam enim videas
tam

tam firmis argumentorum tibicinibus
 suffultum, quod non (δια τῶν ἀντιπα- *Sextus Em-*
 ρωτων ἰσοδυνάμων) aliis similibus subverta- *piricus.*
 tur. Ita ratio rationem antiquat.

Nulla mihi videtur consequentia, san- *Animad. 4.*
 guinem ad *nexum*, & *coherentiam* procli-
 vem esse, quia ex partibus constat *hetero-*
geneis. Nam rudera, aliâq; corpora dura
 haud faciliè miscentur; cùm tamen aqua,
 vinum, & similia, ex partibus similaribus
 constantia, faciliè coeant.

Rudera quidem, aliâq; corpora dura non Resp.
faciliè miscentur, siquidem illa sicca fuerint,
& mole paulò majore constiterint: at si
eadem in pulvisculos & minutias dividan-
tur, quales ad fluidum corpus constituen-
dum necessariae sunt, adeòq; in fluido na-
tent (quod profectò in sanguine fieri con-
stat) sequitur, opinor, partes hujusce con-
creti corporis ad nexum & coherentiam
satis proclives futuras, nisi jugi agitatione
separentur, ac distendantur. Exemplum
hujus rei habemus in vini tartaro, in uri-
narum subsidentiis, atque universim in om-
ni corpore liquido, ex partibus, quoad mo-
tum, figuram, & magnitudinem, dissimili-
bus constante. Omnis enim liquor, et si
mentiatur quietem, adeòq; sensibus nostris
faciliùs

faciliùs imponat, intestinis tamen motibus agitur. Atque hæc una depurationis liquorum ratio est; qui, si ab extranea aliqua causa turbentur, nec permittantur sibi, feces suas haudquaquam deponunt, nisi aliunde provisum fuerit. Proindeq; sanguinis flumen, pulsibus cordis circumactum atque exercitum, recrementa sua nunquam dimitteret, nisi ea esset corporis animalium fabrica, ut colis quibusdam & secermiculis, hîc illîc (divino planè artificio) positis, in transcurso suo defæcaretur. Verùm hoc pacto (colaturâ nempe, si accurata fuerit) vinum, etiam recens & impurum, usque adedò brevi clarescit, ut vix illud à veteri, limpidissimoque, vel colore, vel sapore discernere liceat. Quin & hæc unica fere est, & summa sanguinis depurandi methodus, à natura nobis concessa; quam si neglexerimus, id plerumq; damno nostro fit. Neglexerit autem ille maximè, qui, vel vitam sedentariam, tristiorémq; transegerit; vel, inter luxûs & languentis ignaviæ brachia, — charas malè collocarit Prodigus horas, (ut cum Couleio nostro loquar.) Hinc enim regeſſa (multorum malorum & mater & nutrix,) calculus, & nodosa podagra, reliquûmq; ferale morborum agmen nascitur. Quod genus ærumnarum raro pulsat pauperum tabernas (qui saltem ex-

ercitio

*exercitio paulò majore victum sibi quærunt)
cùm in divitum & studiosorum adibus fre-
quentior hospes adesse soleat ; ubi tamen
purior victus obtinet , atque anxior abdo-
minis cura. Sed hæc obiter : summam enim
exercitiorum utilitatem alibi deduximus.*

Licèt corpora dura & heterogenea, Instant.
in tenuissimam scobem redacta, fluorem
aliquem æmulentur ; hic tamen molli-
bus , liquidis, ac similaribus potissimùm
convenit ; quæ eam etiam ob causam
facillimè coalescunt. Subsidit quidem in
vino tartarus , in urinis sæculenta mate-
ria ; quòd humoribus, quibus commisce-
bantur , præponderent : ideòq; sensim
fundum petunt, salisq; interventu aliqua-
tenus concrescunt : præsertim si quies
adfit ; quoniam à motu omnia turbantur.
Ac propterea nec sanguinem, rapidè
circumactum, recrementa sua unquam de-
positurum, ais, nisi Natura variis colis ac
secerniculis ei incommodo sapienter ca-
visset. Quasi verò bilis in hepate, ad
cribri duntaxat modum , à sanguine se-
gregaretur ; & nutritio fieret per mani-
cam Hippocratis. Quod vix aliud est,
quàm cum Paracelso statuere, *Nutritio-* Franc. Ba-
conus de
motu, pag.
210.
nem per separationem tantùm fieri ; & in
pane vel cibo latère oculum , nasum , cere-
brum,

brum, jecur ; in succo terræ, radicem, folium, florem. Etenim sicut faber ex rudi massa lapidis vel ligni, per separationem & rejectionem superflui, educit folium, florem, oculum, nasum, manum, pedem, & similia : ita Archæum, fabrum illum internum, ex alimento, per separationem & rejectionem, educere singula membra & partes, arbitratus est. Cum tamen verissimum sit, partes singulas, tam similes, quàm organicas, in vegetabilibus & animalibus, succos alimentorum suorum fere communes, aut non multum diversos, primò attrahere cum nullo delectu ; deinde assimilare, & vertere in naturam suam. Ideoq; verè à Velt-husio dictum, Productionem rerum novarum fieri, non simplici segregatione aut congregatione quarundam particularum ; sed ipsa corpora, ex quibus res naturalis componitur, intrinsecè mutationem subire. Quomodo enim aliter, ex eadem pluviâ, & consimili terrâ, plus salis in cochleariâ, quàm in betâ ; plus sulphuris in pencedano, quàm in endiviâ ; in abiete, quàm in pyro nasceretur ? Ista autem proveniunt à diversis Archæis intus hospitantibus. Adeoq; haud verum videtur, quod Hippocrates narrat : Scythas ad unum omnes iisdem prorsus moribus, similiq; formâ faciei & figurâ esse ; quòd in universum om-

De generat.
c. 2.

Lib. de aë-
re, aquis, &
locis.

nes uniusmodi cibis vescantur , consimiles bibant aquas, uniformes habitus gerant, uno eodémq; per omnia vivendi ordine utantur. Bruta quoque animalia, inquit Huartes, ob hanc causam , fœtus suos ad sui similitudinem formatos, suâmq; figuram particularem exactè referentes gignunt ; quia semper consimili pastu utuntur, atque uniforme semen generant. In homine verò contrarium usu venit. Imaginatricis tamen vim hîc multum posse, non diffiteor.

*Scrutin. in-
gen. p. 702.*

Tantum abest, ut corporis habitum, ab influxu remeatûq; sanguinis, attolli & subsidere existimem ; ut nè arteriis quidem diastolen & systolen concedam. Est enim arteriæ, ab illisu sanguinis, vibratio potius (ob motûs continuitatem) quam vera intumescencia & detumescencia : sanguis enim pari tenore & æquali passu labitur, nisi ab intemperie secûs evenerit.

Animad. 5.

Non minùs, equo succussore, aut pilento vecti, concutimur, quàm citâ ambulatione aut cursu, præsertim in acclivem locum : & tamen tum pulsus, tum respiratio ibi. multò sedatior rariórque est. Puella, chlorôsi laborans, si gradus etiam leniter ascendat, statim anhela fit, & seditionem facit cor, ut cum Plauto lo-

quar:

quar: nec tamen corporis ambitus inde magnoperè comprimitur, multòq; minùs interiora viscera quicquam ejusmodi patiuntur; ubi sanguis nihilominùs rapidè circumvolvitur. Verbo dicam; hanc sanguinis *ᾠκίστως*, nihil aliud esse arbitror, quàm *ἢ πρὸς τὸ κινῆμαλλον ἀκρόστιαν*. Etiam in cadavere, sanguis impulsus facillimè rotatur.

Resp.

Corporis habitum, ab influente sanguine, leviter attolli; eodémq; remeante, paululùm subsidere existimo, licèt ille, si sensum consulas, non intumescat, aut detumescat. Atque hoc ex arteriarum, per eundem dispersarum, systole ac diastole proficiscitur; quam cur non concesseris, ego nullam rationem video, satis idoneam. Ut enim, ob motùs continuitatem, arteriarum tunicis vibratio competit; ita, ob sanguinis influxum, dilatantur canales; earum præsertim, quæ tenuiores sunt, quales per corporis habitum ubiq; disperguntur. Agnosco, sanguinem, æquali fere passu, plerumq; labi; sed jugiter impulsus labitur, uti cymba remis subinde incitata: jam, ictu illo languescente, musculi paululùm detumescunt, eodémque repetito, nonnihil intumescunt ac ducuntur.

Difficile

Difficile est revellere, si quid altè ani- Instanc.
mo infederit. Est hoc inter *πατερον*
δοτα, arteriam *diastolen* ac *systolen* alter-
natim pati; indèq; corporis habitum
(refragantibus licèt oculis) leviter attolli,
ac subsidere existimas. Quasi nimirum,
sicut in mari; ita pariter in arteriis con-
tingat æstûs reciprocatio; atque in ac-
cessu, fluctus litora adeant, ac operiant;
in recessu autem, eadem nuda relinquant
denuo: cùm tamen sanguinis *ωσπερ*
sedato nisu, æquali constantiq; circum-
rotatione perficiatur. Equidem (ut di-
xi) sic existimo; motum illum tremu-
lum, ab illusione sanguinis aortæ inditum;
ad arteriarum ultima durare. Quemad-
modum in fidibus usu venit; ubi, si
illarum unum extremum digito percus-
seris, ad alterum confestim eadem mica-
tio pertingit. Ut autem intelligas, quàm
sit ad *diastolen* *systolen*q; inepta arteria;
consule quæso digitos, & diligenter ex-
plora, numnam in carpo, alibive, intum-
escientiam aliquam, aut subsidentiam
percipere queas. Consule etiam oculos,
& videsis, quantopere arteriæ in demor-
tuo animali rigeant, cavitatèmq; suam
intemeratam servant: & præcipuè cordi
vicinæ; quæ ibi crassiores extructæ sunt,
nè spiritus ocyùs transvolent; tum etiam,

E

ut

ut impetum profilientis sanguinis facilius
sustineant : eadem tamen est ratio quo-
que tenuium arteriarum, quæ ad similem
normam moventur. Quodd si sanguis un-
dulatim procederet, & ad modum cym-
bæ remis incitatæ cieretur ; indito arte-
riæ calamo, injectoq; circum laqueo, pul-
satio tamen nequaquam infrænaretur,
verùm ad illius extremum pertenderet :
quod utiq; fieri posse, neutiquam, opi-
nor, concesseris. Neque huic celeri mo-
tui quicquam obstat arteriæ *mollities*, *tor-
tuosus & incurvus situs*, aut cum partibus
innumeris in via connexio, ut Cl. Diemer-
broeckio visum est. Siquidem etiam in
araneorum telâ, motâ parte aliquâ extre-
mâ, motus idem ad aranæ nidulum sive
speluncam perpetuatur. Idemq; etiam in
ipso aëre usu venit, ut postea dicitur.
Similiter in trabe (ubi partium est mul-
tiplex cohærentia) sonus in uno extremo
levi digiti pulsatione editus, eodem mo-
mento in altero (idq; recto filo) persen-
tiscitur. Verùm esto, subsiliat aliquan-
tulum cum micante arteria illi incumbens
cutis, atque etiam partes carnosæ : num
propterea sanguinem vasa expeditius
percurrere censendum est ? Profectò *ga-
via*, fluctibus maris insidens, cumq; iis
sursum deorsum lata ; æquè æstûs marini
causa

causa fuerit. Quinetiam subsidente in systole (ut vulgò creditur) arteriâ, ab illa qualicunq; compressione, sanguis non minus sursum quàm deorsum adigeretur. Quia tamen istuc sanguinis per pulmones celeriori curriculo favere videbatur, ideo hoc tibi commentum placuit. Errorem autem quò magis fucaveris, eò fit conspectior.

Ad hunc modum, *Laurentius Bellini*--- *De struct. ren. p. 81.*
magnopere à vera lapsus ratione videtur,
 ubi ait: *Fœminarum papillæ, licet lacte turgeant ad dolorem usque, non tamen illud effunditur, nisi constrictione & compressione exprimatur. Ita planè in renibus, licet ductus renales urinâ intumescerent, ipsa tamen, sine expressione, non efflueret. Hæc autem vis exprimens respirationis ope facillimè obtinetur. Tumefactis enim pulmonibus, & thorace; à distento diaphragmate impellitur abdomen; ex cuius expressione, à visceribus omnibus suppositos renes comprimi necessum est; quorum compressione, & uberrimus serò fluxus in Pelvim, liberq; sanguini regressus in Cavam conceditur. En tibi patronum singularem! Quis enim non credat, sanguinem per pulmones, horum compressu promoveri; cum eorundem dilatatione, non modò serosum in renibus humorem ad*

Pelvim, sed & sanguinem inde versùs *Cor* propelli intelligit? Verùm præterquam quòd ex uberibus turgidis lac sæpe sponte profluit: quid in iis animalibus fieri putandum est, quibus *renes* obtigère, & *pulmonibus* tamen destituuntur; ut in *piscibus* contingit: vel, si *pulmones* insint, carent tamen *diaphragmate*; quod *avibus* omnibus commune est?

Resp.

Citâ ambulatione, aut cursu, præsertim in acclivem locum, non quidem tantum concutimur (si corporis ambitum spectes, atque vim externam, quâ tunc temporis agimur) quantum equo succussore, aut pilento vecti; sed neque sic vecti, tantâ contentione virium (h. e. cerebri, ac nervorum) utimur, quantâ ad cursum, citâmvæ ambulationem opus est: unde tum pulsus, tum respiratio citatior multò, crebriórque contingit. Harum enim actionum originem proximam & quasi Elaterem intrâ se circumgerunt animalia, neque mutantur ille, nisi hoc priùs immutato. Cernitur hujusce rei imago quædam in horologiis gestatilibus, aliisque; quæ, tametsi susq; deq; & quaquaversum tota removeris, nec indicis interim neque rotarum cursum gressumve quicquam omnino, vel certè parùm admodum, accelerabis: at si, admotâ manu, vim aliquam addideris appenso ponderi; vel

vel aliâ quâvis ratione laceſſiveris partem
 πρωτοκινητικῆν, pari gradu, paribûsq; mo-
 mentis reliquæ incitabuntur; nempe quaſi
 ab illius nutu juſſûq; dependentes. In
 chloroſi, præterquam quòd ventriculus &
 inteſtina flatibus diſtendi ſoleant, adeòq;
 diaphragmatis motui incommodent; ſan-
 guis etiâ, πνευματώσεως indigus, ſi motu
 aliquo ad celerioſorem circuitum ſolicitetur,
 anhelofitatem inducit: agrè enim per pul-
 monēs tranſiens, largiores crebrioreſq; aëris
 hauſtus poſtulat, quibus illinc in ſiniſtrum
 cordis ventriculum exprimatür & extur-
 betur.

Atenim corporis ambitus, viſq; exter- Instant.
 na, præcipuum in hoc negotio locum
 obtinent; ſiquidem (utî cenſes) à cutis
 preſſurâ ſanguinis curriculum promovea-
 tur. Nec ſanè quicquam ad hanc rem
 cerebri aut nervorum auxilio opus eſt;
 quoniam, in celeriore curſu, ipſemet an-
 helitus ſiſtitur; deberétq; adeò ex tuâ
 ſententiâ, ſanguinis tranſitus ſufflaminari.
 Labitur quoque in orbem ſanguis, abſq;
 ejuſmodi ſpirituum miniſterio: ut horo-
 logii geſtatilis exemplum ſit omnino ſu-
 pervacaneum. In chloroſi autem, nec
 ventriculus aut inteſtina neceſſariò fla-
 tibus diſtenduntur; nec, pacatè ſeſe ha-
 bentibus, ſpirandi difficultas oboritur;

verum à cursu, aliòve exercitio vehemētiore, id demum contingit. Non quidem, quòd sanguis, tunc temporis aegrè pulmones transiens, largiores (ut ais) crebriorésq; aëris haustus postulet, quibus illinc in sinistrum cordis ventriculum exprimatur : sed potiùs, quia, cùm gracili lare victitent, magnâq; adsit in talibus sanguinis penuria, morâq; aliquantillâ in sinistro cordis ventriculo opus sit, quâ idem refocillando corpori fiat idoneus; spissigrado aliàs sanguine jam concitatiore reddito, ob illius paupertatem, bonitatisq; defectum, respiratio crebra, pulsus frequens, cordis palpitatio, atque etiam animi deliquium interdum obveniunt.

Rep. *Ceterum tu videris, an illa πρὸς τὸ νε-
ρῶδες ἀνδροδία hanc sanguinis αἵματος
satis explicet. Equidem sanguis impulsus
facile rotatur, si nempe constent causæ im-
pellentes; at illa ob vacuum factum con-
secutio, nullius causæ (nisi fortè finalis,
quæ nullam vim πρὸς τὸν exertit) rationem
habere videtur. In cadavere, si arteriæ
brachii, v. g. immisâ syringâ, inflaveris;
sanguis, infra ligaturam, è venâ exibat:
non tamen hoc fit, ob factam vacuitatem,
sed à re impellente cienteq; motum. Certè
humidorum particule actu divise sunt, uti
differuimus,*

differvimus, neque omnino contiguæ; ærem enim, aut saltem τὸ κενόν habent διαπαρυρόν. cur itaque, si humoris alicujus aliqua portio præcesserit, altera necessario sequi debeat, ego profectò nullus video. Pari veritatis specie dixerit aliquis, si manus contiguas habueris, alterâ amotâ, alteram statim certò secuturam.

Cùm omnia (præsertim in locis terræ Instant,
conregionalibus) arctiusculè stipata sint, vimq; habeant innatam, quâ sese aliquatenus ab angustiis expediant, nec possint sese mutuò penetrare; proclive illis est, ad loca liberiora, magisve rarefacta vergere; vel potius, suopte pondere, vicinis comprimentibus, propelli. Ad hunc modum, aqua, aut vinum è cado, factò alicubi foramine, profilit; densiorq; ær, ad illum in camino, vi caloris rarefactum, protruditur. Hæc est πρὸς τὸ κενέμετρον ἀπολεθία, sequela in locum aliàs futurum vacuum; quæ non causam *finalem*, sed *efficientem* planè designat: illam autem è causarum energeticarum numero jampridem explosi.

*Apoloq. pro
circul. sang.
pag. 28.*

Sanguinem quidem ab aëre, in arteriam impetu immisso, propelli, venamq; ingredi, nemo negaverit; idemq; à quolibet fere humore, similiter injecto, contingeret. Quod tamen non fieret, nisi

pars antecedens subsequenti locum cederet, utpote ab hac protrusa. Enimvero, etiam humidorum particulae, licet actu divisae sint, aëremq; interspersum habent, aliquam tamen in parte sese mutuò contingunt; non autem (*Democriti intermundiorum* instar) spatia circumquaq; inania intersita sunt. Quod de *manibus contignis* adnectis, tuî causâ dictum nollem.

Animad. 6. Fieri nequit, ut sanguis velocius in pulmonibus, quàm alibi, feratur: non potest enim uberiùs ad cor affluere, quàm effluxerat. Nec quicquam huc facit pulmonum laxitas: sanguis enim nullus eorum cavitatem ingreditur, sed solummodo per vasa, inter utramq; tunicam locata, labitur: perinde omnino, atque in intestinis & meningibus usu venit. Auricula cordis, in piscibus, dextri ventriculi vicem supplet, estq; ipso corde plerumq; amplior: & tamen verisimile est, sanguinem haud celerius è corde efferri, quàm ad auriculam appulerat. Vena cava similiter, ipsâ aortâ triplo major est.

Resp. Agnosco te rem, hoc in loco, confecisse; neque verò habes me, uti vides, magnoperè repugnantem; cui satis est, si modò sanguinem pari velocitate per pulmones, atque alibi,

alibi, ferri concesseris. Interim non mihi vel contemptim, vel silentio, prætereunda fuit illa Clariss. Harvæi sententia; utpote qui nunquam, aut rarissimè saltem, his in rebus, in errorem propendet, absque gravi aliquo rationis momento. Crediderim itaque, illum laxitatem pulmonum huc advocasse, quòd sanguis illuc impellendus, cum minorem ἀντιπεσθίαν in levi spongiosâq; parte inveniret, citatiore passu per eandem transcursum videretur. Nam quò laxius est quidquam, eò plerumq; mollius est; & quò quæq; molliora sunt, eò facilius loco cedunt. Licèt itaq; concedatur, sanguinem nullum cavitatem pulmonum ingredi; verisimile tamen est, eundem, per vasa solummodò labentem, in densis compactisq; partibus, adeòq; vasorum parietes facilius & fortius coarctantibus, majorem remixum pati; proindeq; difficiliùs illac transire. Verùm ego nihilominus, hæc in re, tuis partibus accedo.

Hæc verum expior illud Plinii: *Haud Instant,*
 alium esse fidei proniorem lapsum, quàm ubi
 falsæ rei gravis autor existit. Quàto cir-
 cuitus cordi vicinior est, tantò etiam
 expeditius sanguis stadium suum peram-
 bulat. De cætero, cum vasa ubiq; pa-
 tescant, & à novo sanguinis in aortam
 ingressu,

ingressu, qui præcesserat, in venas usque protrudatur ; nec accedere in has novus sanguis possit, nisi pristinus locum cesserit ; mihi in omnibus par ratio videtur. Idémq; fere hîc usu venit, quod *Philostratus* fonti, in *Templo Nympharum*, contigisse memorat, ubi aqua nunquam summa fontis labra excedebat ; nec rursus, quantacunq; illinc aqua exhausta esset, decrescibat. Nempe in *Alpheum* jacta, *Arethusa* restituit : sanguinem arteriæ immissum vena cordi reddit.

Animad. 7. Mihi vero consentaneum videtur, plus tartareæ materiæ succo nutritio inesse ; sanguinémq; esse humorem benignum ac suavem : plurimísq; argumentis mihi constat, urinam (tartareâ materiâ prægnantem) non esse sanguinis sobolem, nec per arterias emulgentes ad ureteres pertingere.

Resp. Non ausim hîc tibi assentiri, *V. C.* nisi tuis ingenii viribus & acumine pollerem ; quæ profecto tanta sunt, ut sententiam, vel maxime *Πρόδοξου*, multâ verisimilitudine simul atque elegantia commendatam reddere valeas, etiam coram severiori iudice. Succum itaq; illum qui nervis desertur, ego multo molliorem suaviorémq; humorem esse arbitror, quam sit ipse sanguis : est enim,

ni

*ni fallor , pars ejus , ac salina potissimum ,
delicatioꝝ & mitior. Quicquid autem
tartareæ materiæ admixtum habet (habet
autem non infrequenter) hoc totum sangui-
ni , è cujus penu nempe , nervorum operâ ,
desumitur , acceptum refert. Profecto tar-
taro cum nervis malè convenit ; atq; hanc
arthritidis , aliorumq; morborum quorun-
dam , causam præcipuam existimo , quòd
sanguis , ejusmodi sæculentiis gravidus , ner-
vosus partibus hanc labem aspergat.*

Laudes , quas mihi tribuis , tibi verò Instant.
debentur , non regeram ; nè verbis cogar
uti , aut tuis , aut deterioribus. Ego
autem ,

Thrustone mi , neutiquam officium liberi Andr. Act.
esse hominis puto , 2. scen. I.

*Cùm is nihil promereat , postulare id ho-
noris apponi sibi.*

Hoc tamen humanitati tuæ , morumq;
candori libens acceptum fero.

Nervis cum sanguine nihil intercedere
commercii , neque partem hujus aliquam
in illos elutriari ; suprà à me abunde
dictum est ; vellem & doctum.

*Quodsi jam urina sanguinem pro pa-
rente non agnoscat ; nescio certè cui de-
beat natales suos , aut unde ductura sit ori-
ginem.* Resp.

ginem. Eam igitur, cum Philosophorum vulgo, per arterias emulgentes (alias enim vias huic usui dicatas nondum video) ad ureteres pertingere arbitror, renibus interim coli vicem præstantibus. Cum enim urina sanguinis indolem ac temperiem nobis representet, sive illa sanorum sit, sive agrotantium; nunquid verissimile est, eam aliunde, quàm à sanguine, derivari? Neque me sollicitum habet, aut multum obstat huic sententia, quòd, licet aliquoties varios liquores, per arterias emulgentes, in renes injecerim, nihil tamen inde in pelvim atque ureteres depluere toties observaverim: namque hoc inde contigisse videtur, quòd injecta non satis idonea fuerint ad hanc colaturam. Oportet enim, ut liquoris percolandi particulae, coli meatibus adaptentur. Est autem urina, acris imprimis atque penetrabilis humor (quod à te quoque paulò inferius observatum est) quibus dotibus, alia, quibus usi sumus, forsan destituta fuerunt. Quin & eorum, quæ penetrabilia sunt, aliud atque aliud ingenium est. Quid? Memini me nonnunquam (summà cum voluptate, experimentum illud egregium Doctiss. Glissonii repetentem) per sinum Portæ, liquorem albicantem hepati immisisse, unde ille, cavam illicò ingressus, ulterius longè processit: interim, in poro bilar-

rio,

rio, nullum ejusdem vestigium deprehen-
 dere potui. Nemini tamen dubium est,
 nunc dierum, humorem felleum, ope jecoris,
 à sanguine secerni. Quidni igitur in reni-
 bus idem contigisse arbitremur? Quorum
 structura mirabilis, cum, per tot secula, in
 profundo latuisset; tandem felici indagine
 deprehensa est, oculisq; omnium subjecta.
 Nam, & vir stupendæ prorsus eruditionis
 atque ingenii, Christophorus Wren, Oxo-
 niensis Academiæ decus, jamdudum, ut
 audio, veram renum fabricam propius asse-
 quutus est, & mirâ dexteritate descripsit;
 & Celeberrimus Juvenis Italus Laurentius
 Bellini, in eodem pulvere, cum laude, de-
 sudavit: Ac postremò Marcellus Malpi-
 ghii, accuratissimus dissector, eusq; pro-
 gressus est, ut vix quidpiam, in hoc negotio,
 posterorum industria reliquisse videatur.
 Ostendit ille, in renibus, non tantùm fibril-
 las innumeras, quas totidem canaliculos
 urinarios esse constat (extillans enim inde
 liquor urinam esse suo sapore se fatetur) sed
 & plurimas glandulas, quarum ope atque
 ministerio, urina secernitur à sanguine illuc
 affuso, non secus atque in hepate bilis ab
 eodem separatur. Hæc ille, solertissimus vir,
 nunquam invenisset, nisi oculorum aciem
 microscopiis adjuvâisset; quorum (ut &
 aliorum nuper inventorum) usum nesciunt
 ingenia

ingenia vulgaria, barbara negligunt, carpunt invida, tumida verò atque inflata (qualia plerumq; Oratorum sunt, & qui, ostentatoriâ quâdam eruditiunculâ, semidoctis ac stulto popello, se suâq; venditant) rident & aspernantur.

Serosi humoris iter ad renes, hætenus *quæsitum* magis, quàm *repertum* arbitrør : frustra;q; fuisse omnes, qui *Isthmum* hunc fodere aggressi sunt. Desudârunt quidem gnaviter in hâc arenâ, præclari Viri, quos memoras; & præcipuè *Malpighius*, Naturæ ruspator egregius. Quæ tamen *Lynceis suis oculis detexit*, videntur meam potius, quàm vulgarem sententiam statuminare. Quanquam & mihi, postquam diu anxiam mentem in partes varias egi, multa cogitanti vix quicquam procedit. Ita opinionum fluctibus jactamur mortales. Dico itaq; cum *Ænea* :

*O si se nobis ille aureus arbore ramus
Ostendat nemore in tanto !*

Verùm etiamsi nulla spes sit, posse me detenebrare rem, tot seculis altæ caligini immerfam : dicam tamen, quæ mihi, multa expendenti, sedeat sententia. Arbitror equidem, urinæ materiam per nervos ad renes deferri : è quorum interiore

riore tunicâ ingens fibrarum copia circumcirca profiliens versùs centrum tendit, ipsâmq; *pelvim* constituit, quæ cum arteriis aut venis nihil habet commercii. Et quid vetet hoc ita fieri, cum simile alibi contingere certò constet? Quippe manifestum est, ab intimâ testiculi membranâ innumeras fibrulas profluere; quæ omnes in canalem nervolum, sive fibrosum potiùs, desinunt: quem etiam efformant, inq; eundem succi nutritii partem nobilem, semini fabricando idoneam, deponunt: dum sanguis media solùm spatia, refocillandi gratiâ, interluit. Similiter in *liene*, insignis illa *nervorum fibrarumve* congeries, ab interiore illius tunicâ, non autem à sextâ nervorum conjugatione, oriunda est. Cur autem *arteriæ emulgenti* hoc munus abjudicem, multæ gravésq; causæ sunt, quæ me moveant.

I. Non est ullo modo verisimile, urinae materiam esse serum illud, quod unâ cum chylo (vehiculi vice, ut aiunt) per *ductum thoracicum* ascendens, venâmq; subclaviam ingrediens, inde in ventriculolum cordis dextrum depluerit; reliquûmq; unâ cum sanguine iter emetiens, per arterias emulgentes in utrunq; renem delatum sit. Alteruter enim ureter

ter ductui ei par est ; saltem ambo illum amplitudine superant. Et tamen unà cum ferro illo, succus chylosus, reficiendo sanguini destinatus, defertur ; parsq; misturæ illius fere dimidia , per ascendentem aortæ rimum, sursum ad pectus, brachia, & caput fertur ; & quæ deorsum labitur, multas corporis partes, tum supra, tum infra renes alluit ; ut minima fere portio ad ipsos renes transferatur ; nisi repetitis sæpe circumvolutionibus id pedetentim præstetur : quod certè in acicularum, vini albi, aliorumq; diureticorum festinato transcurso locum non habet. Adeoque ureteres multò minores ei usui sufficissent. Natura autem in operibus suis justam normam servat.

2. In febribus malignis & pestilentibus, nullum morbi indicium in urinaprehenditur ; quod tamen fieret , si modò hæc per cor ipsum translaberetur.

3. In pullorum gallinaceorum, columbarum , aliarumq; avium renibus , sæpe scrupi, lapillive minuti atque asperi reperiuntur ; quos equidem cor pertransisse nemo dixerit, cui caput est extra cucurbitam.

4. Oborto repentè frigore, præsertim si quis uberiore victu utatur, aut agritudine aliquâ laboret, urina ejus subito turbatur,

batur, copiosumq; sedimentum in illa conspicitur: quod à sanguine proficisci, vel illud reclamationat, quod in turbatis urinis crassamentum à calore liquetur, & inclarescat; serum autem sanguinis, leni foco incalescens, ad albuminis ovi spissitudinem densetur. Tum illud mihi cogita, laudabilis hypostasis in urinâ eadem signa esse, quæ puri conveniunt; nempe ut sit alba, lævis, æqualis, & minimè fœtida. Sanguis autem (ut diximus) non suppurat: quod succo nutritio peculiare est, qui morâ in pituitam concrefcit, atque ulteriore cocturâ in pus abit.

5. Succu alibilis serum urinæ materiam constituere, vel hoc mihi documento est; quod pisces, qui sanguinis parum divites sunt, ingentes (pro corporis modulo) renes nacti sint.

6. Inter serum sanguinis & urinam nulla intercedit affinitas. Non solum enim colore, sapore, atque odore ab invicem discrepant, sed & substantiæ consistentiâ: quippe urina à calore diutino prorsus absumitur; dum serum sanguinis calefactum (ut jam monui) albuminis ovi formam induit, & in gelatinam condensatur.

7. Mihi compertum est, ab esu *asparagorum* in cœna, urinam postridie manè

Mephitim oluisse : cùm tamen eodem tempore educto sanguine , serum ejus, leni tepore incalescens, atque inspissatum, suavem odorem exhalaret.

8. Nisi tantundem feri in emulgente vena sit , atque in arteria emulgente reperias, ego libenter causâ cedam. Interea
 μηδ' ὡρῶ ὡς περ' ἔσμεν.

9. Denique , nullâ arte aut vi effeceris , ut injectus in arteriam emulgentem liquor , per renem in ureterem transeat. Nec obstat subterfugium tuum ὡς περ' ὄσπιν, injecta illa ad colaturam hujusmodi esse prorsus inidonea. Nam nec urina ipsa, quæ jam in vesicam pertransiit , in arteriam emulgentem quantavis vi immissa, illuc denuo penetrabit. Cùm tamen liquor quilibet, per ureteres sursum injectus, nullo negotio ad exteriora renis adigatur. Veruntamen

Lucr. l. i. *Linq̃uitur hic tenuis latitandi copia
 quædam.*

Nimirum liquor albicans, per sinum Portæ hepatis immixtus , cavam illico ingreditur, ulteriusq; longè procedit : dum interea in poro bilario nullum ejus vestigium deprehendere licet. Cùm tamen nulli dubium sit, humorem felleum, ope jecoris, à sanguine
 secerni. Παται, ὡς κέρχας πινὰ ἔλυσας
 ἔφ'

Lucian. de
 saltat.

ἐφ' ἧς καὶ αὐτὴ νόνα; Ei tamen hanc
 fibulam paro, Non est, (ut *Diemerbroeck* Anat. l. i.
kius verè ait) par ratio, in superflui seri, 6. 14. pag.
 in sanguine præexistentis, separatione; & 134.
 necessariae bilis non præexistentis confe-
 ctione. Nimirum, sanguinis è Porta af-
 fluentis major pars, in ipso statim hepa-
 tis limine, pleno rivo, apertòq; ostio, per
 canalem venosum in venam cavam di-
 ditur, ulteriùsq; subitò ad cor conscen-
 dit: dum reliquum ejus, tardiore gradu
 hepatis angustias perreptans, exilem bilis
 quantitatem, mirabili secerniculo, paula-
 tim in vasa fellea deponit: quem sepa-
 randi modum, injecto liquore aliquo,
 frustra quis tentaverit. At verò in ra-
 pidâ urinæ per renes transcolatione, om-
 nia aliter se habent; quemadmodum,
 opinor, ex jam dictis constat. Et si ad
 partem aliquam duntaxat appellere, ar-
 gumento fit, humorem illuc aliquem de-
 poni; quidni arteria cœliaca, ad ventri-
 culum pertingens, æquè sese in illum ex-
 oneret, atque emulgens in renes?

Quin & ipsi quoque nervi & vasa, &c. Animad. 8.
 (si propriè & exquisitè loquamur) ex le-
 vissimis atque tenuissimis membranis
 conflantur.

Resp.

Affentior. Ego autem cum vulgo loquutus hîc sum, & crassiore Minervâ.

Instant.

Lib. 8. c. 4. Agnosco genuinum tuum candorem: dicoq; cum Celso, Levîa ingenia, quia nihil habent, nihil sibi detrahunt. Magno ingenio, multâq; nihilominus habituro, convenit etiam simplex erroris confessio; præcipuè in eo ministerio, quod utilitatis causâ postêris traditur: nè qui decipiantur eâdem ratione, quâ quis antè deceptus est.

Animad. 9.

Malpighius deceptus est pulmonibus ranarum: cùm tamen vesiculæ illæ sint solummodo exterioris laxiorisq; tunicæ corrugationes: neque quicquam habent cum bronchiis (quibus ranarum pulmones destituuntur; sunt enim meræ vesiculæ) aut inter se commercii.

Resp.

Cl. Malpighius, summâ cum industriâ & cautelâ, ranarum pulmones introspectit & perlustravit. Ego, tametsi parem diligentiam nondum adhibuerim, eosdem quoque non rarò sum contemplatus: neque hæcenus (quod ad rei summam attinet) causam ullam inveni, ob quam Virum doctissimum erroris aut ταχὺ πρὸς τὴν ἀλήθειαν insimulem. Interim intelligo, sententiam ejus à peritissimis Naturæ indagatoribus indies magis

*magis magisque comprobari. De vesiculis
quod ais, mox videbimus.*

Clarissimi *Malpighii* famam collutula- Instant.
tum non ivi ; cujus insignem in rebus

Anatomicis industriam & sagacitatem
meritò suspicio, ac veneror. Alios qui-
dem pulmones accuratissimè descripsit :
nego tamen, illum summâ cautelâ rana-
rum pulmones introspectasse, & perlustrasse.

Nam quî sanè id fecerit ; cùm certò con-
stet , nullos ranis pulmones obtigisse ?

*Ταυτά τις κήπους εἶδεν, ὡς ὄντες ἐκ εἰσὶ. Τα- Philostrat.
tali hortos vidit , qui apparent aliquid in vita A-
esse, cùm reverà non sint. Quicquid enim pollonii, l. 4.
peritissimi tui Naturæ indagatores dixe- c. 8.*

rint ; qui pulmones vulgò habentur, sunt
solummodo folliculi ventosi , quos alii
natatorios male nominant. Siquidem
aperto ranarum thorace, subitò pyrami-
dales illi folliculi , pulmones dicti, pro-
filiunt ; manéntque , absque micatione
ullâ, distenti atque immobiles : dum in-
terea guttur , ab attracto per nares aëre,
frequenter palpitat. Contrectato autem
vel leviter eorum aliquo , mox subsidit
& contrahitur, neque facilè in pristinum
tumorem redintegratur. Quod profectò
veris pulmonibus nequaquam convenit.
Quos hîc non adesse , vel inde liquet,

quòd ranarum corda *dextro* ventriculo destituantur : ideòq; sanguis ex aorta in *folliculos* transmissus, utramq; illorum tunicam interfluit ; quarum exterior, laxior & rugosior, *vesiculas* exiles mentitur, quæ solæ hîc eo nomine dignandæ sunt. Sanguis autem è *folliculis* haud immediatè ad cor revertitur denuo, verùm transit in axillares.

M. Aurel.
Severinus,
Zootom. De-
mocr. pag.
282.

Dixi obiter, folliculos ventosos à quibusdam perperam *natatorios* appellari. Quomodo enim ad natandum quicquam faciant, cùm intus latitent, non autem foris appendantur ; omnisq; natatûs ratio à corporis circumferentiâ ac pondere petenda sit ? Non magis certè, quàm ad navis emersionem conferat, si vesicas aliquot, flatu turgidas, in illius alveum injeceris : cùm & ipsi aëri aliquantillum ponderis insit.

Animadv.
10.

Nervorum ramuli complures ad bronchiorum ramusculos pertingunt, iisdemq; humorem tenuem impertiunt, quò motui perpeti sufficiant : aliàs enim pulmones à jugi aëris influxu, calidiq; sanguinis permeatu, aridiores facti, rupturæ lacerationive facilè fuissent obnoxii. Eorum tamen nulli ramuli in vasa sanguifera hiant.

Humorem

Humorem illum, qui trachéæ cavitatem, Resp.
 & extremas ejusdem propagines sublinat,
 à præterlabente sanguine subministrari ar-
 bitror ; qui, calidus cum sit, vaporosus
 etiam est : atque hoc in aëris expirationi-
 bus manifestò apparet, quibus vapor iste eâ
 copiâ, permistus aëre, exhalatur, ut (si
 Clariss. Glissonius, Anat. Hepat. cap. 39.
 rectè rem putaverit) altero ferè tanto am-
 pliùs expiremus, quàm inspiramus. Rosci-
 dus autem ille halitus in mucosam speciem
 excoquitur, calore vicini sanguinis, aëre
 simul mobiliore tenuiorèsq; particulas se-
 cum auferente. Nullus igitur, sive à jugi
 aëris influxu, sive à calidi sanguinis per-
 meatu, rupturæ lacerationisve metus est,
 cum abunde satîs hâc ratione tantum sit,
 nè bronchia exarescant.

Erroribus ex vero patrociniū parari Instant.
 solet. Assentior quidem libens ; non in
 pulmonibus solū, sed & ubiq; per to-
 tum corpus ; neque à sanguine dunta-
 xat, verū etiam à succo alimentario,
 vaporosum halitum jugiter profluere.
 Illum autem in mucosam materiam den-
 sari, mihi adhæc dum haud liquidò con-
 stat. Quidni enim alibi quoque, perinde
 atque in bronchiis, idem contingat ? Et
 cur non aqua pariter in pericardio, à

vicino cordis calore , in crassam substantiam spissatur ?

Ufus profectò respirationis primarius, non est, ad halituum sive fuliginum sanguinis diffusionem (ea enim, ardente Syrio, aliisque magnis caloribus, commodissime præstaretur ; adeoque aëris crebrâ largaque inspiratione minùs opus esset) sed ad flammulæ cordis necessariam ventilationem, sanguinisque ipsius vitalitatem. Quippe in summo æstu, sine grato hujusmodi refrigerio, planè languescimus, & prope modum suffocamur. Animalia quoque, machinæ Boyleianæ inclusa, exucto aëre, citò intereunt : cum tamen illis multum spatii, expectorandis fuliginibus, relictum sit. Ideoque Gassendus malè statuit,

Tom. 2. pag.
324.

Inspirationem eatenus duntaxat esse necessariam, quatenus sine ipsa, exspiratio fieri non potest : ipsam verò expirationem necessariam esse per se, & quasi ex primaria intentione Naturæ. Cum tamen reverà, exspiratio in eum solùm usum à Natura instituitur, ut (præter loquelæ commodum) efflato inutili emeritoque jam aëre, alii recenti, nitroque prægnanti locus sit.

Plus temporis expirationi quàm inspirationi infumi, vulgaris error est ; inde natus, quòd exspiratio inspirationem citius subsequatur, quàm hæc illam. Utrique tamen

tamen reverà tantundem temporis im-
penditur. Discrimen solùm est in *pausa*,
quæ expirationi succedit : quo tempore
pulmones tantisper quiescunt ; quia ma-
jore molimine ad eorum dilatationem,
quàm ad subsidentiam, opus est.

Meninges cerebri , in sternutatione Animadv.
II.
(absque musculorum ope) sese contra-
hant & convellunt : canes etiam aures
suas vel erigunt arriguntve, vel compli-
cant.

In sternutatione, cerebri meninges con- Resp.
trahere sese & convellere, non agnosco.
Loqueris igitur, opinor, non ex tua, sed
ex Veterum sententia ; quam inter ceteros
eorum errores ego seponendam censeo. Si
quis autem quæsierit ; cur ita censeam ;
Doctiss. Schneiderus illum edocebit, lib. de
Oste cribriformi. Porro canibus non mo-
ventur aures, absque musculorum ope.

Si in cane *Indico* depili musculos in- Instant.
veneris, quibus ille *aurium apices* motitet,
vibret, complicetque ; gratulabor tibi
profectò oculos tam *Lynceos*. De ster-
nutationis modo, proximè absũm ut probem
tuam sententiam ; quamvis non-
nulla afferri possint in contrarium. Neq;
sanè nostrà magni interest, ita sit, an nè
sit

fit quidem ; cū certò constet , membranas complures motu peristaltico gaudere. In *insectis* , membranulæ , inter singulas incisuras locatæ , musculorum munus obeunt : ipsiq; etiam muscoli omnes, membranarum ope , (ex quibus, in tubulos convolutis , fibræ eorum constant) officio suo defunguntur. Utq; id obiter adnectam , Fibræ illæ canaliculos minores alios transversim in se mutuò ingerunt , quibus inter se communicant. In quarum angustiis si liquor alimentarius restitet , ac fermentescat ; pruritus molestus oboritur ; qui mox , digitorum fricatu , unguiūmve scalptu , humorisq; adeò propulsione, sedatur. Verū nolo tecum hac de re rixosius altercari : cano potius receptui ; probè gnarus, quàm sis in hoc præliandi genere acer miles.

Animadv.
12.

Diaphragma sæpe vulneratum , adeò ut inferiora viscera in thoracem conscenderint , respirandi tamen munus haud omnino abstulit. Ego sanè (ut paucis dicam, quod sentio) diaphragmatis unicū id officium esse arbitror , ut (quod nomen significat) intersepimenti vicem præstet, corq; & pulmones ab inferiorum viscerum molestâ turbâ tueatur ; adeóq; respirationem faciliat. Certè aves om-

nes

nes respirant , & diaphragmate carent :
 pisces autem illo fruuntur, & pulmonibus
 destituuntur. Plurimarum etiam avium
 pulmones foraminibus conspicuis pertun-
 duntur , aëremq; in ipsam abdominis ca-
 vitationem transmittunt. Diaphragma ita-
 que motu spontaneo deorsum ferri, non
 arbitror : nec, si id contingeret , respi-
 rationis commodo quicquam inde con-
 suli video. Possit enim aër internus vel
 densari, vel dilatari, citra pulmonum la-
 boriosam agitationem. Neque etiam
 video, quomodo, à diaphragmatis con-
 tractione, spatii plusculum thoracis cavi-
 tati accedere possit , ut inde pulmones
 impleri debeant : quoniam enim dia-
 phragma costis nothis adalligatur, opor-
 tet sanè, illius ad centrum sui contra-
 ctione, thoracis ambitum coarctari, mi-
 nùsq; adeò spatii relinqui. Quinetiam
 si manum diaphragmatis regioni admo-
 veris, clarè senties, partem illam non mi-
 nùs in inspiratione expandi, quàm supre-
 mam thoracis partem. Quorsum etiam,
 si diaphragma motui huic perpetuò in-
 servit , Natura illi grave jecur appendit
 (quod motui ipsius fursum incommodat)
 nìsùmq; ejus deorsum, mediastini adnexu
 coërcuit ? Porro testudo diaphragmate
 caret, desuntq; muscoli intercostales , &
 tamen respirat.

Que

Resp.

Quæ de officio diaphragmatis , hoc loco, differis, Doctiss. Vir , ea, licet acuminis & ingenii tui ditissimam venam redoleant, & præ se ferant imaginem quandam veritatis ac speciem ; simulachra tamen mera verorum sunt, nisi multum fallor, ipsaq; re destituuntur. Seponatur itaque paulisper, si placet, auctoritatis tuæ pondus , quo me premi sentio , ut liberè momenta rationum tuarum expendamus.

Et primò quidem rem (de septi scil. transversi vulneribus) aliquatenus etiam nobis compertam narras ; sed nempe vulnera illa ab ascendentibus visceribus obturata atque occlusa fuerant ; quo factò , respiratio, quamvis ægra & molesta , tamen aliqua restabat. Ea namque, dissectò prorsus diaphragmate , omnino fuisset ablata. Cæterum, in respiratione peragendâ, quantum vim illud exerat, vix aliunde melius, quàm ab illustri illo experimento Loweri, viri in re Anatomicâ exercitatissimi , edoceri possumus. Ostendit enim ille , si cani diaphragmatis nervos præcideris aut diruperis , eum statim non minùs anhelosum fieri , quàm quemvis equum (quod genus animalium, uti nôsti, eo morbo & frequenter & pessimè multari solet) certissimo indicio, diaphragma motu spontaneo deorsum

orsum ferri, *nec tantum* intersepimenti
vicem præstare.

Auctoritas, infirmis rationum tibicini- Instant.
bus suffulta, nullius est ponderis; ac
propterea non est cur inde *premi* metuas.
Quis autem credat, in perforato dia-
phragmate, vulnera ab ascendentibus
visceribus tam arctè claudi, ut aëri in-
digenæ nullus pertranseundi locus relin-
quatur: præsertim cum verisimile sit,
obturationem illam indies magis magisq;
increfcere? Nec certò liquet, diaphrag-
ma motu spontaneo deorsum ferri, quia,
præcisus disruptifve illius nervis, animal
subitò anhelosum fit, & brevispirum.
Fertur namq; per nervos succus genero-
sus, quo partes fraudatæ languescunt;
malumque; sibi illatum, sæpe ad partes
vicinas transferunt.

Aves respirant *quidem*, *etsi* diaphrag- Resp.
mate destituantur, *carnoso nimirum*, sive
musculoso; quale plerisq; aliis animalibus,
Naturæ dono, contigit. Earum etiam pul-
mones perforatos, ab Harvæo tuo (lib. de
Gen. Anim.) admonitus, olim observavi.
Verum & illæ quidpiam *nactæ* sunt hujus
septi succedaneum; membranas nempe, quæ
(*musculorum ventris adminiculo*) respira-
tioni

tioni inserviant , officium utiq; musculosi diaphragmatis obeuntes. Eadem Natura piscibus, pulmonum loco , branchias largita est , ut & aquam, aëris ; quin & illam aëre quoque impragnatam, absque quo se sit, vitalis esse desinit.

Instant.

Sub veritatis supparo tibi errorem obtrudi passus es. Sunt quidem in avibus membranæ , quæ à latere ad latus protenduntur : eas autem *diaphragmatis* vicem obire, nemo , opinor , dixerit, qui earundem teneritudinem ac laxitatem ritè pensitaverit : simulq; observârit, quasdam illarum deorsum ad abdomen ferri ; quod diaphragmatis officio minime convenit : minúsq; crediderit, à musculis ventris quicquam illis auxiliū ad hanc rem accedere posse. Arbitror autem , aves diaphragmate destitui, quia earum pulmones thoracis lateribus arcte adhærent ; adeò , ut, inde exempti, costarum vestigia altè impressa etiamnum servant : tum etiam, quia earundem ventriculi , validis , carnosíq; musculis contracti, ab ingesto cibo haud intumescunt ; ut repagulo ejusmodi minime opus fuerit.

Censen' verò, *branchias* vicariam pulmonibus operam præstare ? Atenim humani

moris mustei, per *ductum thoracicum* re-
 cèns advecti, cum veterano sanguine
 commixtionem (ob quam pulmones po-
 tissimùm conditos arbitraris) in bran-
 cheatis neutiquam reperiās. Utì nec in
 avibus (quæ pulmonibus gaudent) *du-*
ctum thoracicum facilè invenias. Et si
branchiæ respirationi destinatæ sunt; cur
 Natura nonnullis piscibus *folliculos vento-*
fos insuper largita est? quid opus erat
 duplici respiratorio? Et quamobrem hi
 non omnibus concessi, sed solummodo
fluvialilibus; iisq; non multis? Quare
 balænis, præter branchias, pulmones quo-
 que obtigerunt? Quinetiam si piscibus
 aëre tantopere opus est; quì fit, ut multi
 ex aqua educti subitò emoriantur; dum
 alii in eodem diutiùs durant? Profectò
 lethum iis haud metuendum videtur ab
 eo elemento, quo prorsus carere neque-
 unt. Ostreæ quoque, in imo maris de-
 merse, nullo aëris beneficio gaudent, &
 tamen *branchiis* donantur.

Malpighius quidem arbitratur, *pressio-* De pulmon.
epist. I.
nem ejusmodi (qualem aliorum animalium
 pulmonibus tecum attribuit) *in branchiis*
quoque piscium fieri. Creditq; etiam, quia
mucus continuò inde facilè abraditur, ea,
quæ in aliis animalibus per renes, & tran-
spiratum exirent, hâc compressione excludi.
 Quasi

Quasi verò pisces *renibus* careant : quī tamen illis (quicquid *Aristoteles* dixerit) pro mensura corporum, maximi obtigerunt.

Nihilne præterea interesse autumas, num aër pleno gurgite in pulmonum folles irruat ; sanguinem , mox in sinistrum ventriculum depluiturum, refecturus : an furtim paulatimq; in branchiarum siphunculos admissus , angusta vasa perreptet ; factóq; longo circuitu , ad cor tardè allabatur ? Quippe cū minimum quemq; branchiarum cirrum nervus, arteria, ac vena adeant ; non potest aër nisi *venam* subingredi ; si tamen sanguis, ex arteria in illam jugiter affluens, ejus introitum non prohibeat. Unde fit, ut beneficium omne (sive sanguinem refrigerandi , sive nitro imbuendi) tam longo itinere magnam partem intercidat. His adde, nonnullos pisces branchiis destitui ; veluti polypum, *Pastorem* piscem, *Orbem muricatum* , *Araberi Brasiliensium*, atque item alios : cū tamen nullum animal respirans pulmonibus careat. Piscibus certè aër omnino necessarius est : quem in ventriculum , & forsan aliovorsum intromittunt ; absque quo, vita ipsa haud vitalis fuerit ; ipsaq; adeò plantæ sic illo vivunt, ut sine eo nec vivant. Ac
propterea

Margrav.
pag. 166,
168, 178.

propterea *Plinius* dissentit ab *Aristotele*, *De respir.*
 qui piscibus omnem respirationem abne- *c. 2, 3, 4.*
 gat: *Quoniam*, inquit, *pulmonum vice* *Lib. 9. c. 7.*
aliis possunt alia spirabilia inesse viscera;
ita volente Naturâ, sicut & pro sanguine
multis alius humor.

Quæres fortassis à me, quam itaque
 operam branchiæ piscibus navent, si re-
 spirationi nequaquam inserviant? Ego
 verò hac de re nihil fidenter asseruerim.
 Ad hujusmodi enim Naturæ arcana, nil
 aliud possumus, quàm *περὶ ἡμῶν* desunt
 quippe menti nostræ, ad tam arduum
 volatum, valida satîs alarum remigia.
 Forsitan depurando sanguini, recremen-
 tisq; deponendis utiles fuerint. Neque
 tamen *mucum* illum, qui branchiis adhæ-
 rere solet, ab ipsis expui censeo; sed po-
 tiùs provenire à *liquamine* illo, quod
 (dum piscis alius alium concipillat) fau-
 cibus non minùs, quàm ventriculo in-
 nascitur.

Verùm esto; aërem branchiæ allici-
 ant: num propterea, ipsis in ore sitis,
 diaphragma infra fauces locatum; & su-
 pernis lateralibus pinnis utrinq; firmiter
 adnexum, ad respirationis officium quic-
 quam conferat?

Porro aer internus, ad motum dia- *Resp.*
 G phragmatis;

phragmatis, non tantum densari potest, ac dilatari, verum & illud, opinor, revera fit; nec tamen hoc pacto pulmonibus otium facit: sanguis enim subinde novis ab aere vestigalibus opus habet, quorum jugis impulsus pulmonum opera procurandus est.

Instant. Attamen aer pulmones nequaquam ingrederetur, nisi spatium his dilatandis in thorace concederetur: quod tamen non fieret, si dilatatus aer internus locum jam adauctum impleret.

Resp. Miror autem, te, talem tantumq; Naturæ Mysten, non videre, quomodo à diaphragmatis contractione, thoracis cavitati spatii plus accedat! cum liceat illud in cadavere quolibet experiri. Si enim, aperto abdomine, diaphragma, manuum ope, deorsum coëgeris, costasq; simul sursum; thoracem illico videbis ampliari. Quippe facies diaphragmatis, quæ spectat abdominis viscera, in ejus diastole, sinuata est; in systole, plano propinquior. Costarum etiam, præsertim inferiorum, commissura cum spina & sterno, fit ad angulos, infra easdem, rectis paulo minores. Dum igitur haurimus aëra (quod ab aliis etiam observatum reperio) tum eriguntur costæ, earumq; (quos diximus) anguli propius ad rectos accedunt;

tum

tum etiam diaphragma contractum deorsum movetur, unâ cum visceribus ventris deorsum simul & extrorsum pulsus: atque inde pulmonibus implendis spatium conceditur. Nec magnopere nobis obstat, quod ais, & quidem rectissimè, diaphragma costis nothis adalligari; unde, illo contracto, thoracis ambitus coarctari debeat, minùsq; adèò spatii relinqui. Quamvis enim hinc fiat, ut costæ illæ aliquatenus introrsum ducantur, in pulmonum diastole, saltem paulo majori; reverà tamen hoc respirationis commodo nihil omnino decerpit. Quò enim validiùs illæ trahuntur introrsum ab adnexo diaphragmate, eò potentiùs costæ superiores à musculis intercostalibus eriguntur; adeòq; damnum pensatur.

Argumentum potiùs eludere, quàm Instant. elidere mihi videris. Siquidem ut damnum omne pensetur, nihil inde tamen lucri feceris: & tantundem solummodo spatii, post diaphragmatis descensum, relinquetur; atque antea concessum erat, cùm pulmones otiantur. Dixi etiam, haud verisimile esse, diaphragma motu spontaneo deorsum ferri; quia costas nothas, quibus adnectitur, admotâ illi regioni manu, in inspiratione, extrorsum ferri perentiscimus.

Resp.

Denique, non est quòd queramur, Naturam diaphragmati grave jecur appendisse, quod motui ipsius sursum incommo- det : nam partem illam, & satis validam finxit, oneriq; suo sublevando parem ; nostròq; commodo cavìt, nè illud relaxatum, ocyus, & absque fræno resiliens, tam cordi, quàm pulmonibus injuriam faceret. Nisum autem ejusdem deorsum, mediastini adnexu coërcuit, ac moderata est ; adeòq; nos admonitos voluit, nè, diaphragmatis contractioni nimium aliquando indulgentes (quod in suspiriis præcipuè fit) inferioribus visceribus, præter fas & æquum, vim inferremus. Hæc mens, atque hoc consilium Naturæ fortasse fuit, quatenus illud nobis assequi conjecturâ licet. De testudine, non habeo quod dicam ; neque enim unquam illius dissecandæ copia mihi facta est : quæ tamen si facta fuisset, non desperarem me quadantenus, eâ in re, satis tibi facturum.

Instant.

Serióne istæc, an festivè solùm à te dicta sunt ? Credisne diaphragma, motu voluntario (ut censes) actum, ad modum inflexi chalybis, violenter resiliturum, nisi appensum hepatis pondus præpediret ? Aut mediastinum in eum finem diaphrag-

diaphragmati adalligatum esse, nè fufpiriis nimium indulgeremus ?

Testudinem etiamfi nunquam difsecueris, animadvertifti tamen, folidâ eam integrâq; testâ muniri, neque mufculis intercoftalibus donari. Similêq; quid de *Protophane Magnefio* narrat *Pausanias*; *In Atticâ.* eum fcilicet *coftas omnes veras connexas habuiffe.* Ut utique earum motus nihil ad refpirationem conducere potuerit.

Vis illa motûs (ob fanguinis continui- *Animadv.*
tatem) perennat; non poteft enim fan- ^{13.}
guis citerior promoveri, nifi anterior protrudatur; nec obftant viarum anguftiæ, quæ oftiorum multitudine penfantur.

Sanguis fluidum corpus eft; corporum autem fluidorum particule funt actu divife, (utî jam diximus) moventur enim quaquaversum (licet motu fenfum fugiente;) quod aliàs fieri non poffet. Sanguinis igitur continuitas, quæ nulla eft, nullius etiam cauſæ rationem hîc obtinet. Non poteft quidem fanguis citerior promoveri, nifi anterior protrudatur: at poteft anterior protrudi, citeriore non promotô; atque illud aliquando fit, fiphonum ope, ſtagnante nempe citeriore ſanguine. Vî itaque motûs elangueſcente, cauſam protru-

Reſp.

sionis illius hoc loco requisivimus. Viarum autem angustiae videntur obstiturae, nisi plusculum vis moventis aliunde, puta ab aëre, contigerit.

Instant. Næ tu hîc mirificè deliciaris ! Quid autem ? fluidorum particulæ, etiamsi firmo nexu non cohæreant, ideône sese mutuò nè contingunt quidem ? Quî fit igitur, ut partes aliæ alias protrudant ? quod profectò sine contactu neutiquam evenerit. Et cùm à motu cordis sanguis per arterias propellatur ; potéstne ulterior promoveri, citeriore immoto ? Imò verò, inquis, *id aliquando fit, siphonum ope.* Transilítne igitur liquor è siphone injectus propiorem sanguinem, ut remotiorem impellat ? Id sanè num fieri possit, viderit, cui pectus sapit. Quantò autem circuitus cordi vicinior est, tantò etiam expeditiùs sanguis stadium suum percurrit. Et cùm vasa ubiq; patefiant : atque à novo sanguinis in arteriam pulmonalem ingressu, qui præcesserat, in venam pulmonalem usque protrudatur ; nec accedere in illam novus sanguis possit, nisi pristinus locum cesserit : ab aëre hîc auxilium petere nihil opus erat, cùm cordis impulsio ad eam rem abundè sufficiat.

Respira-

Respiratione, ad promovendum sanguinem, nihil opus est: fit enim (ut dixi)^{Animadv. 14.}
 διὰ τὸ πρὸς τὸ κενάμβυον ἀνασθίαν. Piscium
 sanguis perpetuò rotatur; nec tamen aer
 pulmones eorum (quos nullos habent)
 ingreditur.

Dixi suprà, sanguinis motum, ex tua Resp.
ista ἀνασθία, mihi videri prorsus ἀνασθία-
δυνάμιν. Nescio autem, an respirent pisces;
certè aëris usu carere nequeunt. Habent
pulmonum vice, branchias; & aquam fortè
aëris, ut jam dictum est.

Pisces certè aëris beneficio carere ne-^{Instant.}
 queunt; uti nec plantæ, quæ tamen non
 respirant. De branchiis quid sentiam,
 jam dictum est.

Aer, præsertim modicè inspiratus, nul-^{Animadv. 15.}
 lam pulmonibus vim infert, nec sangui-
 nem intra membranas eorum contentum
 comprimit: æquè enim sanguinem ver-
 sus dextrum ventriculum repelleret, atq;
 ad sinistrum promoveret. Licèt enim
 valvulæ, motui huic retrogrado obstant,
 conatus tamen nissusq; illoversum perma-
 neret. Non minore verisimilitudine di-
 cat aliquis, sanguinem in intestinis, à
 fæcum flatuumq; compressu, validiùs ex
 arteriis in venas transadigi: & flante

acriter Boreâ, circuitum suum in corporis ambitu accelerare. Multò minùs aer quantuluscunque, in vesiculis (quas narras) contentus, quicquam ad hanc rem facit: est enim planè immobilis, nec ullum habet cum externo aëre commercium.

Résp.

Vim certè nullam, *nocivam* scil. aliquam tamen quæ sanguini prosit; quem non aliquatenus comprimere nequit, dum per latera sanguiferorum vasculorum illabitur, vel potius irruit. Sanguinis autem, versus dextrum ventriculū, repulsi, non valvulæ tantū obstant, verū etiam vis à pulsu cordis impressa; quæ ad arteriolarum extremitates usque sanguinem comitata, quod reliquum est itineris aëri maximè tradit, eundem in venulas pulmonares quasi manducturo, nequaquam nempe renitentem.

Cæterū in exemplis à te adductis (quibus nec tu serîo forsā uteris) non agnosco parem verisimilitudinem. Aer enim, trachéam ingressus, vasa sanguifera *καταμύσσει* (quemadmodum loquitur Aristoteles) habet, sive utrinque in proximo sita; quin & utriusque, tam aëris, quàm sanguinis canaliculi, ductūsve capillares, tenuissimæ consistentiæ sunt: aded ut hos illi molliter premere, sanguinémq; in his contentum lenissimo stimulo sollicitare valeant
ad

ad motum obeundum. Quæ certè de faci-
bus, flatibusve, vel de Boreâ tuo, utcumq;
acriter flante, dici nequeunt. Porro vesti-
culas (quas narro, scil.) hîc repeto; nec
enim eas adhuc à te difflatas intelligo, neq;
credo difflandas. Denique aërem, in vesti-
culis istis contentum, non concesserim esse
planè immobilem, nullumq; cum externo
aëre commercium habere.

Aer, pulmonum bronchia ingressus, vasa illîc sanguifera non magis premit, quàm externus aer eadem in cute sita comprimit : quem etiam huic muneri obeundo olim accersitum ibas. Ut pulmonum utiq; operâ vix quicquam opus sit, cùm aer extraneus promovendo in venis sanguini sufficiat. Quid autem per vim impressam velis, equidem non intelligo : nec te quidem satis intelligere autumo. Nam si *projectorum* motus à vi aliqua protrudente fiat ; non video, cur lapis, è manu vi emissus, non ulterius promoveatur, quàm qui è funda pari vi projicitur ; cùm vis illa, è corpore vivente proximè orta, vegetior esse debeat, & propellendo lapidi magis idonea. Sed non tam quærendum videtur, quid lapidem semel motum porro provehat ; quàm quid motui illius, aliàs perennaturo, renitatur.

Instanc.

nitatur. Aer nempe illius motui remoram injicit ; facitque , ut crebris morulis tandem fatiscat. Eadem est *protrusorum* ratio. Neque magis intelligo , quam obrem *cordi* vim sanguinem ad arteriarum extremitates promovendi concesseris ; ut *aëri* ulterius eum promovendi provinciam traderes : cum constet , sanguinem semel motum , ulteriorem , nihil renitentem (siquidem suâ sponte in neutram partem obnoxius est) facile provehere. Et quidni in hepate , liene , intestinis , alibiq ; à Natura par auxilium constitutum est , quod sanguinem ex arteriis in venas transfadigendi potestatem habeat ? Potestne in locis remotis , ac reconditis (ubi nihil auxilii ab aëre sperandum sit) languescere haud parum cordis impulsu , sanguinis in venas *παλινδρομία* commodè institui ; & non poterit , in proximis pulmonibus , in ipso cordis confinio , citra aëris operam , sanguinis circuitus absolvi ?

Porro aer , qui in pulmonum (sive *folliculorum* potius) *ranarum* exterioribus *vesiculis* nidulatur , (nam de iis loquutus sum) ibidem restitat , nec cum externo aëre quicquam habet negotii. Aliæ verò aliorum pulmonum *vesiculæ* , sunt duntaxat tracheæ appendices , & diverticula.

Sanguis

Sanguis in minutioribus pulmonum ramulis, non magis dividitur, aut comminuitur, quàm in habitu corporis; atque utrobiq; continuo filo fluit. Animadv. 16.

Non est nullius momenti, fateor, quod hic adfers. Neque verò parum juris est, quod pulmonibus hoc pacto vindicavimus, si dederis, eos, quod ad hanc rem attinet, totius corporis habitui quasi ἀντιπαλαγεῖν. Partiamur itaque, si placet, hoc quicquid est, sive honoris, sive muneris; & utrobiq; fere pariter sanguinem comminui concedamus. Interim hoc etiam pulmonum partibus accedit, quòd chylus nuper advectus, vasibq; sanguiferis infusus, in pulmone primùm accuratiùs atque intimiùs sanguini commisceatur; quæ commistio sine partium utriusq; comminutione fieri nequit, ut fusiùs alicubi declaratum est. Quin & illud (quod à nemine hætenus observatum memini) adjungere placet, ἀδελφον illam διαπνοὴν (quæ tamen hic semper ἀδελφον non est) non minori proventu, fortassis, è pulmonibus, quàm è toto reliquo corpore prodire: quod certè oportuit à Sanctorio animadverti, cùm illius rei computum tam subtiliter institueret. Tandem hoc pulmoni proprium ac peculiare esse volumus, quòd intronmissis particulis aëris, colore

colore coccineo, rutiloq; sanguinem, in transitu suo per eundem, donet: unde non floridior tantum, sed etiam fluidior ut sit, necesse est; quò autem fluidior est, eò facilius circuitu etiam suo defungitur.

Instant.

In corporis itaque totius jugi fricatu ac compressu, quo sanguis (ex tua sententia) probè commiscetur, atque comminuitur, inspiratione minus opus esset; deberétq; eo tempore hic naturæ conatus lentius procedere, aut feriari: quod tamen experientiæ non congruit.

Perspiratus ille, quem è vasis pulmonum sanguiferis profluere existimas, emanat partim è ventriculo, partim etiam ab humore in ipsis bronchiis stagnante: neque eum totius corporis διαπνοή ullo modo æquiparandum censeo.

Antbro-
pogr. l. 6.
c. 7.
cap. 8.

Riolanus putabat, liquorem in amnio contentum, esse sudorem fœtus. Postea autem ait, eum esse fuliginem sanguinis arteriosi è corde expulsam per pulmones; atque inde per os & nares effluentem, sicq; tandem in aquam illam conversam, quâ fœtus circumfusus est. Quod si verum foret (inquit Diemerbroeckius) deberet ille liquor, in principio, cum adhuc vel nullus (ut in bulla, ante fœtus formationem) vel paucissimus est sanguis, etiam nullus

Anat. l. 1.
c. 30. pag.
343.

nullus vel paucissimus esse, atque incremente fetu magis magisque augeri: cum è contrà in principio sit copiosus, & exinde paulatim imminuitur. Verùm tam absurda sententia non merebatur tam solidam refutationem.

Cæterùm quod *pulmonibus peculiare* autumas, ut *ingrediens aer sanguinem colore coccineo, rutiloque* inficiat: cur non idem pariter cancris atque astacis usu venit, quorum sanguis albicat; cum tamen in eorum branchias (quas pulmonum vicem obtinere arbitraris) aer copiosè admittatur.

Olim quidem credidi, aërem per tracheam illatum, sanguini commisceri; Animadv. 17.
factis autem postea variis experimentis, nullo idoneo argumento id evincere potui.

Quin repete audacter antiquam illam tuam fidem, Ornatiss. Vir; nam celeberrimus Hookius, & Lowerus, jam aliquoties laudatus (Tract. de corde cap. 3.) nobilissimo experimento, rem hanc difficillimam confecisse videntur, nec sinunt nos diutius de eadem dubitare. Ego verò non parùm letor, illisque gratias ago, quòd theoriæ meæ (à nonnullis publicè, sed suppresso meo nomine, impugnatae) rem ipsam testem dederint.

Resp.

Vetus

Instant.

Vetus dictum : *Facile credimus, quæ fieri volumus.* Et mihi sanè, qui flammulam vitalem in corde emicare arbitròr, aer necessario admittendus videtur ; quo sine, omnis flamma confestim extinguitur : licèt merus calor, absque illo, diutius permaneat ; uti in furno facile cernere est. Neque tamen assentior *Camp-*

De sensu re-
rum, l. 2.
c. 9.

panellæ dicenti : *Respiratio infundit ventum cordi, sicut folles, ad excitandum vivificandūmq; nativum calorem, & convertendum sanguinem in spiritum intra artérias : ipso simul vento in spiritum transeunte.* Nec magis placet contraria sen-

Prax. Med.
l. 1. c. 20.
§. 2.

tentia *Sylvii de la Bœ* : *Dum per pulmones vadit sanguis, ab aëre inspirato in aestu suo ac fervore blandè temperatur, & plus minùs condensatur, nè ab excitatis fervore nimio halitibus copiosioribus, suffocetur in corde & sanguine modo accensus ignis vitalis.* Similiter paulò post : *Censeo, sanguini, multum in dextro cordis ventriculo rarefacto, iterum condensando inprimis conducere aërem inspiratum.* Ego id fieri puto, quatenus in aëre dispersæ sunt partes nitrosæ & subacide. Ad eandem normam

Cap. 21.
§. 2, 3.

Anat. l. 1.
c. 34. pag.
383.

Diemerbroeckius : *Cùm semel in foetu, per aëris inspirationem, substantia pulmonis dilatatur seu explicatur, ejusq; vesiculæ aëre*

aëre replentur ; tunc solutis & sublati
 vasculorum compressionibus , copiosus san-
 guis spirituosus è dextro cordis ventriculo
 in aperta omnia pulmonis vascula liberè im-
 pellitur : qui nisi statim per frigidi aëris in-
 spirationem nonnihil condensetur , non posset
 ad sinistrum ventriculum defluere , in eòq;
 rursus dilatari , sed totum pulmonem infar-
 ciret , sicq; animal suffocaretur. Creden-
 dum tamen potius , ab impletis aëre pul-
 monum vesiculis , proxima vasa sangui-
 fera magis comprimi. Alibiq; ait : Quo-
 niam sanguis è dextro cordis ventriculo in
 pulmonem erumpens , propter dilatationem
 in tenuem halitum extensus , & valde levis
 est , ac vigecuplo majorem locum requirit ,
 quàm sanguis condensatus , (causam hujus-
 modi rarefactionis necdum assequor)
 qualem locum sinister ventriculus ipsi mini-
 mè suppeditare potest ; hinc necesse est , istum
 halitum , per inspiratum aërem frigidum ,
 rursus in sanguinis crassitiem densari , &
 sic graviolem fieri : partim , ut , ratione ma-
 joris gravitatis , facile ad sinistrum ventri-
 culum descendere , seu defluere ; (quasi verò
 sanguis in vena cava non æquè expedite
 à pedibus sursum , atque à capite deor-
 sum ad cor feratur) partim , ut ita com-
 pactior factus , ab illo ventriculo commodè
 comprehendi , sicq; in eo de novo dilari
 possit.

Lib. 2. c.
 13. p. 522.

possit. Quæ licet tuæ sententiæ adversentur, scire tamen cupiam, quid fiat de eorum sanguine, quæ dextro ventriculo carent? Imò verò debebant omnia animalia eo caruisse; nè scilicet cogeretur Natura factum infectum reddere. Neq; sanior videtur Cæsalpini opinio, ubi ait:

Quest. Peripat. l. 5. quest. 4.

Aer modicâ refrigeratione ferventem sanguinem compeſcit; quemadmodum ii faciunt, qui ollæ ferventis tumorem cohibent insufflando. Modicâ enim hâc refrigeratione non impeditur coctio, sed solum intumescentis humoris nimius fastus. Hoc igitur efficiunt animalia, pulmonem habentia, aëris frigidi inspiratione, calidi autem expiratione. Mox tamen, dictorum oblitus, Experimento hoc patet, inquit, cor non egere refrigeratione: nam si, scisso pericardio, cor nudaveris, cæteris partibus illæsis, in aëre frigido, aut frigidâ aspersâ, citissimè interit; calido autem loco diutius conservatur. Quis proxeneta hæc diffidia

Hist. anim. l. 1. c. 16.

componet? Aristoteles quidem asserit, in grandioribus animalibus spiritum, sive aërem cor ipsum manifestè subire, licet in minutis id minùs constet. Mihi autem tam in illis, quàm in istis, transitus aëris in vasa sanguifera pariter obscurus est. Nec responsione Loweri multùm moveor, dum ait: Si, per quos pulmonum meatus

Lib. de corde, c. 3.

spiritus

*Spiritus aëris nitrosus in sanguinem transf-
eat, eumq; copiosè imbuat, à me quæras :
ostende & tu mihi, quibus porulis alter ille
spiritus nitrosus, qui in nive est, per deli-
catulorum pocula transeat, & æstiva vina
refrigeret. Quòd si vitrum aut metallum
spiritui huic non sint impervia; quantò
faciliùs laxiora pulmonum vasa penetrabit?
Ego verò nego, spiritum ullum nitrosum
vitrum aut metallum penetrare: sed fri-
gus illud oboriri existimo, quòd motus
ille expansivus (qui caloris origo, imò
essentia est) ab admota torpida nive, vel
aliâ quâvis re frigidâ, reprimatur. Et
fortassis discrimen sanguinis arteriosi à
venoso (si quod sit) ad similem modum
evenerit. Audi sis verò quid ibidem de
tuo commento sentiat. Si quis, inquit,
comminutioni sanguinis in pulmonibus, po-
tius quàm aëris cum sanguine mixtioni,
floridum hunc ipsius colorem tribuendum
sentiat; perpendere oportet, an reverà san-
guis in pulmone magis, quàm in corporis
musculis (si omnino æquè) comminui, atq;
confringi possit. Quippe cùm pulmones
in continua dilatatione (duorum nempe
follium ope; quorum unius rōstrum alte-
rius lateri inditur; quemadmodum soler-
tissimus Hookius modum primus docuit)
ad experimentum hoc rectè consiciendum*

Anat. l. 2.
c. 13. pag.
527.

contineantur ; non video, quomodo aliter, quam per poros eorum transeundo, sicut in reliquo corporis habitu, comminatur. Quo sanè ineluctabili argumento, à dicto jam Hookio deprompto, planè causæ tuæ jugulum petiit. Eidem sententiæ succenturiatur Cl. Diemerbroeckius, his verbis : *Mistura sanguinis exactissima fit per fermentationem, quâ omnes particule in spiritum seu tenuem halitum dilatantur. Atqui illa peragitur in corde, non autem in pulmone, in quo fermentatio inhibetur, & dilatata sanguinis massa incrassatur. Præterea, si è dextro cordis ventriculo expulsus sanguis exactam misturam in pulmone nancisci debeat ; ubinam ille, qui è sinistro ventriculo in aortam propellitur, atque etiam ille qui in piscibus, vel qui in fœtū utero incluso pulmonem non ingreditur, exactam suam misturam consequetur ?*

Animadv.
18.

Aqua magis penetrabilis est, quam aer ; ut in ovis recentibus ad ignem coctis, & doliis liquore musteo plenis, constat.

Resp.

Quandoquidem particule, ex quibus aqua constat, si magnitudinem & figuram spectes, longæ, læves, lubricæque ; si motum, quasi reptiles esse videntur : mirum

non

non est, si illæ sese multis corporibus insi-
nunt, & paulatim in intimos eorum re-
cessus penetrent. Aëris autem partes, etsi
minutæ sint, tamen irregulares habent figu-
ras, ac præterea citatori motu agitantur.
Unde sequitur, earum plerasque, corpora,
si quæ occurrant, prætervolare, aut saltem
hære in eorundem superficie, tanquam in
limine impingentes. Interim scimus, illa-
rum nonnullas (quas nitrosas esse, verissi-
mum est) usque aded penetrabiles esse,
ut eant facile, redeantq; per densissima
corpora, quæ transitum aquæ minimè con-
cessura sunt: possem sexcenta hujusce rei
exempla proferre, nisi proluxior esse nollem.

Instante

Demiror tuam ὀξυδερπίαν * gratulorq;
denuo, oculos tibi obtigisse tam perspi-
caces, quibus particulas aqueas esse lon-
gas, leves, lubricasque; aëris verò irregu-
lares, discerneres. Debebant hæ certè
propterea tardiore motu ferri. Et cre-
diderit quis, aquam potius ex hamatis un-
cinatisq; atomis constare, quòd rebus ob-
viis tam facile adhæreat. Nec satis intel-
ligo, cur particulae aëreæ, ob citatiorem
motum, corpora obvia prætervolent po-
tius, quàm pervolent aut ingrediantur.
De partibus aëris nitrosis, densissima cor-
pora penetrantibus, jamjam dictum est.

Animadv.
19.

Sanguis non potest è pulmonibus tussi rejici, sinè levi saltem membranæ rupturâ. Quod enim de diapedesi aiunt, nugas esse arbitror. Allantois, tenuissima membrana, urinam (acrem humorem, valdeq; penetrabilem) tutò in se continet.

Resp.

Adhuc tamen annon possit, nescio. HARVÆO certè dubium videbatur, annon in homine etiam (nam in pennatis illud contingere clarissimè constat) dum vivit, aer per obscuros quosdam cæcosq; meatus, per membranam pulmonis, in thoracis cavitatem penetret. Sanè pulmo inflatus, etiam obturato ligatòq; arctissimè trachæe ostio, paulatim collabascit nonnihil; exeunte, ut videtur, per membranæ porulos, aëre tenuiore, quales in Allantoide nondum ullâ ratione sunt inventi.

Instant.

Non de pulmonum, sed vasorum sanguiferorum membranâ loquutus sum.

Animadv.
20.

Resp.

Sylvio haud temerè credendum censeo. Non autem temerè credere videmur, homini & docto, & seriò affirmanti. Falli quidem potuit Sylvius (idq; in experimentis faciundis non rarò contingit) verum illum etiam fallendis aliis operam daturum, nimis durum est, si suspicemur.

Abfit

Abfit, ut doctum & præclarum Virum Instant.
 deditâ operâ fallere voluisse suspicer.
 Eum tamen hypothefi fuâ nimiùm in-
 dulfiffe arbitror. Idq; facilè conftitiffet,
 fi *experimentum* illius adfcribere, operæ
 pretium duxiffes.

Ego quoque non femel idem experi- Animadv.
21.
 mentum feci : injecto quippe in arteriam
 pulmonarem fero lactis, croco tincto,
 vidi illud dicto citiùs in finiftrum cordis
 ventriculum (in eum finem adapertum)
 confertim depluere, abfque ullo aëris in
 pulmonem ingredientis adminiculo : nec
 quidquam tamen interea fanguinis in
 pulmonem erumpebat.

In experimento, cujus ego hîc mentionem Resp.
feci, res evenit quemadmodum narravi.
Nolim tamen negare, quin eventus ifte, vel
acrimonix liquoris erodenti vafcula, vel
vi nimix, quâ fortè in eodem injiciendo
ufi fumus, imputari poffit. In tuo verò,
aëris adminiculo fortaffis haud opus erat,
quia ejus vicem fupplere potuit injectionis
tue vis.

Vis ea haud multò major erat, quàm Instant.
 ventriculi dextri in vivis effe folet.

Animadv.
22.

Pestis ratio obscurior est, quàm ut inde lumen aliquod huic rei accendi queat.

Resp.

Non equidem speravi, nec id muneris in me sumpsi, ut pestis naturam & rationem, accensâ quasi face, illustrarem; illa enim in tenebris ambulat, quemadmodum cecinit olim Regius vates: cui nos etiâ hodièq; succinere cogimur, licèt tot viri doctissimi in hoc negotio desudaverint. Interim conjicere dabitur, opinor, quâ potissimum portâ virus illud nos tam silenti passu invadere soleat, horrendam stragem editurum. Aliæ autem aliorum conjecturæ non videntur majore verisimilitudine niti.

Instant.

Asperæ arteriæ cartilagines, quibusdam fibris dirimuntur à se invicem, aliis autem ad mutuuum contactum adducuntur. Illis attolluntur pulmones; fitque inspiratio: his verò contrahuntur, atque expiratio subsequitur. Idem enim ferè hic usu venit, quod in *fistulis* illis, quibus coturnices in retia pelliciuntur; aut quod lanternis chartaceis contingit, quæ nullo negotio fursum attolluntur, atque in se denuo concidunt. Fit autem interdum ab aurâ aliquâ pestilenti, sulphureâ, arsenicali, aut simili, ut fibræ illæ, cartilagi-

nes pulmonum contrahentes, adeò convellantur, ut respirationem planè impediant, atque in præsens suffocationis periculum inducant. Ideòq; aëre sanguinem subeunte ad hanc rem nihil opus est.

Proculdubio tenuis ac novitius chylus, mobilisq; lympa, ipso sanguine fluidiores sunt. Animadv. 23.

Quod asseris hîc, non tam clarum videtur, ut nullus dubio sit locus. In chylo enim nondum emerferunt particule volatiliores, quæ tenuissimæ mobilissimæq; sunt; ulteriori nempe fermentatione coctioneq; illud præstandum est. Ac profectò de partium tenuitate, in liquoribus, non ex uno aliquo, eòq; levi indicio sententia nobis ferenda est, nisi falli velimus. Pus ulcerum, quod, si manus oculòsq; consulas, non tantum chylum lymphamque, sed & ipsum sanguinem spissitudine superat; illis tamen omnibus penetrabilius est, ac proinde particulis pollet subtilioribus. Resp.

Tranio apud Plantum, Seni cornicem ostentabat, quæ nusquam erat. Tu pariter fermentationem hîc nobis præfers, quæ tamen in istis rebus nullam partem obtinet. Placet illud Cl. Menjotii: Si Instanc. Mosel. Act. 3. scen. 2.

prima coctio fermentis adscribenda est, ergo & secunda, atque adedò tertia: sicque mutatio sanguinis (sive succi nutritii, ex meâ sententiâ) in nervorum, cartilagineum, & ossium substantiam, nec non etiam generatio lactis in uberibus, ac seminis in testiculis, mera erit fermentatio, & quidem arte imitabilis. Quâ opinione nihil levius, nihil inanius excogitari potest. Quod de pure narras, illius acrimoniæ potius, quàm partium tenuitati adscribendum censeo: erodendo scilicet facit sibi viam vi; quemadmodum aqua stygia argentum, similémve aliam materiam perforat, quam subtilior aer neutiquam penetraverit.

Animadv.
24.

Liquores varii, levi negotio, sine validâ agitatione aut subactione, commiscuntur; uti vinum & aqua; debuisse&que; Natura, pari ratione, simile quid in venis lacteis extruxisse, quò nempe cibus & potus probè in illis subigerentur.

Resp.

Liquores, qui ad homogeneitatem propius accedunt, leviori negotio commiscuntur. Chyli & sanguinis alia ratio est, uti nos uberius exposuimus. Quod autem debuit Natura, id eam fecisse deprehendimus, & quidem ratione præstantissimâ: curavit nimirum, ut illius operâ gradatim exequeren-
tur

tur animalia, quò suo loco, ac tempore omnia maturefcerent. Ipsa venarum lactearum structura, situs, progressusq; talis est, talisq; actio viscerum circumjacentium, ut chylo attenuando subigendoque, quantum satis est, optime conducant.

Equidem chylus & sanguis ad homogeneitatem prope accedunt: hocq; potissimum interesse videtur, quòd ille necdum purpurâ indutus sit. Nam simplex fermentatio (quam te hîc intelligere autumo) licet mixti naturam alteret, non tamen evertit: neque enim panis azymus à fermentato, nec mustum à vino specificè discriminantur. Cùm è contrario, median-
 tibz coctionibus, alimenta in alias species, nempe chyli, sanguinis, partiumq; nutritarum transformantur. Utî rectè à prælaudato Menjotio asseritur. Beâsses autem *ibidem.*
 nos, si venarum lactearum structuram, situm, ac progressum; viscerumq; circumjacentium actionem talem clarè explicâsses, quâ chylo attenuando subigendoque optime conducerent.

Instant.

ibidem.

Calor, in phthisicis, brevi post assumptum cibum, accenditur; quòd in illis *Animadv.*
 ulcusculum alicubi rarò desit, cujus purulenta materia, cum affluente novo
 chylo,

25.

chylo, ad ipsas venas permeat, & ad cor allabitur.

Resp. Si adfuerit ulcus, agnosco causam idoneam: verum ipsa sanguinis acrimonia non raro in causa esse videtur, ulcusculis etiam nullis existentibus. Quod autem cor hic memoras, quasi illud, purulentam materiam laceffitum, febriles hasce turbas primum excitet; non usquequaq; tibi assentior. Sanguis enim, admixto pure illo (quod utique prima fax est ac tuba seditionis) precipue in furorem agitur; mox, nervis (qui cordi frequentes inseruntur) internunciis, cerebrum commovetur, trahiturq; in mali societatem: illud vicissim, dimissis spiritibus, cordis motum accelerat, adeoque tandem tota corporis respublica conturbatur.

Instant. Ut concedam tibi, sanguinem, ubicunq; fuerit, inimici hospitis adventum persentiscere; an non verisimile est, idem in corde meliore jure contingere? Quomodo autem id mali cerebro per nervos communicetur, haud satis perspicio; nisi velis, motum in illis fieri retrogradum; quod equidem alii nequaquam concesserint. De spiritibus vero turbarum harum incentoribus, posthac erit dispiciendi locus.

Colliqua-

Colliquatio illa est opus Naturæ; & Animadv.
 confimile quid fit in ipsâ ciborum in ^{26.}
 ventriculo concoctione.

Non tibi placuit, hoc loco, me vel tantillo doctiorem à te dimittere. Quid enim sonat illud, Opus Naturæ? Numquid hæc omnia non sunt Naturæ opera? Profecto miserè ut philosophemur necesse est, si talibus ætiologiis contenti esse debeamus. Nec interim dubito, quin tu potueris aliter, & melius multò, rationem hujusce rei subducere. Utinam verò etiam voluisses. Resp.

Volebam dicere, *colliquationem* illam Instant.
 esse opus Naturæ à me non explicabile. Neque enim existimo, sanguinis calorem (qui illic certè perquam mitis est) albumini atque vitello colliquandis fati idoneum esse: non magis sanè, quàm cibum in ventriculo à mero calore in chylum liquefcere. Imò verò liquores illi in ovo à sanguinis calore potius densarentur; quemadmodum ab igneo calore fieri notum est.

Sanguis per vasa umbilicalia delatus, Animadv.
 cum succo nutritio, sive liquore alb- ^{27.}
 gineo à matre extillante, haudquaquam commiscetur.

Quidni

Resp.

Quidni commisceatur? Eâ ratione, quam hîc loci breviter explicimus.

Instant.

Quia sanguis embryonis, per arterias umbilicales ad placentam delatus, à vena cognomine reorbetur, atque ad cor revertitur. Liquor autem albugineus, il- luc à matre translatus, depluit in *amion*, unde foetus eundem per os haurit. Ut postea pluribus dicetur.

Animadv.
28.

Sanguinem in pulmonibus aëre com- mistum & subactum, calorem inde in- signem in sinistro cordis ventriculo non concipere, vel inde liquere arbitrôr; quod in ranâ, testudine, aliisq; amphi- biis, unico solum cordis ventriculo dona- tis, sanguis pulmonem ingressus, ad cor statim remeare nequeat, sed è pulmoni- bus illico in venas axillares amandetur. Quo solo argumento, sententiâ tua, de usu respirationis, plurimum labefactatur.

Resp.

Nescio, annon hîc loci, atque alibi forsan, Hypothesi meâ nimium indulserim; quod quidem si fecerim, illud omnino condonan- dum est: — hanc veniam petimus, da- bimûsq; — pronum enim nobis plerisq; om- nibus est, commodum sententiæ alicujus fundamentum nactis, impositâ quasi nimia mole,

mole, toti substructioni ruinæ periculum
 accersere. Nec tamen hoc ingenuè fasso,
 eoque retrò mihi vela vertenda sunt, per-
 inde ac si arcem causæ meæ deseruisssem,
 aut etiam rem aliquam prorsus incredibilem
 hîc in medium protulisssem. Reverà enim
 existimo, sanguini calorem aliquem (et si
 fortè non tam insignem) hâc ratione con-
 ciliari. Interjectis enim, per pulmonem,
 nitrosis aëris particulis, animalium sanguis
 (qui saltem sulphureis corpusculis paulo
 magis imprægnatur, & jam in motu positus
 est) non incallescere nequit, eo modo, quem
 in Diatribâ nostrâ declaravimus. Huc
 etiam aëris elasticitatem (ut sic dicam)
 aliquid conferre, verisimile est; dum ejus-
 dem partes minutiores expandere sese an-
 nituntur. Atque hinc, opinor, ex parte
 aliquâ, ratio deducenda est, cur arterioto-
 mia tantum levaminis in summis doloribus
 apportet: sanguis enim per arterias ad
 partes delatus, ob elaterem aeris, in sinum
 suum jam recepti atque admixti, molliores
 vasculorum parietes distendit, unde dolor
 nascitur; qui, nisi patefiat exitus, ac de-
 pleantur vasa nonnihil, difficilius consopi-
 tur. Jam quod ad ranas, testudines, aliâ-
 que amphibia, unico solum cordis ven-
 triculo donata, spectat; argumentum inde
 sumptum, tantum abest, ut tibi, ad labefa-
 ctandam

Etandam sententiam nostram, inserviat ; ut videatur illud etiam ultro pro nobis militaturum. Cum enim horum animalium sanguis non caleat (re saltem ad arbitrium tactus nostri delatâ) colligimus inde, caloris, in aliorum animalium sanguine comperti, rationem ex nostris principiis aliquatenus deducendam esse. Horum enim cor, cum liberalior Natura duobus ventriculis instruxerit ; eorundem quoque sanguinem hoc pacto voluit incalescere. Verum hujusce discriminis causam aliunde, atque altius, ex parte potissimâ, repetendam arbitramur ; ab ipsâ nempe sanguinis crasi, qui in amphibis piscibusq; spiritu salino maximè abundat ; in aliis, plus materiæ sulphuræ admistum habet, quæ, nitro aëreo accedente, in calorem excitatur ; quod quidem in præcedenti opusculo, sententiæ nostræ defendendæ atque explicandæ substruximus : quæ proinde, hæc machinâ tuâ, statuminata potius, quam loco suo mota, aut concussa videtur.

Instant.

Si bonæ causæ patronus accessisses, quanta cum laude eandem tuitus esses, qui tam argutè protegis malam ? Verum

— in

— in fabrica si scæva est machina
 prima,
 Cætera mendosè fieri atque obstipa ne-
 cesse est.

Fateberis, opinor, sanguinem in arte-
 riis copiosiore sulphure abundare, quàm
 dum primùm pulmones percurrit; liqui-
 dem commixtus chylus novitius, transitu
 jam per cor factò, in sanguinem paula-
 tim exaltatur; fitq; propterea calori
 concipiendo magis idoneus: præcipuè,
 cùm aer quoque illuc è pulmonibus, &
 per habitum corporis, atque etiam unà
 cum confecto cibo in ventriculo & lacteis
 (utì in *Diatriba* voluisti) confertim tra-
 net; idq; adeò, ut (te arbitro) *ab illius*
elasticitate, arteriæ nonnunquam vehemen-
tem dolorem sentiant. Cur itaq; Natura
 de pulmonibus condendis tantopere fuit
 sollicita, ut eosdem nulli perfectiori ani-
 mali denegaret; cùm tamen idem mu-
 nus in arteriis quoque quadantenus per-
 agi possit? Verùm quod *Poetæ faciunt* Plant. in
in Comædiis — *Omnes res gestas esse* Prolog. Me-
Athenis autumant. næshi.

Sic tibi pariter, pulmonibus faventi, to-
 tum ferme conficiendi sanguinis chora-
 gium illis transcribere placuit. Et ce-
 do

Diatrib.
pag. 63.

do sis causam (cùm, ut arbitraris, *massa sanguinea novo reditu ditata, dum in pulmonibus subigitur, calorem egregium concipiat; cùmq; solutæ aëris particule illam ad spumescentiam in pulmonum vasis opportunam faciant: idq; etiam in minutissimis eorum ramulis, ubi tamen expansioni nullus locus est*) cur non intumescencia insignis in iis persentiscatur, quæ pulsum cordis aliquatenus æmuletur? atque etiam, quomodo pulmones possint vicissim subsidere? In jejunio diuturniore, ut & remotè à partibus, verisimile est, chylum vel non omnino, vel parcè admodum per ductum thoracicum ascendere; nec tamen discrimen ullum notabile in motu pulmonum percipitur. Quæ de cervicâ, *vasis angusti orificiî conclusâ, rapidèq; sublato operculo, exiliente ibidem adnectis, planè παλασιώδης* sunt, sibi-que prorsus ipsis obstrepentia, ac naturæ sanguinis dissentanea.

Veruntamen nullum potest ingenii tui viribus obstare repagulum, quod non levi negotio diffregerint. Objeceram, testudinum, ranarum, pisciûmq; corda, uno solum ventriculo donata esse; atq; eadem tamen commodè (citra ullum aëris adventum) circulationis pensum absolvere. Et mihi quidem videbatur
hic

hic *miles triarius*. Tu verò eundem *transfugam* facis, atque à partibus tuis stare contendis; cùmq; sanguis eorum sit frigidior, certo documento esse, calorem vegetiorem in aliis animalibus (quorum corda duobus ventriculis instructa sunt) ab aëris nitrosi commixtione proficisci: oblitus nempe, aërem non ingredi dextrum ventriculum; sanguinemq; in foetu humano (ad quem nullus aer pertingit) satís effervesce: atque *insecta* (quæ tamen respirant, ampliusq; pulmonibus donantur) paupertinum atq; illatabilem calorem nacta esse. Maluisti autem discriminis hujus causam sanguinis *crassi* adscribere; *qui* (ex tua sententia) *in amphibiiis, piscibusque, spiritu salino maximè abundat*. Atqui ego, pari verisimilitudine, in illis *tartaream materiam* repperim: quibus sociatis, solet insignis effervescencia ac tumultus exoriri; qualem in pulmonibus ab aëris misturâ effinxisti. *In aliis verò*, inquis, *sanguis plus materie sulphureæ admistum habet; quæ, nitro aëreo accedente, in calorem excitatur*. Debueras sanè & *carbones saligneos* repperisse, quò tumultus ac displotio fieret validior. Putasne enim, nitrum *oleo* permistum (quod sulphuris vicem obtinet) magnas turbas daturum?

Profectò verum esse experior illud *Quintiliani*, *diverticula & anfractus*, *suffragia* esse *infirmittatis* ; ut qui cursu parùm valent, flexu eludant. Istis nimirum magis mihi probâsti ingenium tuum, quàm respirationis indolem : incertior enim sum, quàm dudum.

Animadv.
29.

Ubicunq; tabes contigerit (id est, ut ego sentio, ulcus aliquod internum adfuerit) idem malum subsequitur; licet non pari gradu, ob pulmonum cum corde viciniam.

Resp.

Aliquid nempe mali propter vicinum malum, hæc etiam (ut videtur) locum habet. Non autem illud inde contingit, quòd cor ulceris, in propinquo habitantis, injuriam sentiat, aut quicquam inde prognati fœtoris illi suboleat, unde iram concipiat irritabile viscus; ut pleriq; suaviter hæc de re philosophantur, quorum sententiæ tu quoque affinis esse vidêris: (est enim cor pericardio suo, tanquam intergerino pariete, satis munitum) sed quòd ulcus, in viciniâ situm, tantocyrus pure suo, sanguinem chylumq; in pulmone commistos, in effervescentias irregulares excitet, eorûmq; crasin ac motum naturalem pervertat (ut jam diximus) atque hinc febriles, in tabe, paroxysmi;

paroxyfmi ; corporis quoque macies , ob
 sanguinis scabritiem & asperitatem solidas
 partes depascentem.

Quinam ita philosophentur, ego certè Instant.
 nescio ; nec causam video, cur illius sen-
 tentiæ me quoque affinem velis, qui
 istiusmodi *histrionem* nuspiam produxi in
 proscenium. Prava sanè ac purulenta
 illa materia, unà cum sanguine per ve-
 nam refluo, ad cor transfertur ; quod,
 citra *narium* opem, ingrati hospitis ad-
 ventum facilè persentiscit : adeoq; *peri-*
cardii meminisse nihil necesse erat.

Quomodo calor maternus, & vasa Animadv.
 umbilicalia aëris vicem supplere possint, 30.
 ego neutiquam video. Materia illa al-
 buginea, quæ ab utero in fœtum exudat,
 est idem ille succus nutritius, qui matri
 aliàs nutriendæ, sanguiniqu; reparando
 destinatus, jam augendo fœtui inservit :
 possëtq; sine aëris beneficio, non illo mi-
 nùs, quàm hoc munere defungi.

Cùm eadem, atque etiam plura inferiùs Resp.
 mihi objeceris, placet responsionem meam
 tantisper differre, donec illuc devenerim.

Animadv.
31.

Strangulatis dextra cordis auricula, & pulmo sanguine infarciuntur, & intumescunt; non quidem ob denegatum aëris accessum, qui sanguinem attenuet, ut arbitraris; sed quia cor tunc quiescit, sanguinémq; non propellit, adeóq; novum (in sinistrum ventriculum) non admittit: licèt interea motus pristinus affluxúsq; sanguinis per cavam in dextrum ventriculum, arteriámq; pulmonarem aliquandiu duret.

Resp.

Ratione tuâ problemati non satisfacit, difficultas enim adhuc solutionem premit: nam porro quærendum erit, cur tunc temporis cor quiescat, sanguinémq; non propellat; curve novum (in sinistrum ventriculum) non admittat; patet enim via, — patet ægri janua cordis. Numquid itaque verisimile non est, sanguinem, ob denegatum aëris accessum, grumescere, adeóque in pulmonibus, ipsóque corde restagnare? Ceterùm si motus pristinus, affluxúsq; sanguinis per cavam, &c. aliquandiu duret, ut ais; Vide interim, quid fiat de tuâ illâ $\omega\epsilon\delta\varsigma\ \tau\omicron\ \kappa\epsilon\upsilon\sigma\mu\delta\upsilon\omicron\nu\ \alpha\iota\eta\gamma\lambda\epsilon\theta\iota\varsigma$ quid de continuitate sanguinis, quæ tibi visa est huc advocanda. Cur jam citior sanguis anteriorem non sequitur?

tur ? cur *ᾠσῶσις* ejusdem non cessat ? Si enim *ῥῆμα* illud *ᾠγμῆ* tuum satis ratum esset, non video quominus hæc omnia etiamnum fierent. Si autem existimet aliquis cordis cum cerebro commercium (in hisce strangulatis) adstricto laqueo intercipi, ut nec illinc sanguis ad spiritus extillandos, nec hinc spiritus ad cor movendum subministrentur, unde vitam quoque tolli subito necesse sit : id quidem verum arbitror ; sed & huic rei denegatus aëris accessus non parùm confert, absque quo si fuisset, neque illud, tam subito, eveniret. Aliàs enim, quid de aquâ submersis, & catarrho suffocatis, aut quibus alio aliquo modo spiritus interclusus est, dicendum erit ? Tua verò sententia, neque laquei nodum solvere, nec in aliis quibuscunq; casibus opem aliquam adferre videtur.

Postquam id tibi in pectore consilii fuit, ut pulmonibus pistrini operam, pin- sitandiq; munus transferres ; multa illuc obtorto collo trahis, ut tecum sententiam ferant. Atque hîc sanguinis in defunctis grumescentiam in opinionis tuæ auxilium vocas. Quæ tamen non ob aëris carentiam (cui cruor expositus citiùs concre- scit) verùm ob caloris in illo defectum, ejusdemq; tandem stagnationem obori-

Instanc.

tur. Imò verò in demortuis, laqueóq;
 strangulatis (si cadavera eorum supina
 jaceant) sanguis etiámnum post fata mo-
 bilis, confertim in dorsum decumbit,
 idémq; rubore conspicuo commaculat.
 Neque anxie quærendum censeo, quam-
 brem *cor* (vitæ magnam partem archi-
 tectus) post obitum quiescat, sanguinémq;
 ampliùs non propellat, cúq; novum in
 ventriculum finistrum non admittat. Ex-
 inctâ quippe flammulâ vitali, functiones
 simul omnes inde natas pellundari ne-
 cessè est: neque potest jam, subsidentibus
 pulmonibus, sanguis per eorum vasa pro-
 repere. Idem tamen alibi, dum in se
 sua per vestigia volvitur, motum pristi-
 num (licèt pigriorem) aliquandiu servat:
 quemadmodum, circumductâ scutellâ,
 aqua (quæ inibi est,) etiam quiescente
 illâ, adhuc pergit moveri. Quæ à te hîc
 quærantur, parvi momenti mihi viden-
 tur, omnesq; illæ difficultates facili nego-
 tio dilui possint: adeóq; licèt *laquei* no-
 dus nequeat, tuus tamen facilè devinciri
 potest, ut ad *spirituum* opem confugere
 nihil opus sit. Horum tamen quia cre-
 bra à te facta est mentio; consideamus
 quæso paulisper, & de *spiritibus animali-*
bus tantopere decantatis ociosè confabu-

Heracli-

Heraclitus Ephesus dicebat, πάντα ῥα ῥεῖ Diog. Laert.
 καὶ δαίμονων πόλιν. Paritérq; Phi- in vita.
 losophi hodie, omnes corporis partes spi-
 rituum animalium plenas arbitrantur.

Rectè autem contra Galenum Peripatetici Fran. Im-
 sentiunt, unum esse duntaxat spiritum, perialis de
 vitalem, singulis partium omnium officiis ingen. hum.
 p. 52.

deservientem. Non enim sunt multipli-
 canda entia sine necessitate : sed vitalis,
 qualitatibus solum alteratus, sufficit : ergo
 non est necessarius animalis essentialiter
 immutatus. Spiritus quidem animalis de-

monstrationem asserit Galenus ex plexus Lib. 12.
 retiformis haberi constitutione ; cui parti meth. c. 5.
 nullus in corpore potest alius assignari usus, & l. 9. de
 us. par. c. 4.

præter vitalis spiritus transmutationem.

Sed hujusmodi plexum multi celebres Ana-
 tomici non admittunt. Vel si concedatur ;

cum ille sit arteriarum soboles, cur alie
 pariter arterie non erunt eadem facultate

donatæ ? Si dicant, eas non esse circumvo-
 lutione præditas : dicimus, rationi esse con-

sonum, ex ea quidem posse motum retar-
 dari, & sic frigesieri spiritum ; non autem

substantialiter transmutari. Addo etiam,
 arterias, præparantes dictas, miris modis

implicari, nec tamen id munus iis à quo-
 quam assignatum esse. Aiunt communiter,

substantiam cerebri & cerebelli (cui inter- C. Hofman.
 texta sunt tot millena vasa) frigidam esse, Inslit. l. 2.
 c. 64. §. 19.

ut substantifica refrigeratio sanguinis in cerebrum delati fiat ; atque ita spiritus (non enim sunt sine sanguine suo) fiant sedatiores.

Mihi verò calcari potius , quàm fræno, indigere videntur, ut per nervorum angustias ocyssimè transvolent.

Scire igitur pervelim, quòdnam sit dīs hisce penatibus Lararium, atque ubinam habitent. Campanella id nobis indicavit.

De sensu rerum, p. 182.

Divinam, inquit, admirari licet benignitatem ; quæ, cū sit homo inclusus in parvo cortice, & res sentire non possit, omnes cellas in capite illi spatiosas efformavit ; ubi spiritus commoditatem sese movendi habet, & ex notitia in notitiam discurrere, conferendo similia & opposita. Quod plantis facere non datur, quia carent cellis. Bestiis autem insunt angustæ ; & non ita efformatæ, ut spiritus in iis valeant ita moveri, ut in homine. Ex quo factum est, ut homo aptus sit ad cognoscendas res omnes (quas sentire nequit) per discursum. At verò in paludinosīs iis locis salutē eorum minùs consultum foret. Et metuat meritò quis, nè facili negotio per nares avolent : imò quidem, etiamsi (ut Thomas Bartholinus voluit) in calamo scriptorio gignerentur. Neque magis verisimile est, spiritus illos in substantia cerebri, ejusdēve cortice nidulari : siquidem nullæ

viæ

viæ tramitéſve illic conſpiciuntur, eorum tranſcurſui idonei.

Num poſſis etiã imaginem aliquam nobis depingere, modúmqu; oſtendere, quo ſpiritus animales cudantur in cerebro? Libenter enim ſcire cupiam, quĩnam ſit *Vulcanus*, quinam *Cyclopes*, qui fulgetra hæc fabricent. *Isbrandus Diermerbroeck*, accuratus Anatomicus, hujus rei modum ſubtiliter commentus eſt.

Anat. l. 3.
c. 10. pag.
639.

Quippe ſtatuit, *Spirituum animalium confectionem non poſſe fieri in arteriis; ſed eam neceſſariò peragi in ipſâ cerebri ſubſtantiâ: idq; discriminis inter eos ac ſpiritus vitales intercedere; quòd hi ex ſaliſis & multis ſulphureis ſpiritibus in corde ſimul dilatatis, & exactiſſimè mixtis componantur: animales verò ex pauciſſimis ſulphureis, & plurimis ſaliſis conſtent; atq; non ſolius ſubſtantiæ & compositionis, verum etiam niſûs ratione à prioribus multum differant. Et non multò poſt: Ma-*

Pag. 647.

teria; ait, è qua generantur ſpiritus animales, eſt ſanguis arterioſus (quem conſtare diximus, ex ſucco ſaliſo, ſulphureo, & ſero) ejúſq; non æqualiter omnes particule, ſed inprimis ſaliſæ, quæ peculiari cerebri qualitate (quam non docet) à ſulphureis magna ex parte diſſolvuntur, ac ſeparantur, (idq; in tam rapido ſanguinis torrente) ſuâq; ſeroſitate

serositate exuta, sunt tenuissime, atque omnino volatiles; ita ut per invisibiles nervorum poros facillimè permeare queant. Alibi tamen, salem fixationis sive coagulationis principium esse voluit. Modum autem, quo vitales spiritus serum & sulphur exuant, animalésq; salem induant, sic exponit: *In sanguinis primò per corticem, hinc per medullosam substantiam transitu* (perinde ac si sanguis omnis, qui jam est in cortice, mox medullam necessariò adeat) *quæ in eo sunt subtiliores falsæ particulae, à sulphureis seu oleosis, ac serosis maxima ex parte separantur, tanquam per filtrum, sive manicam Hippocratis;* (quasi verò sal ab aqua aut sero filtratione ullâ segregari queat! non profectò, etiam si millies per arenam, aliàmvè rem quamlibet transadegeris. Sal enim solâ distillatione, quâ leviores aqueæ particulae sursum avolant, ipse autem ponderosior in imo subsistit, ab aquâ sejungi potest) *quarum rursus densiores particulae nutritioni ipsius visceris inserviunt;* (nempe ob substantiæ similitudinem; nam & cerebrum, refragante licèt gustu, ex salinâ quâdam materiâ conformatum ait. Creditumq; hætenus, partes corporis dulcibus, non autem falsis nutriri:) *quæ verò tenuiores sunt, illæ adhuc magis volatilisantur,*

tur, & à sulphureis maximâ ex parte liberata, mutantur in spiritum subtilissimum, Animalem vocatum, qui è cerebri cerebellique fibris in nervos, per eosq; ad reliquas corporis partes defluit. Quibus itaque sputum, à cerebro deciduum, salsum esset, ii lautissimè agerent, spiritibûsq; animalibus ditescerent. Attamen sanguis, per venas cerebri redux, mutationem nullam ejusmodi præ se fert. Et profectò partes sulphureæ videntur calori ciendo, motui instituendo, vitæq; adeò tutandæ maximè accommodæ; ut propterea de earum exilio malè consultum videatur.

Hippocrates, aliique, animales spiritus ex aëre fabricari autumârunt. Quomodo verò aer aut ea loca subingredi, aut muneris illi esse idoneus possit, me planè fugit.

Prosp. Martian. com.
in Hip. pag.
159.

Et postquam hi spiritus jam geniti sunt, quânam machinâ protruduntur è cerebro? Sunt enim corpora, adeòq; ad illorum motum corporis auxilio opus est. Nec tam vecordes existimandi sunt, ut, veteris hospitii pertæsi, apertâ qualicunq; januâ confestim aufugiant. Quidnam igitur eosdem expellit foras, adq; remotissimas etiam corporis partes fulguris instar transmittit? Cl. Diemerbroeckius ait,

pag. 634. ait, *Spiritus animales, per alternam cerebrî dilatationem & concidentiam è cerebro & medullâ expressos, in nervos propelli; posterioribus ultiores urgentibus, sicut unda propellit undam.* At enim quicumq; motus est in cerebro, is ab arteriis proficiscitur; nec possunt istæ ullo modo sanguini in cerebrum jam egresso (ut spiritus animales inde cudantur) motum aliquem impertire, quo deinceps spiritus illi in nervos propellantur. Neque etiam arbitrandum est, levem arteriarum, in extima cerebri parte potissimum sitarum, in *diastole* expansionem (si quæ tamen adesset) posse interiorum cerebri medullam tam strenuè comprimere, ut spiritibus inde in nervos rapidè protrudendis omnino par sit: multoq; minùs earundem in *systole* contractio, cerebro unà attollendo dilatandq; suffecerit. Utcunque sit, non possent *spiritus* eâ ratione, pro voluntatis imperio, vel turmatim proficili, vel in castris subsistere; verum constanti semper tenore, ad arteriarum rhythmum, manipulatim solummodo prolaberentur. Quinetiam, sexto incubationis die, pullus in ovo se movere incipit; licet nihil etiamnum cerebri, præter aquam limpidam vesiculæ inclusam, conspicitur. Non est itaque credibile, spi-
ritus

ritus hujusmodi ullo pacto à tenui adeò
liquore propelli. Verùm non potuit
mala causa meliùs protegi. Nam

——— si hæc Pergama dextrâ
Defendi possent, certè hac defensa fuif-
sent.

Verissimè itaque à Conringio dictum: *De calido
innato, cap.
20.*
*Solum cor potest aliquid transmittere in
remotas partes; utpote cùm solum illud sit
instructum propellendi facultate; habens
in promptu canales, per quos in omnes par-
tes possit aliquid transdari. Quorum u-
trunq; adsit necessum est, ut aliquid in totum
corpus, sursum, deorsum, ad latera commeet.
Neque verò est, quod cerebrum fortè ad-
duxeris; quasi scilicet & illud moveatur,
& à cerebro nervi in omnes partes propa-
gentur. Quippe ille motus cerebri ab ar-
teriis est. Illo certè motu nihil propelli in
nervos, liquido perspicere est, si adhuc spi-
rantis & sensu præditi animalis nervum
filo vinxeris: neque enim prope vinculum
licet tumorem ullum ab affluente aliquo spi-
ritu deprehendere; ut sit in arteriis &
venis. Multus verò spiritus transiret in
nervos, si in quavis cerebri systole spiritus
isthuc propelleretur: adeòq; & hic opus
esset circulari motu, atque ita duplici ner-
vorum*

vorum ordine: quod structura eorum repugnat. Neque enim aliter posset spiritus vitalis, in validis ac diuturnis motibus, tanto spirituum animalium dispendio commodè suppetias ferre. Nisi dicamus, spiritum animale in venas retrogredi, ut denuo ad cor delatus noviter effervescat, stadiúmque idem decurrat. Quemadmodum de lacte fabulantur, illud è sanguine confectum, oréque exuctum, in sanguinem iterum reverti. An non autem metus est, ut spiritui animali cum vitali amicè conveniat? præsertim cum ille inquilinus sit, & viribus huic impar. An verò credendum, utrumque spiritum sociali fœdere conjungi: præsertim cum animalis etiam ex iisdem natalibus oriundus sit?

De anima
brut. cap. 4.
pag. 72.

Nec satís est dicere, cum *Willisio*: *Cerebrum & cerebellum animæ partes lucidæ duæ radices, seu potiùs spirituum primariæ scaturigines, in ipso corporis fastigio collocantur; in quas cum spiritus animales è sanguine supra & circumcirca posito, velut per descensum destillantur; illi inde per appendices medullares, nerveasque, quasi per rostra hæc illic apposita, in partes omnes inferiores dimanant.* Debebant enim leves & volatiles spiritus sursum potiùs exilire. Et quidni, pari ratione, consimilem

mitem destillationem è corde in pedes
 effinxit ? Quid autem fiet in iis animali-
 bus, quorum capita aquâ implentur, uti
 in *rana piscatrice* videre est ; & qui hy-
 drocephalo laborant ; & quibus aquosa
 est cerebri substantia , veluti embryoni-
 bus initio contingit ? Quid etiam dice-
 mus de bove *Suecico*, cui petricosa erat
 cerebri moles ? Quid deniq; de puero,
 cujus *Fontanus* meminit , cui caput erat
 cerebro vacuum : ut & illius, quem *Ar-
 noldus Villanovanus* memorat ?

*Tho. Bartho-
 lin. cent. 6.*

hist. 91.

Resp. med.

& annot.

in Vesal.

*In spec. intr.
 med.*

Verùm esto , sint illi spiritus animales
vitalium rediviva progenies : necesse ta-
 men est, eosdem, secundum horum pro-
 ventum , aut ditescere, aut pauperiem
 pati. Videmus autem delicatulos, qui-
 bus *καλοβινητιῶν τε βρώματα* usitata sunt,
 qui opiparè victitant, ac propterea spiri-
 tum *vitalium* opulentiam augent, minùs
 tamen robustos esse, quàm rusticos, aliòs-
 que duros capitones ; qui, vitam duriter
 tolerare sueti, sequiore victu pascuntur.
 Similiter, astaci, & cancri , licèt exsan-
 guis, multis sanguineis insigni robore
 præpollent.

Præterea libens scire cupiam , num
 animales hi spiritus confarreatis auxiliis
 sibi mutuam operam præstent ; an potius,
 invidia perciti (nam alii *obesuli*, alii *macri*
 statuun-

willisus

pharm. rat.

li. 2. c. 1.

p. 40.

stātuantur) discordes agitent, atque alii alios effurcillent ex ædibus; dicantque, veteres migrate coloni?

Idem de a-
nim. brut.
c. 4. p. 76.

Et cū spirituum, in variis provinciis, distincta officia mirè depingantur; quid si illi in itinere cespitent; aut veterno correpti obdormiant; aut provinciam alienam invadant, & cum satellitibus circuitoribus, qui excubias ineunt, clandestinas inimicitias exercentes, periculosas turbas cieant, aut rebellionem moliantur; (neque enim omnes bene moratos credimus) éstne quispiam, qui eos in jus vocet, ac litem intendant, aut poenâ graviore mulctet?

Porro, si spiritus isti voluntatis imperio obtemperant; unde fit, ut ira derepentè tantas in corpore tempestates excitet? Hinc enim oculi fulgurant; os tonitru horrendum edit; cor immanes sanguinis volvit fluctus; artus omnes, totūq; corpus, ceu terræ-motu, contremiscunt. Idq; adeo, ut, desæviente etiam procellâ, turbæ tamen aliquandiu durent. Nimiram, *fertur equis auriga, nec audit currus habenas.* Similiter, si quis fortè inter quietem somniet de incendio, de naufragio, aut rixâ graviore, unde damnum insigne metuendum sit: hui! quàm graves tumultus in corpore oboriuntur?

quanti

quanti fluctus in simpulo? Seditionem facit cor; pulsus celeres & inæquales evadunt; pedes fugam parant; ventriculus subvertitur; aliâq; similia mala ingruunt. Profectò explicatu arduum est, quomodo, spirituum horum interventu (qui tunc maximam partem eodem sopore obruti creduntur) corpus tam subito, tamq; mirè afficiatur.

Et cum in somno ipso (si quis ei multum indulgeat) fiat spirituum istorum uber proventus; oporteret sanè totum cerebrum à flammea hac progenie æstuarè; deberent micare oculi, reliquiq; sensus exardescere. Cum tamen tota ea regio veterno correpta torpeat. Fallor autem; nam & spiritus ipsi, nè genium suum defraudent, eodem tempore quieti indulgent. *Quam quidem narcotica præstant, spiritus quosdam animales perimendo, sive profligando: adeò ut ceteri, aut con-* De anim. brut. c. 15. p. 212. Pharm. rat. part. 1. f. 7. c. 1. p. 286.

sternati, aut interius compulsi, aut saltem ab effluxu in partes nerveas solito revocati, pensa sua derelinquant, aut aliquantisper remittant. Attamen spiritus hos lucis radiis comparavit; qui nihil aliud sunt, quàm motus quidam, à subtilissimis lucentis rei partibus excitatus; qui, cessante motore, statim ipse desinit; De anim. brut. c. 4. Gal. lib. de tremore.

K

Mirum

Campanel.
de sensu re-
rum, p. 98.

Mirum etiam, cerebrum haud vividiore sensu donatum esse, cum sit officina spirituum animalium, ibidemq; horum negotia maximè ferveant. At verò cum cerebrum sit anaclinterium spiritus, conveniebat ei sensus obtusus, nè perpetuò affligeretur. Cur autem non cordi pariter, contra vitalium spirituum molestias, simili insensibilitate prospectum fuit?

De anim.
hum. admira-
tandis.

Eleganter Barlaeus, ut omnia: *Quà ratione*, inquit, & quibus apparitoribus mandata mentis deferri possunt momento ad membra remotissima? cum nec membra hæc, nec spiritus internuncii, aut mandata capiant, aut mandantem nôrint. Volo currere pedes? currunt: quiescere? quiescunt, &c. Quin illud omni sapientiâ humanâ majus est, quomodo pulsantes citharam digiti, pari motu celerrimas cogitationes assequantur; ut nec à mente digitus, nec à digito mens relinquatur. Nempe citharam pulsans, simulq; tripudians, & cantillans, eodem tempore musculos circiter trecentos exercet. Censeri igitur, spirituum examen idoneum è cerebro jugiter emanare, quod ciendis omnibus illis par sit: & τὸ ἡγεμενικὸν iisdem ritè dirigendis sufficere? Nam cum truncus nervi (putà sexti paris) in plurimos

rimos ramusculos divaricetur; qui fit, ut spiritus è cerebro rapidè profecti, non omnes hos tramites pariter ingrediantur? An non *Mercurio* deductore aliquo opus est, qui illos ad hunc illúmve locum dirigant?

At fortassis spiritus ipsi sibi viam invenerint, utpote splendidi & collucen-
tes: ac propterea (si *Angelutio* credimus) *De maligna febre, l. 3. c. 5.*
auri & argenti splendore reficiuntur; sicut
contrà nigrore atræ bilis iidem obfuscantur:
adèò ut Galenus manifestis verbis pronun-
ciaverit, ob hanc causam melancholicos esse
timidos; quòd omnibus à Natura insitum
sit, in tenebris, quæ atræ sunt, expavescere.
Hem acumen! Spiritus visu gaudent sine oculis. Mirum sanè est, macros homi-
nes (quibus pellis pellucet quasi *laterna* *Plant. Aul. Act. 3. scen. 6.*
Punica) non esse festivos admodum; cum his etiam atræ bilis, si quæ adsit, à tenebris ab externa luce vindicetur. At verò apud nos, obfusculi maximè hilares sunt.

—— tam magna est penuria mentis *Palingen. l. 3. Zodiaca*
ubique;
In nngas tam prona via est.

Consimilis commatis est illud *Menjo-* *De Melan-*
cholia. 2. Probl.
tii, Natura, inquit Aphrodisæus, cerebrum

λαμπρὸν καὶ ἀπέρειτον ἔταξε, pellucidum
purumque extruxit. Et quomodo ejus cor-
pus in mortuis, ex absentia caloris nativi,
penitus densum sit & terrestre (sicut ci-
cinclela ac musca Americana lucem ponunt
cum vitâ) illud tamen in viventibus ali-
quam diaphaneitatem participat; ut cur-
sitantibus & quasi stadiodromis lucidis
spiritibus facile pervium sit: hujusque dia-
phaneitatis corruptio delirii melancholici
essentiam praesertim constituit. Necessario
enim requiritur praesentia atri humoris, quo
perturbetur cerebri αἰθήρ, ac spiritus ani-
males è caelestibus ac radiantibus, reddan-
tur ἐπεσώδες atque illumini.

Adhæc, si spiritus, musculos inflando,
motum cient; quomodo, cessante motu
illo, muscoli detumescunt iterum? Num
spiritus illi in alios musculos transeunt?
At tunc certè alium involuntarium mo-
tum excitarent. Aut suntne retrogradi
ad cerebrum? Ita quidem videtur cen-
suisse idem Menjotius, ubi ait: Dolores
partium extremarum, ut unguium, papillæ
mammarum, balani, cæteris atrociores sunt.
Rationem reddunt nonnulli, quòd benigna
Natura de membris dissitis, quàm vicinis,
sit magis sollicita: sicut parentes absentium
liberorum curâ, magis anguntur, quàm
praesentium. Verùm hæc causa non physica,
sed

De lithias.

sed moralis, & fortè improbabilis. Vera igitur ratio est, quòd sensus in extremis partibus acuatur, ob spirituum animalium ἀνταπόπαλιν, & ad angulos rectos ingeminationem: quemadmodum lux per reciprocationem intenditur, dum impingens in obstaculum, retro commeat.

Et jam demum causam intelligo, cur *Disput. med. 8. p. 156.* nervi valvulis destituantur: quas tamen *Henricus Regius* iisdem liberaliter donavit. Sed cùm in continuata ac vehementi actione, verisimile sit, novos spiritus prioribus suppetias mitti; quò fit, ut in se mutuò non arietent? Ego certè crediderim potiùs, spiritus hos, jam emeritos, fugam parare, & in ignem fatuum faceffere.

Et si à spirituum animalium influxu muscoli intumescunt, indèq; contrahuntur; cur non & à spiritibus vitalibus idem fit? Cur non in omni phlegmone, ubi muscoli inflammantur, ac tument, copiosèq; adeò spiritus affluunt, similis contractio oboritur? Verùm *Lowerus Lib. de corde, c. 2. p. 76.* luculenter docuit, *musculum, in omni motu, admodum arcè, & in sese introrsum constringi, minorari, & durescere; adeoque motu inflationi prorsus contrario moveri.* Qualis tamen contingeret, si spiritus animales catervatim ad partes movendas properarent, K 3 Acce-

Accedit, quòd animalia nonnulla (præcipuè aves) præcisis cervicibus (citra ullum spirituum animalium, è cerebro præpeti motu advolantium, adjumentum) aliquantisper obambulent: gressu tamen incerto atque instabili; quia, amputato capite, reliquum corpus mentis regimine destituitur. Magnam quoque à me inibis gratiam, si luculenter exponas, quo pacto, spirituum eorum interventu, cochleæ cornicula sua protendant, ac vicissim contrahant.

De motu
musculari,
p. 95.

Spiritus animales motores (inquit *Wil-
lisus*) duas hasce proprietates ipsorum natu-
ræ quasi insitas habent; nimirum ut,
donec vegeti, copiosi, ac liberi fuerint, sese
exerere, sive expandere affectent; deinde
impetu peracto, illi paululum imminuti, se
sponte recipiant, & quiescant: postea au-
tem resecti, denuo exiliant; ac ita vicissim.

De vita e-
jus, l. 5. c. 1.

Pari ferè verisimilitudine *Apollonius Tya-
neus*, apud *Philostratum*; *Oceanus*, ait
à spiritibus sub aqua existentibus impulsu
ex multis hiatibus, qui partim sub ipso
partim in terra circa ipsum sunt, ad exte-
riora diffunditur; ac rursus retrocedit
postquam, velut anhelans, spiritus. (quen-
diximus) retrocedit. Huic opinioni fides
facit id, quod apud *Gades* egrotantibus
contingit. Nam quo tempore excrescen-

aqu

aqua regionem inundat, animæ moribundos non deserunt. Quod profectò non eveniret, nisi spiritus ipse in terram secederet. Argutè philosophatum, scilicet ! Res ipsa tamen aliquam fortassis veri speciem habuerit : nam Guilielmus Piso ait : In Brasilia, accrescentibus aquis, æstusq; maris in plenilunium incidente, conspiciuntur cum infirmitate nonnulli, ut etiam vitam cum morte commutaturi videantur ; cùm tamen vix quenquam tunc interiisse meminerim. Plerosq; autem pelago decrecente extingui ægrotos, quia, præter aliorum testimonia, ipse toties comprobatum habeo, confidentius affirmare aulam. Idem in partu fieri, ab obstetricibus fuit observatum. Ita ut validissimæ hæ influentiæ, & occultæ cæli qualitates, eosdem effectus nascenti & denascenti impertiri videantur ; & hunc à vitæ angustiis, illum à carcere & vinculis uteri materni absolvant.

De Brasil.
l. 1. p. 13.

Ut verò intelligas, Spiritus Microcosmi motores (adinstar cœlestium) Intelligentias esse : Utero affecto, inquit Campanella, concurrunt undique spiritus ad eum relevandum : inde sensuum perturbatio, vel abolitio, respirationis angustia, &c. Admotis autem odoribus fætidis naribus, recurrunt illico spiritus ad id mali amolendum. Ad hanc normam Huartus :

De sensu rerum, p. 72.

Serutin. In-
gen. c. 6.
p. 159.

I. Aphor.
com. 7.

Mulier prægnans, picâ aut malaciâ laborans, si desiderio cibi alicujus ducatur, eumq; firmiter ac diu imaginando menti imprimat; experienciâ constat, ad abortum eam vergere, nisi statim desiderati cibi fiat particeps. Ratio naturalis est, quod spiritus vitales, antequam appetitus ille se exereret, intra ventrem (uterum, opinor, intelligit) se continebant, fœtus retentionem adjuvantes. At nunc novâ illâ superveniente cibi imaginatione moti, ad stomachum feruntur, atque appetitum ibi movent; ut interim, nisi fortissima ventris retentrix vis sit, embryonem tenere nequeat; atque ipsâ hæc causa abortum illi è vestigio causetur. Atque ibidem hæc habet: Galenus probè intelligens conditionem spirituum horum vitalium, consulit Medicis, nè cibum præberi ægris permittant, dum humores eorum crudi sunt, & in concoctione ac digestionem adhuc versantur. Quia statim ac spiritus esse aliquid cibi in ventriculo animadvertunt, de improvviso id, cui perficiendo occupabantur, deserunt; ac ad ventriculum, ejus juvandi ergo, reflectuntur. Quis autem credat, spiritus adeò exiles tantopere esse liguritores?

His addo; si quis (tenerioris præsertim constitutionis) brumali tempore in lecto

lecto decumbens, brachium aëri exponat,
idem mox obstupescit, motuq; ineptum
redditur; lecto autem redditum, de-
nuoq; refocillatum, facile consuetos mo-
tus redintegrat. Non video autem,
quomodo spiritibus animalibus, angustos
nervos perneciter (ut aiunt) tranare so-
litis, compedes tam subito à levi frigore
injici queant; neque unde, frigutientes,
resides, & loripedes facti, adeò facile
denuo redardescant. Quid etiam illud
est, quod, post luridum faciei, in lipo-
thymia, colorem, redeunte mox animo,
illico vividam illam *ἐκλαμψιν* vultui,
totiq; adeò corpori restituit? Non mi-
nùs sanè, quàm prata florum micantibus
oculis suaviter rident, quamprimum Sol
clarum renovat diem, quem modò atra
interposita nubes fœdè obfuscaverat. In
nobis *animam* vocamus, spirituum satel-
litio stipatam: simile tamen marcescen-
tibus plantis contingit, redeunte post
pluviam Phœbo, absque ullo spirituum
apparatu. Certò etiam constat, abortâ
syncope majore (in qua est *ψυχαιον ἀ-
δυνες*, & debile admodum vitale robur)
partes omnes (ob denegatum, cessante
corde, sanguinis influxum) illico obtor-
pescere, gelidâmq; mortem æmulari. Lu-
sit igitur *Cæsalpinus*, ubi ait: *Simile est*
Quæst. Pe-
ripat. l. 5:
qu. 3.

cerebrum

cerebrum instrumentis Chymistarum ; hi enim , cum ex vino aquam ardentem sublimare volunt , fistulam tenuem , & in spiræ modum recurvam , ascendentes vapores calidos recipientem , vasi coaptant ; in quo aqua frigida contineatur : fit enim , ut hujus refrigerationis beneficio temperati spiritus minimè evanescant. Sic quoque , cum ex sanguine in corde fervente tenuissima pars sublimetur ; nisi fuisset locus refrigerationis , optima pars sanguinis in auram evanisset , nec admiranda Naturæ opera perfecisset. Optimâ igitur ratione cerebri substantia frigida & humida , in superiori loco à Natura condita est ; quia caloris natura est sursum ascendere ; & quæ plurimum habent caloris ac sanguinis , iis plurimum quoque cerebri datum est , ut homini. At enim (nè quid aliud dicam) leo , præfervidum animal , nec cerebrum in sublimi positum habet ; neque copiâ illius præ vitulo donatur. Nec magis placet illud Aristotelis , Caput homini macilentum esse , nè cerebrum incalcesceret.

De part. an.
l. 2. c. 10.

Et profectò si vis motrix in animalibus à spirituum eorum influxu procederet ; cum in magno cerebro uberius sit illorum opulentia , homo bovi robore præcelleret. Deberent etiam amplioribus musculis pari proportionem nervi deferendis

dis spiritibus inservire : cùm tamen certum sit , nervum *opticum* linguæ nervo longè majorem esse ; plúsq; spirituum (si qui adestent) decoquere , quàm reliquos quatuor sensus simul. Neque sanè (si res rectè expendatur) ab ipsa *musculorum mole* videtur motûs vigor proficisci. Simia enim *indurans* valde saltax est, cùm tamen inclunis sit, torosísq; musculis destituatur.

Animadverterit etiam vel inde aliquis sententiæ hujus absurditatem, quòd vermiculi varios motus edant ; plantæq; *sensitive* dictæ, folia sua contrahant, expandantq; sine tamen operoso spirituum animalium adminiculo. Et in quem finem, obsecro, cor ad cerebrum, per patentes arteriarum meatus, sanguinem fervidum, sive spiritum vitalem deferat ; ut eundem mox frigidiorē torpidūmq; redditum, per exilem nervulum recipiat ? præcipuè cùm jugis ac validus ipsius motus sit.

Ut tandem telam hanc detexam ; musculorum motum à spiritibus influentibus non fieri, ipse *spasmus* evincit : in quo, vel ob motum distortum, vel ob frigus solummodò, musculi sæpe tam validè convelluntur, ut dolorem acrem inferant. Idémq; de oscitatione, & pandiculatione

culatione involuntariâ cogitandum est. Similiter, aperta, per calorem, corporis spiramenta sive pori (si frigus subito ingruat) confestim occluduntur, cutisq; in aspredines constringitur, ad anserini tegminis faciem: adeoq; cutis, privato sensu pollens, innumerabilium muscellorum operam præstat. Claro indicio, non eo modo (pernici nempe spirituum per nervos volatu) musculos cieri, quo vulgò creditur; sed in partibus singulis privum sensum hospitari, qui ad animæ imperium excitetur. *Motus autem istiusmodi, qui sine voluntate fiunt, dicuntur naturales, non animales: ut quicunque in rigore contingunt, in singultu, & concussionibus epilepticis. Quanquam enim motus hi fiunt, vel in musculis, vel in partibus nervosis, vel in ipso cerebro; naturales tamen sunt, quia præter voluntatem ab excretrice facultate fiunt; irritatâ tamen virtute per sensum rei noxiæ. Ita similiter Franciscus de le Boe Sylvius: Non semel à me, inquit, aliisq; accuratis Naturæ operum scrutatoribus, observati sunt partium, cavitatem formantium, & contenta quædam deferentium, motus contractionis, naturales mihi vocati, ad plures horas externo sensui notabiles, adeoq; superstites; abolito licet, atque in totum cessante*

*Cæsalpinus
quæst. med.
l. 2. qu. 13.*

*Prax. med.
l. 1. c. 8.
§. 5.*

sante omni musculorum motu animali & voluntario dicto ; quinimo jam mortuo bruto, vel homine.

Quidni igitur & motus, *voluntarius* appellatus, dictante animâ, à simili Naturæ energiâ procedat, sine spirituum animalium obstetricatu? Fatentur, motum *restitutionis* in musculis esse *naturalem*: cur non & motus *contractionis* eodem modo peragatur? Quinetiam, si rem rectâ pensemus viâ, spiritus *animales* (si qui essent à *vitalibus* diversi) cordi potius tribuendi fuerint, & *naturales* cerebro; siquidem *animalitas*, ut pridem diximus, propriè à corde proficiscitur.

Quamobrem (ut paucis defungar) ego, præter unum sanguinis calorem, nullos in animali spiritus agnosco. Et cum Scaligero sentio, *animam non egere spiritibus ad motum*. Etenim animæ si opus Exercit. 339. s. 2. est instrumento ad movendum; etiam opus erit instrumento ad movendum instrumentum.

Qui ad Lotophagos navigant, ejus cibi Philostat. de vita Apollon. l. I. c. 24. suavitate capti, domesticarum rerum obliviscuntur. Nos verò, quamvis nihil hîc tale gustaverimus; diutius tamen, quàm oportuit, in his locis conседimus.

Experi-

Animadv.
32.

Experimentum illud Doctoris Croon, pariter successurum novi, etiamsi tunica pulmonum externa perforaretur, adeoque aërem transmitteret: & jam certè avium pulmones pertusos dixi, aëriq; transitum concedere.

Resp.

Libenter credo tibi affirmanti: nec tam hoc adversus ἀπολογίαν à me traditam, multum, opinor, facit. Dum enim transmittitur aer, aliquid sui vicino sanguini dilargiri potest: etiam in transitu premit nonnihil circumposita vasa sanguifera, humorémq; in illis contentum urget sollicitatq; ad motum redintegrandum. Aliàs enim, quâ ratione experimentum hoc tam feliciter exiret?

Instant.

De pressurâ illâ, suprâ à nobis abunde dictum est.

Animadv.
33.

Inspiratio aëris, quam à Doctore Needham in ductum Pecquetianum ais factam, rectius venæ cavæ juxta cor impensa fuisset, si secundum tuam sententiam res sese haberet.

Resp.

Mihi perinde ad rem nostram facere videtur, sive ductui Pecquetiano, sive cavæ,

cavæ , aer immittatur. Quoniam autem aliquid roboris, lucisve majoris sententiae accessurum arbitrari videris, si idem experimentum, pari successu, in cava celebrari possit; scias, id plusquam semel, tum ab aliis (inter quos Malpighius est) tum à meipso quoque præstitum fuisse.

Magnum scilicet & memorabile facinus nobis narras: animalia nempe, prope modum suffocata, ab injecto (in ipso mortis confinio) aëre, vitalem auram recuperâsse. Mirandum sanè magis, illis cum *Atropo*, fatalia abscindente stamina, eam intercessisse necessitudinem, ut ipsum præsentis mortis articulum tam accuratè persentiscerent. Neminem enim latet, inspiratum aërem animalibus (quæ illo semel fruita sunt) ad vitam esse prorsus necessarium. At verò in quem finem is requiratur, aut cui usui inserviat, id nos usque adhuc nescire arbitror. Advocent in consilium omnes ingenii vires, quotquot sese Naturæ consultos arbitrantur; sudabunt, scio, plus satis, priusquam verum *respirationis* usum invenerint.

Instant.

Proh

*Metam. l. 6. Proh Superi, quantum mortalia pectora
 ceca
 Noctis habent ?*

*Tom. 2. pag. 225. col. 2. Ipsa principia nobis ignota sunt ; per
 quæ vivimus. Hoc testari possumus, ait
 Gassendus, marinam testudinem habere
 quosdam asperæ arteriæ ramulos, non in
 pulmonem desinentes, sed ad renes usque
 & vesicam productos. Paritérque notum
 est, aërem (ut dixi) per avium pulmones
 transdari : neque plantas ipsas illius fru-
 ctu diu carere posse. Istæ autem ad
 tuam polentæ in pulmonibus pisturam,
 sive depositionem nihil attinent : eadẽ-
 que facilitate res processerit, si dilatatis
 usque pulmonibus, citra eorum constri-
 ctionem, adeoque sanguinis protrusionem
 ullam, aer in eisdem jugiter insuffletur ;
 quemadmodum supra, experimento in-
 geniosi Hookii apertè constitit. Neque
 cani, (quem memoras) minùs, opinor,
 bona scæva obtigisset ; si, soluto tem-
 pestivè laqueo (constricto quippe etiam-
 num illo, nihil, credo, profecisset) aërem,
 quem Amicus tuus ductui Pecquetiano
 inflaverat, parti alii cuicumque immisisset.
 Sin autem, citra inspirationis operam, id
 contigerit ; ociabantur sanè pulmones ;
 neque,*

neque, sanguinem pinfitando, eundem
(ut alibi voluisti) in spumescentiam, ne-
scio quam, redigentes, cum succo è *ductu* *Diatrib.*
thoracico adventitio, minutim commisce- *P. 60.*
bant: quod tibi tamen ad hanc rem vi-
sum est prorsus necessarium.

Suspensâ, vel intermissâ aliquandiu in- *Animadv.*
spiratione, pulsus tamen eodem modo *34.*
sefe habet, atque antea; aut me mei
sensus fallunt. In motu tamen citatiore,
aliâve validiore exercitatione, aliter fit.

Illud aliquandiu te fallere potuit, ac *Resp.*
fortè fefellit. Ego enim non rarò mihi
videor observâsse satîs accuratè, pulsum, in-
spiratione diutiùs intermissâ, aliquanto
minorem fieri; eâdemq; repetitâ, mox so-
lito majorem. Nescio tamen, an pulsus
tuus, meûsq; pariter constent, aut sensibus
meis tui omnino respondeant: interim illud
scio, malle me (quod de peregrinantium
historiis dici solet) alteri credere, quàm
nimis diu atque frequenter hanc rem expe-
riri.

Si ad tuam normam cordis micatio *Instant.*
fieret; deberet equidem ab intermissâ
tantisper inspiratione, pulsatio ejusdem
suspendi. Ego verò sæpe, ad viginti at-
L que

Plin. l. 10.
c. 22.

De generat.
c. 11.

que ampliùs cordis pulsus, spiritum inhibui; nec tamen pigriore lapsu sanguinem fluere animadverti. Nolim profectò, periculum ulteriùs faciendo, *anserum more, contumaciâ mori, spiritu diu nimis revocato.* Nève istuc mihi uni contingere existimes, habeo suffragatorum idoneum, *Lambertum Velthuisium:* *Notatu, inquit, dignum est; in respiratione, cordis systolen & diastolen eundem rhythmum observare; sive ad tempus à respiratione voluntariè cesses, sive respirationem consuetò modo secundùm Naturæ institutum peragas.* Addo, ranæ corculum, etiam abscisso cono, perpetim pulsare; etiamsi post decem duodecimve systolas, vix guttula sanguinis emanet: nec minùs diu micare exemptum è corpore, quàm integrum exectum in aliis solet. Et tamen rana non solùm branchiis, sed & pulmonibus veris privatur: adeòq; (cùm respiret) beneficium, quod animalia ab inspiratione nanciscuntur, haud cordi peculiare est.

Animadv.
35.

Ego quidem arbitror, in hydrope ascite, verè sic dicto, semper ulcusculum aliquod in glandulis, vel vasis lactigerulis adeste, per quod succus nutritius perpluit; indèq; morbum esse incurabilem.

Si

Si sese res sic habeat, Hydrops ascites, Resp.
 verè sic dictus, varius, quàm vulgò creditur, contingit. Existimaverim hunc morbum, ex ruptis lymphæductibus (in hepate præsertim, ubi frequentes occurrunt) nonnunquam oriri, unde suppar diluvii periculum, imminet, ac sanitatis restituendæ desperatio. Novi tamen quosdam, qui ab omnibus Ascitici judicabantur, felicissimè sanatos.

Mihi perinde est, siue *lymphæductus* Instant.
 in hepate (quos tamen haud plures illuc, quàm alibi, consitos reperias) siue *hydrides* in ejusdem ambitu rumpantur; dummodo non à debilitato solùm hepatis tono (ut vulgò creditur) sed ab unitatis solutione, hydropem gigni intelligas. Visæ autem mihi sæpe, in hoc morbo, glandulæ in mesenterio *abscessu* laborantes: certo documento, succi nutritii debitum motum intercipi. Cujusmodi *asciticos*, si aliquando felicissimè curaveris, *χρυσὸς φασιν ἐν Ὀλυμπίᾳ σάθῃ.* Lucian. in Pseudoligista.

Eadem respirandi difficultas in *ischuria* contingit; ubi tamen sanguis à ferossâ Animadv.
 materiâ nimium diluitur. 36.

Resp. Serosâ illâ materiâ, non ritè à sanguine separatâ, fit ille ad motum ineptior ; vapescit enim quodammodo nisi, à suis recrementis subinde repurgetur, solutâ crassâ debitâ : unde mirum non est dyspnœam subnâschi, sanguine, per cor atque pulmones, agrè circuitum suum exequente. Quid ? Hâc ratione cerebrum etiam genûsq; nervosum malè mulctari solet, quod respirationi tandem variis modis incommodat, ut ex jam dictis intelligi potest. Denique forsân aer non tam facîle sanguini commiscetur, aquosâ materiâ nimium diluto.

Instant. In Diatriba, spirandi difficultatem à sanguinis crassitie ac faculentia arcessebas ; nunc verò eandem culpam tenuitati sanguinis transcribis. Nimirum acribus ingeniis, & quibus in pectore est multum aceti, quidlibet ad stabiliendam eorum sententiam inservit. Fatendum quidem, sanguinem, à copioso sero dilutum, gignendis spiritibus vitalibus fieri minùs idoneum : eundem autem propterea ad motum quoque ineptiorem reddi, nequaquam concesserim : multò minùs, aërem non posse æquè facîle aquæ, atque sanguini, commisceri ; cùm illi semper aëris aliqua portiuncula inhæreat. Neque etiam

etiam *cerebri*, aut *nervosi generis* operâ
ad hanc rem quicquam opus est.

Mihi haud satis constat, chalybeata Animadv.
sanguinis effervescentiam instaurare. 37.

Videtur illud inde satis constare, quòd Resp.
in Chlorosi, aliisque affectibus, tam profi-
cuum plerumque chalybeatorum usum ex-
periamur: hinc enim & fluidior fit san-
guis, & incalescit; adeoque imbellium vir-
guncularum ora, genæque, quas pallor in-
fecerat,

(Tingit ut afflatas sulphuris aura Ro-
sas.)

iterum purpurascunt; quin & hinc iisdem
respiratio faciliior fit, & excutitur ille tor-
por ac segnities, ut hilares alacresque postea
suis exercitiis defungantur. Quæ sanè
omnia sanguinem ritè fermentatum, &
pristinæ suæ puritati ac nitore restitutum
satis testantur. Præsertim si illud addi-
deris, etiam, chalybis usu, ætaphræa pro-
moveri.

Libens dederim, chalybeatorum usum Instant.
in obstructionibus variis plurimum pro-
desse: istuc autem, ob excitatam san-
guinis effervescentiam, sive fermentatio-
nem,

nem, contingere : non , nisi invito, extorseris. Nam cùm fermentatio omnis ab acido , vel non sine eo , proveniat ; chalybs acorem omnem compescit , atq; effervescentiam inde natam extinguit.

Animadv.
38.

Nescio sanè quid velis per *osseum operculum* piscium branchiis adjunctum.

Resp.

Velim, partem eam levem latamq; (éstq; ossea planè) quæ radios illis semicirculis incumbit ; quam tu fortasse branchiarum nomine includendam censēs. At non ego primus eandem his vocabulis designavi.

Instant.

Osseum tuum operculum branchiis non incumbit, verùm iisdem substernitur : neque earum hiatus operit, sed radios semicirculis stabilem sedem præbet : nulum autem propellendo sanguini adjuvmentum adfert.

Animadv.
39.

*Viæ illæ, quas memoras, in embryo-
ne, transferendo sanguini extructæ, luculenter docent, sanguinem solummodo calefaciendorum pulmonum gratiâ, illos postea permeare ; nè scilicet à frigido aëre, illos jugiter percellente, obrigescant, & gangrænæ periculum subeant : cujus rei in foetu nihil est periculi, cùm aërem*

aërem ejusmodi nec dum admittant : sanguinis tamen nonnihil eorum quoque pulmones pertransit , nempe iis refocilandis destinatus ; quemadmodum & cordi ipsi ab arteriis coronariis usu venit. Non tamen id inde constat , quia nutriuntur , augescunt , & saturatâ penè rubedine tinguntur , ut ais ; pallescunt enim ob parcum sanguinis subsidium , & aliunde nutriuntur , à succo scilicet albugineo. Quod in foetus corde usu venire jam diximus , simile quid etiam in hepate contingit ; nam sanguis , per venas umbilicales refluus , hepar maximam partem non perlabitur , sed per canalem venosum , è portâ in cavam transmigrat.

Non docet illud omnino , nedum luculenter , uti mihi videtur. Nascentibus enim foetibus , aut saltem natis , sanguis pulmones permeabit , licet circumfusus aer satis calidus fuerit , adeoque nullum obri-gescentiae aut gangraenae periculum subesse possit. Alibi cavendum existimabas , nè pulmones à jugi aeris influxu , calidique sanguinis permeatu nimis exarescerent : nunc , in contrariam partem versa curâ , vereris nè gangraenae periculum subeant. Sed utrinque satis cavetur , ab illo ipso sanguinis permeatu ; quanquam id obiter &

Resp.

quasi ἢ ὁπρὲς fiat , non ex intentione
 primariâ : tantum abest , ut solummodo
 illud agatur. Periculis enim ob stare καὶ
 δυνάμεν σῶσθαι Natura solet. Non miror
 autem te , qui sanguinem nusquam nisi ca-
 lefaciendo duntaxat corpori inservire
 arbitraris , eidem etiam in pulmonibus nu-
 triendi facultatem adimere. Illud mirari
 licet , quomodo gangrænæ periculum eva-
 dant illa animalia , quorum sanguis planè
 friget , si tactûs nostri judicio standum
 sit ! Quâ fide refocillandi munere fungi-
 tur in illis , quod solum ei , ex tuâ senten-
 tiâ , demandatum est ? Verùm ego sanguine
 nutrirî pulmones arbitror , tam ante , quàm
 post partum. Nutricatûs hujusce ratio-
 nem patefecit Ruischius , qui arteriam bron-
 chialem , aortæ traducem , nobis ostendit ,
 totos perreptantem pulmones , sanguinisq;
 quantum satîs est illuc apportantem , eodem
 fere modo , quo cordi per arterias corona-
 rias prospectum est. Nam quod ad flumen
 illud sanguinis attinet , quod à fœtûs na-
 tali , tum cor , tum pulmones pertransit ; id
 non privatim alterutrius partis , nutrimen-
 to , sed corporis universi commodo desti-
 natur. Porro , hepar etiam sanguine nu-
 triri , tam clarum est , ut illius parenchyma
 nihil aliud esse plerisq; videatur , quàm
 quoddam sanguinis coagulum. De ana-
 stomosi

stomosi autem illà, quam canalis venosus, in hoc viscere quoque, constituit, nihil impræsentiarum à me dicendum erit; cùm illius rationem atque usum alii satis accuratè declarâsse videantur.

Cujus animo semel infedit pervicax Instanc.
opinio, non facilè patitur, argumenta, quæ in contrarium adducuntur, æquâ rationis lance perpendi; sed quicquid est obvium, in sententiæ suæ confirmationem trahit.

Omnis aer, pulmonum calori comparatus, frigidus censendus est; & qui plusculum calet, respirationis fini ineptior redditur. Imminet profectò pulmonibus ab aëre duplex incommodum: nè scilicet, ab illius perpeti ingressu, & refrigerentur nimium, & ultra modum arescant. Huic malo succus sive ros tenuis, per nervos exudans, præcavet. Atque huic sententiæ favet *Malpighius*: *Interna tracheæ superficies*, inquit, *levi oblinitur humiditate*; quæ necessariò propagari debet (eâdem servatâ proportionè) in orbiculos, ubi aer postremò recipitur & excluditur, nè calore pertransientis sanguinis (aëris ingredientis verberare potius) exsiccentur, (tenuissimæ enim & rarissimæ sunt membranae) & ut possint in majorem molem dilatari,

*De pulmon.
epist. I.*

dilatari, & statim etiam comprimi. Alterum damnum nè contingat, à sanguinis calentis jugi influxu provisum est. Atq; hunc Naturæ, in traducendo per pulmones sanguinem, primum scopum arbitror. Dixi, fateor, (nec dictum muto) sanguinis unicum officium mihi videri, ut calore suo (quem tu, aliq; spiritum vocatis) totum corpus exhilaret, muniq; in eo obeunda expediat; idq; etiam in omnibus sanguineis animalibus: quorum sanguis si planè frigeret, actum sanè esset de spiritibus tantopere celebratis. Ac propterea ad tactûs nostri iudicium hæc res neutiquam referenda est. Tu verò, veteris sententiæ tenax, pulmones tam ante quàm post partum, sanguine nutriri autumas: eâ potissimum ratione motus, quòd arteria bronchialis totos pulmones perreptet, sanguinisq; quantum satis est illuc apportet; eodem ferè modo, quo cordi per arteriam coronariam prospectum est. Imò planè consimili; ut nempe exteriora quoque cordis benigno sanguinis foco foverentur. Quid enim, an non satis sanguinis nutriendis pulmonibus per arteriam pulmonariam allabitur, ut aliis quoque à bronchiali vectigalibus opus sit? Num interiora etiam cordis à coronaria victum quæritant, ad quæ ta-
men

men illius sanguis neutiquam pertingit?
 Et quamobrem, obsecro, cor & pulmo-
 nes soli, ad *flumen*, quod illos perlabitur,
 potatum non eant; perinde atque reli-
 quæ omnes partes ad idem *flumen*, per
 arterias delatum, pitissatum veniunt?
 Neque in *hepate* res clarior est; per quod
 sanguis copiosè traducitur, ut illius operâ
 à bile defæcetur: ablato autem prorsus
 sanguine, quod reliquum est obscure
 subalbicat.

Si calor maternus quicquam auxilii Animadv.
40.
 adfert, tum & balneum tepidum respira-
 tionem plurimùm adjuvaret, & aer cali-
 dus, non minùs quàm frigidus prodesset.
 Vasa umbilicalia quod attinet, nè gut-
 tula quidem sanguinis aut alterius hu-
 moris, à matre immediatè ad ea defer-
 tur; sed sanguis in embryonis corculo
 efformatus, & ad placentam foëtûs (nam
 duplex est, alterâq; ad uterum spectat)
 calefaciendis iis locis pertingens; per
 venam umbilicalem redux, ad cor denuò
 fertur; nequaquam autem illius nutri-
 tionem inservit, quæ solummodo per os in-
 stituitur; delabente nempe intra amnion
 humore illo, quem fluidissimum & ad
 unguem præparatum appellitas: cùm ta-
 men sit merus succus nutritius, per ner-
 vos

vos ad uterum delatus; qui aliter, nutriendæ matri inserviiſſet. Neque enim duriora ac robuſtiora corpora, denſioribus ſtatim ſuccis nutriuntur: ſed ipſamet ſui roboris auctores ſunt; quemadmodum plantæ robuſtæ tenellæque, ab eâdem pluviâ aluntur.

Reſp.

Libenter audio te, Cl. Vir, hoc loco pulchrè philoſophantem, nec tamen auſculto. Verùm licèt ſententiam tuam non amplectar, elegantiam tamen atque acumen (quæ tibi ſerè propriæ dotes ſunt) non poſſum non deoſculari. Ac tu quidem tibi conſtans, ſanguinem, cui priùs in adultis corporibus nutriendi munus ademerat, etiam in embryone ab eodem officio nunc arces. Ego vulgari ſententiæ, tanquam ſcopulo, affixus, rationum, quæ tibi contrariam ſuadent, vim, vel nondum video, vel non tantam ſentio, quanta mihi commovendo par ſit; ſive ea ſit ingenii mei tarditas, ſive hebetudo. Cæterùm ſingula paucis expendam.

Instant.
Philoftrat.
in vit. So-
phiſt. p. 546.

Aloades, poſtquam Martem in vincula conjeciſſent, eidem ſacrificabant. Tu me ſimiliter, dum argumentorum laqueis irretitum is, dictis deliniſicis demulceſ.

Calor

Calor maternus *illud* auxilii adfert, Resp.
quòd sanguinem embryonis fluidum præ-
stet, ejusq; calorem tueatur, unde & cir-
cuitus ejusdem quoque promovetur. Quanti
autem momenti hoc sit, in utrisq; cernitur,
tam oviparorum, quàm viviparorum fœ-
tibus; idq; à nobis in tractatulo præce-
denti, sub initium satis expositum est, &
alibi non semel, pro re natâ.

Nemo negaverit, calorem vitæ muniis Instam.
exequendis prorsus esse necessarium.
Num autem existimas, sanguinis tempe-
riem atque consistentiam unius diei mo-
rulâ tantopere immutari posse? Heri,
dum fœtus in utero permansit, respira-
tione nihil opus erat: hodie, postquam
in lucem prodiit, sine illa non vivitur.

Resp.
Illud nunc attexam; Quandoquidem
embryones non respirant, halitus illi vapo-
résq; qui ab adultorum sanguine, respira-
tionis ope secernuntur (quorum copiam su-
prà putavimus) intus manentes, & san-
guini commisti, eum fluidiorem efficiunt;
ut modico impulsu faciliùs circumrotari
possit.

Scilicet

Instant. Scilicet instar laternarum chartacearum : quarum lateribus affixæ imagines, à candelæ fumo circumducuntur. Etiam si autem concessero, ejusmodi halitus vaporésq; sanguini Embryonis commisceri, (quod tamen mihi, ob rationes antehac dictas, minùs verisimile videtur : nullus enim in còrde calor torridus, sed mitis & comis reperitur ; nulla illíc lignorum carbonúmve strues, quæ fumosas nebulas eructet) cupiam tamen mihi à te edisseri, quibus adminiculis illi motum sanguinis, pigro aliàs lapsu fluxuri, accelerent.

Resp. *Quòd si idem quoque in corporis habitu contingat (utì mihi verisimile impræsentiarum videtur) illud sanè ad rem eandem non parùm contulerit.*

Instant. Quo pacto id in rem tuam faceret, haud satis perspicio.

Resp. Jam itaque quod arbitraris hinc sequiturum, balneum tepidum respirationem plurimùm adjuvare ; non video consequentiæ necessitatem : in embryonibus enim (ut dixi) calor maternus partim respirationis loco est ; in adultis, externo calore minùs opus est ; & si esset, eorum sanguis fibrosior

fibrosior crassiorque, non tam levi momento impelleretur; quanquam & hic à frigore vehementiore nonnunquam usque adeò congelascit, ut circuitu suo non defungatur. In anhelosis, balnea tepida, ob sublato inde vapores pulmonibus haustos, respirationi magis obstant, quàm tepore suo queant prodesse. Porro calidus aer non, opinor, noceret, nisi is plerumq; esset impurior, ob telluris ἀναθυμίασιw solitâ copiosorem, similémve aliquam rationem; nec frigidus quicquam faceret ad commodiorem respirationem, nisi plus nitrosarum particularum secum advehere soleret.

Sanguis in adultis fibrosior, adeoque, Instant.
ob crassitiem, ad motum segnior, uberiorem calorem exigeret; quo, ceu stimulo, ad metam festinantiùs properaret. Nec causam satis idoneam video, cur vapores è balneo sublato, & à pulmonibus hausti, sanguinis impetum sufflamina-
rent; siquidem illi *fætus* sanguini commisti, ejusdem circuitum adjutabant. Quid si autem ocludatur balneum, relicto solùm ei, qui illo utitur, libero anhelitum ducendi spatio: censésne sanguinis motum expeditiùs processurum? Profectò calidus & vaporosus aer eo potissimùm nomine culpandus venit, quòd
nitri

nitri virtute destituatur ; cujus potiundæ ergò , respiratio præcipuè à Natura instituta est.

Resp.

Dispiciamus nunc quid de vasis umbilicalibus statuendum arbitreris. Ac primò quidem à Doctiss. Whartono (lib. de Gland. c. 35.) olim edoctus, nullas inosculationes aut commissuras inter uteri vasa, illaq; fœtus umbilicalia, proindèq; nihil sub specie sanguinis illinc ad hæc deferri, tecum libenter agnosco. Placentam etiam duplicem esse ab eodem didici, cujus altera medietas ad uterum pertineat, ad fœtum altera. Hactenus probè consentimus. At verò sanguinem embryonis tantum itineris per arterias umbilicales emitti, ut solummodo calorem refocillandis iis locis apportet, indèque, relicto quasi stimulo suo, vacuum, nullisq; spoliis onustum per venas remeare, mihi profecto nequaquam vero consentaneum videtur. Calefacit ille quidem ea loca, sed & calefaciendo liquefacit ac fundit humorem à matre exundantem, quò fluidior factus atque spirituosior (ut sic dicam) in venas transeat, sanguini reduci confusus. Placentam nempe colli vicem ac munus obire arbitror, quo succus alimentaris à sanguine materno, per arterias illuc delato, secernitur ; eâdem ferè arte

arte modòque, quo lac, *mammarum* ope, ab eodem sanguine separatur. Neque tamen negaverim aliquid spirituosì laticis per nervos illuc etiam appellere. Sed & ille ipse latex è sanguine primùm prolectus est ac delibatus. Non itaque concedo, fœtus nutritionem solummodo per os institui: imò, partem alimenti multò majorem per arterias maternas advehi, mihi (cum Harveyæ) verisimilius videtur. Cujus rei fidem facit illa arteriarum, cùm gestationis, tum lactationis etiam tempore, intumescencia (quod à Cl. Needhamo animadversum est) neque enim hoc à menstruis retentis fieri; inde arguitur, tum quòd etiam in brutis animantibus (quibus illa non fluunt) idem contingat; tum quòd in muliere, cui inter lactandum subsistunt menses, vasorum uterinorum amplitudo non aucta reperitur; cùm tamen mammarie tunc temporis intumescant: manifesto satis argumento, succum alibilem, & quidem copiosum, per arterias illuc deferri.

Dic fodes, quibus spoliis onustus sanguis, longius iter à corde ad calcem emensus, in nobis recurat. Natura, in necessariis operæ non parcat suæ. Succus ille alimentarius, à matre profectus, jam liquidus evasit, & porrò in itinere colli-

Instare.

M

quatur.

quatur. Quod etiamsi absque calore non contingat, videtur tamen membranarum ope ea res potissimum peragi. Videmus enim, piscem grandiusculum in lucii alteriusve piscis (quibus vix paupertinum calorem concessisti) gulâ hærentem, non secus quàm in ventriculo, in mucum paulatim contabescere. Nec magis succus ille in matris placenta à sanguine secernitur, quàm lac in mammis ab eodem separatur. Est nempe, ut diximus, alterius generis; oportetq; ventriculum ingrediatur, & cor subeat, priusquam sanguinis naturam induat. Nihil, inquam, à matris placenta exstillans, ad foetus nutritum per venas umbilicales diditur; verum omnis ille nutritius humor in *amni* cavitatem depluit, unde ab embryone per os assumitur. Aliter enim si foret, sanguis per venam umbilicalem redux, præ illo, qui per arterias fertur, albesceret. Credebatur quidem olim, chylum, simul ac portam hepatis intraverit, juris municipalis participem fieri, moxq; in sanguinem facessere. Postquam verò ea sententia exolevit, nequeo causam ullam comminisci, cur succum nutritium, à matre depromptum, unà cum sanguine ad *hepar* deferri, tam præfractè volueris. Condonandum quidem

dem clarissimo *Harvæo*, si *loca avia*, nulliusq; antè trita solo peragrans, alicubi cespitaverit. Ait nempe, *carneam molem in bisulcis animalibus spongiosam esse, ac, favi instar, infinitis acetabulis constare; eadèmq; mucoso albumine repleri*: (quod quidem verissimum est) atque inde *vasorum umbilicalium fines nutrimentum haurire, quod in fœtum transferant; quemadmodum in jam natis animalibus, venarum mesentericarum ramuli, per intestinorum tunicas diffusi, ex illis chylum absorbent*. Istuc verò nemo hodie concesserit; postquam constitit, chylum omnem in vasa lactea, non autem immediatè in venas sanguiferas, transmitti.

Quod autem de arteriarum *intumescentiâ* subnectis, speciem magis solidæ rationis, quàm vim, obtinet. Quod enim *mulieri, cui inter lactandum menses restitant, uterinorum vasorum amplitudo non aucta reperiatur*; fit id, quia à lactis ubertate sanguinis penus defraudatur. In mammis verò arteriæ plusculum tument, quòd à lactis copiâ venæ retroduges coarctentur. Idèmq; in hæmorrhoidibus, atque ophthalmiâ usû venit, ob denegatum sanguini solitum transitum; quòd vasorum orificia, à vicinis stagnantibus humoribus, vel comprimantur, vel

oppleantur , adeóq; sanguis ex arteriis in venas commodè remeare nequeat. Non autem intumescencia hæc documento est , uberiorem sanguinis proven- tum tunc temporis aliunde in arterias omnes adventare.

Resp. *Quòd verò tu, succum nutritium intra amnion delabi, statuis; utinam nos edocuiſſes, quâ viâ delabatur: est enim nodus ille te vindice dignus, si perſtes in hac ſententiâ.*

Instant. Quoniam id expetis, nolimq; tibi ul- lum commodum in me claudier, conabor paucis dicere, quid eâ de re ſentiam. Quemadmodum plantarum ſemen terræ, ſic in animalibus, conceptus utero manda- tur. Atque ut illic germen proprio ſucco, ſive pulpâ adnatâ (in quam radículas ſpargit) alitur; donec, factô jam incre- mento, abſumptóq; ferè domeſtico penu, rupto cortice, radices ulterius in terram agit, ut inde alimentum neceſſarium quærat: ita pariter conceptus, utero nec- dum connexus, ſat nutrimenti apud ſe habet, unde initio ſuſtentetur; factâ autem ejuſdem penuriâ, formatóq; jam foetu, Chorion (ultimum illius tegmen) fibras ſuas carneas, ſive carunculas, utero matris,

matris, ceu terræ, ingerit ; ut inde succum sibi alimentarium depromat. Nimirum per utrunq; cornu (de *vaccino utero* nunc loquor, utpote conspectu clariore ; éstq; ferè par ratio in cæteris) plurimæ glandulæ, sive carneæ moles, placentularum vicem obtinentes, & substantiæ teneritudine testiculum agninum ferè referentes, sparsim disseminantur : quæq; inter illas à fœtu occupantur, intumescunt adeò, ut crassitudine suâ ovi gallinacei dorsum facilè æquent ; multisq; cavernulis, sive cotyledonibus donantur ; quas totidem carunculæ, sive papillæ perforatæ, è *Chorio* oriundæ, subeunt : dum aliæ glandulæ, quas carunculæ illæ non adeunt, exiles & strigosæ remanent, vix pisi aut coriandri seminis magnitudinem excedentes. E glandularum itaque illarum spongiosarum ac tumantium acetabulis, *Chorii* papillæ concavæ succum nutritium (non autem sanguinem, uti olim creditum) exhauriunt, quem mox in *Chorii* atque *Amnii* intercapedinem deponant. Inde verò mox succus iste per *moleculas*, sive *verruccas* molles, exiguas, albidas, subrotundas, *amnio* passim innatas, inq; illius parte inferiore plusculum protuberantes ; pérq; tenues & oblongas hiantes papillulas, ubi

idem *amnios* funiculum umbilicalem ambit, transcolatus, in *amni* cavum delabitur. Idq; ita fieri, digitorum levi compressu facilè conspexeris. Ac propterea

Plutarch. de
placit. Philo-
soph. l. 5.
c. 16.

In Diatri-
ba.

Democritus & *Epicurus*, foetum non solum per os nutriri existimârunt; sed & utero, in eum finem, *ubera* attribuerunt: fortè *asperitates* & *tubercula* jam dicta *mammarum* nomine appellantes, quòd inde lac tam promptè emulgeatur. Malè itaque discrimen instituisti inter liquorem albugineum, per hepar uterinum transudantem, & humorem purissimum in *amnio* contentum. Succus enim lacteus, qui in *amnio* reperitur, priùs ex hepate uterino defluxerat. Nec causam ullam comminisci queo, cur humoris hujus vicinitas, respirandi necessitatem magis tollat, quàm *sessio in balneo*.

Interea tamen venæ nullam huic operæ opem adferunt. Nutritur foetus in utero ante nata vasa umbilicalia; aut saltem priùs, quàm illa longitudinem eam indepta fuerint, quâ ad placentam uteri pertingere queant.

Anat. l. 1.
c. 31. pag.
366.

Argumenta autem Cl. *Diemerbroeckii*, quibus probatum it, *foetum umbilicali quoque sanguine nutriri*, haud magno negotio diluuntur. Primò, Nego enim, vasa umbilicalia in uteri placentam aliter inferi,

inferi, quàm prout *Chorii* carunculas comitantur. Nihil verò sanguinis materni in ea transfertur ; imò nè comprimendo quidem placentæ *cotyledones*, quicquam inde sanguinis emulseris ; sed exstillat solùm lacteus humor ; qui in *papillarum cavitates*, ut diximus, non autem in *venas umbilicales*, trajicitur. Secundò, Haud plus sanguinis per venam umbilicalem è foëtûs placentâ refluit, quàm illuc per utramq; arteriam delatum erat. Tertiò, Poteſt foëtus æquè commodè paulò ante partum per ſolum os nutriri, atque ſtatim poſt partum id fieri certò conſtat. Præcipuè cùm notum ſit (ſi id alicujus momenti fuerit) utrobique tam in foëtû, quàm in adulto, chylum, per ductum thoracicum tranſſatum, ſanguini per ſubclaviam remeanti commiſceri.

Denique (quicquid tu dixeris) plurimum intereſt, quo nutrimento quodq; animal, ſive ſpeciem, ſive robur, ſive ætatem ſpectēs, utatur : neque enim omnibus omnia convenire, tam ratione, quàm experi-entiâ docemur. Plantæ tenellæ, ſi cælum inclementius fuerit, injurias tempeſtatum, cum noxâ ſuâ, perſentiſcunt ; quas robuſtiores etiam ſentiunt, ſed faciliùs ferunt, atque illæſe. Nam pro tempeſtatibus anni

Reſp.

mutatur nutritius plantarum apparatus. In eâdem pluviâ datur alimenti delectus, atque illud per cujusq; plantæ poros adigitur, quod commodius transmitti potest; interimq; dum transmittitur, transmutatur. Idem in animalibus usu venit. Cavemus itaque, nè cibis densioribus infantum corpuscula nutriamus (si modo illi nutrimenti loco habendi sint) Naturâ monstrante viam—— quæ mensam purissimam, escâsq; summo ingenio præparatas embryonibus apposuit; quas, dum grandescunt illi, pari gradu, similiq; arte curavit immutandas.

Instant.

*Est, fateor, alimentorum, pro cujusq; naturâ, habendus delectus; neque omnibus pariter idem victus convenit. Ideoque iis, qui teneræ constitutionis sunt, cibis ^{ευχολῶς}, boni succi, & concoctu facilis congruit. Estq; id etiam plantis commune: ac propterea *adiantum*, tenuissimarum stirps tota partium, tenuissimis, purissimisq; gaudet fontibus. Olera verò, quæ impurioris sunt substantiæ, sordidioris quoque magis adjuvantur alimento; quare & permistâ fimo aquâ, & post pluvias, etiam alioqui fecundissimas, stercualibus irrigari aquis desiderant, utpote quæ pinguius præbere alimentum soleant. Non tamen*

*Costæus de
univ. vers.
stirp. nat.
l. 2. c. 9.*

tamen id tantopere à pororum vario dimensu usu venit, quàm ab *Archæo* ; sive principio interno , cuncta diversimodè modulante : cujus opèrâ (ut verè prædicas) succus , dum *transmittitur*, *transmutatur*.

Putavit quidem *Harvæus* , foetum in *Animadv.*
 utero primùm per vasa umbilicalia , de-^{41.}
 inde per os nutriri ; at certissimum videtur, embryonem , etiam ab initio, humore solùm intra *amnion* collecto , per os ali.

Ego verò Cl. Harvæi vestigiis adhuc insistentum arbitror (utì vidisti) interim te sequi paratus , quodcumq; contraria sententia tam mihi manifesta fuerit, quàm ea tibi certa videtur. Resp.

Quî possit foetus ab initio per vasa *Instant.*
 umbilicalia nutriri ; cùm, existente tunc copioso lacteo humore, vasa illa necdum extructa sint ; & confecto demum hepate uterino, illius refocillandi ergò, illuc vorsum crescendo prorepant ? Quamobrem verisimilius videretur, eundem jam formatum, & grandiusculum factum, per ea vasa primùm ali : quod tamen non fieri, satis, opinor, jam dictum est.

Miror

Animadv.
42.

Miror te *Alcmæonis* sententiam amplecti, nutritatúmque ex parte per cutim fieri posse, arbitrari! Ita mulieres aliquando (teste *Dominico Sala*, de alimentorum rectâ administratione, *cap.* 28.) ut gravidas à periculo abortûs vindicent, imminente propter nimiam abstinentiam, à cibo; externæ ventris regioni cibum optimum benéque præparatum, in modum unguenti applicant; credentes, posse nonnihil ab internis partibus attrahi, quò in extremâ penuriâ alantur. Cùm tamen cibus corpori nutriendo inidoneus sit, nisi in ventriculo præparetur, & ab inutilibus segregetur.

Resp.

Ubiq; facundus, *hic etiam* facetus es, *Digniss. Vir.* At ego nec *Alcmæonis* sententiam, neque *Salæ* tui mulieres illas, aut ullas, amplector; proindeq; miror magis te, ex tam levi indicio, hoc de me suspicari! Verùm neque tu inficias iveris, opinor, aliquid per cutim in vasa capillaria transire posse, adeoq; sanguini commisceri. Credo te (in praxi Medicâ feliciter ac diu occupatum) fortuū usum non rarò imperâsse; (putâ, dum scirrhusis tumidisq; abdominibus opem adferres) dubitâsne igitur, an aliquid eorum per cutim in vasa sanguifera penetret?

penetret ? Neque enim sicca, licet calidissima, par beneficium allatura sunt (nè illud soli calori imputandum existimes) nec fomenta poros partium solummodo recludunt, ut halitibus pateat exitus ; nonnulla enim exterius applicita (v. gr. allium, aliâq;) odore suo per corporis habitum insinuato, atque in ipsum os transmissio (ut gustu etiam sentiri queat) hanc rem in adultis quoque fieri posse declarant ; quantò magis illud in embryonum corpusculis concedendum est, in quibus omnia tantò molliora sunt, ac teneriora, magisq; pervia ?

Jocularis tua responsio plus condimenti in se habet, quàm pulpamenti : etiamsi enim non diffitear, ab humidorum fotu cutem, eiq; subjectas partes aliquantùm relaxari, ac tenerascere ; ipsosq; ungues inter sudandum mollescere ; atque etiam allii succum cutis spiracula subingredi : non tamen concessero, cibaria, corpori forinsecus admota, ejusdem nutritioni inservire : non magis certè, quàm arbo-rem, humectis linteis circumvolutam, uberiores fructus producere. Nimirum, ut dixi, oportet cibus in ventriculo coquatur, sive tabescat, priusquam possit subtilia vasa ingredi, atque in alimentum facessere.

Instant.

Simile

Anat. plant.
pag. 62.

In Selenar-
chia.

De respirat.
c. 5.

*Simile quid (inquit Cl. Malpighius) in animalibus fœtibus accidere putabat Alcmaëon; quod nostro etiam sæculo in lucem revocatum vidimus. Per cutis enim poros ichoris portionem subingredi verisimile est: eamq; miscelam, quæ in vena cava & pulmonibus celebratur in infantibus extra uterum, cutaneas venas subintrans humor cum refluxu sanguine molitur. En tibi præclarum suffragatorem! Quid autem jugi ac laboriosâ pulmonum subactione opus erat, cum in venis, refluxente pedetentim placidèq; sanguine, idem contingat? Ita pariter ingeniosissimus Vir Cyrano Bergerac facetè finxit, Lunæ Incolas halitibus, è coctis carnibus effluvis, narèsq; & cutem subeuntibus, nutriri. Eandemq; ob causam, ait, Cocos, etiam apud nos, inter culinæ nidores sæpe diuq; versantes, communiter pinguescere; licèt cibis (quàm alii homines) paucioribus vescantur. Sic in *Timeo* legimus, *Spiritum*, ore efflatum, expellere aërem circumfusum corpori; & quòd is aer nihil vacuum reperiatur, subire illum per raras carnes, ut concaléfactus deinceps effletur: sicq; continuè inspirationem atque expirationem fieri. Quod ab Aristotele meritò reprehenditur.*

Pufillo

Puſillo foetus corpori parum ſanguinis Animadv.
ineſt ; adeoque cum adulto proportionem 43.
reſpondet, ut utrobique par reſpirandi ne-
ceſſitas incumbat.

*Non eſſe parem utrobique reſpirandi ne-
ceſſitatem, experti novimus ; & ſi par
eſſet, utrobique proculdubio reſpiratio pariter
contingeret : neque enim (quod dici ſolet)
Natura deficit in neceſſariis. In embryo-
nibus autem reſpiratio tam neceſſaria non
eſt, ut commoda non ſit, imò non tuta, ac
ne quidem tolerabilis fortasſe ut plurimum
foret.* Reſp.

Id volui ; foetus exilitatem non ob- Instant.
ſtare, quò minus ad ſanguinis circuitum
impulſore aliquo opus ſit. Is autem eſt
motus cordis : cujus operâ ſanguis inibi
æſtuans, perpetuiſque gyris circum corpus
ambulans, conſueta loca reſiſit, repetit
relicta : idque diu, antequam pulmonum
aliarumve partium vel rudimentum ali-
quod conſpicitur : uti in formatione
pulliprehenditur. Tibi verò, in jam
nato infante, id munus *pulmonibus* tri-
buere placuit : nondum tamen rationem
ullam attuleras, cur iidem in foetu ocioſi
degant, nec par reſpirandi neceſſitas
utrobique

De motu &
usu pulmo-
num.

utrobique incumbat. *Alexander Maurocordatus* quidem pulmonum motui tantopere favit, ut fœtum in utero ope pulmonum *matris* respirare crederet. Scilicet, etiam in ovo ! Hem cor *Hippocratis*, hem jecur *Galenii* ! Verùm te dicentem audiamus, videamúsque, quibus argumentis sententiæ tuæ autoramentum quæras.

Resp.

Vis, ut rationem aliquam sententiæ meæ comminiscar ? Age itaque, quod mihi nunc in mentem venit, adjungam, quòdque fortè omnino contemnendum non est. Respiratio, uti nôsti (præsertim verò si vehementior illa fuerit) magni moliminis opus est, neque illud sine cerebri influxu, multorumque nervorum ope peragitur; cerebrum verò nervosumque genus in embryonibus admodum tenera sunt atque imbecillia, proindeque tanto muneri obeundo imparia. Postquam autem roboris plusculum ac firmitatis illis accreverit, paulatim idonea sunt, ut huic operi se accingant; tandèmq; inter nascentium, multis concurrentibus causis, (quarum nonnullas, &, opinor, præcipuas, in solvendo hoc problemate attigimus) fœtus respirationem primò tentant ac moluntur, eaque postea per totam vitam gaudent. Ut omittam dicere, si embryones respirarent, illos.

illos à strangulationis periculo nunquam immunes, alijsq; morbis magis obnoxios futuros, qui à læsis partibus spiritalibus originem ducunt. Optimo itaque consilio comparatum est, ut fœtus non prius aurâ vescatur æthereâ, quàm luce etiam fruatur. Verùm in his rebus εἰς ζῶον δυνάται, καὶ μαντεύμεθα.

Respiratio quidem vehementior ac sublimis, aliquanti moliminis opus est: non majoris tamen, quàm ad fodicandum cubitis, pedibûsq; calcitrandum requiritur; quod fœtibus factitare solenne est. Neque cerebrum ac nervosum genus in embryonibus mox nascendis, magis tenera atque imbecillia, quàm in jam primum natis, conspiciuntur. Imò verò nec ad eam rem eorum auxilio magnopere opus esse arbitror: spirituum enim illud ministerium jam antea explosimus. Credo etiam, cum *Aristotele*, respirationem liberam & lenem, esse motum naturalem, & à corde dependere. In nobis quidem est (ob loquelæ præsertim diversitatem) respirationem modulari; eandem verò diu suspendere, in nostra potestate haud situm est. In *syncope* vix perceptibilis est respiratio; quæ tamen in *apoplexia* manifesta est, & cum stertore. Quoniam
illuc

Instant.

3. De part.
anim. c. 6.
& de respi-
rat. c. ult.

illic cor torpet, & à pulsatione omni propemodum feriatur; adeóq; sanguis non nisi ægrè in pulmones adigitur: in *apoplexia* autem, radix mali est in cerebro; oriturq; potissimùm ab illius plenitudine & infarctu. Deberet autem Natura in *syncope* (modò rerum suarum satageret) spirituum ingens agmen pulmonibus laborantibus opitulatum mittere: & in *apoplexia* necessum foret, omnem eorum com meatum intercipi. Nec satis video, unde majus *strangulationis*, *aliorumq; morborum* periculum immineret, si embryones, nondum visentes luminis oras, *etherèâ aurâ* vescerentur: præcipuè cum constet, pullos intra putamen ovi pipillare; foetumq; interdum in utero vagitum edere.

Certè in hujusmodi disquisitionibus, conjecturâ solùm utimur, tanquam in re creperâ; cavendumq; est, nè murem farinâ aspersum habeamus pro domino pistrini. Verissimum quippe est illud *Scalligeri*; nos in luce tenui caligare; in *mediocri*, *cæcutire*; in *maiore*, *cæcos esse*; in *maximâ*, *insanire*.

Exercit.
131.

Animadv.
44.

Intelligere nequeo, quomodo *radii* longè liberiùs *oleum*, aut *terebinthinam*, quàm aërem pertranscant: si modò a-
quam,

quam, vitrum, aut simile quid permeare dicendi sint ; quod equidem haud libenter concesserim.

Cur autem non concesseris , & quidem libenter, non intelligo ; cū ejusmodi corpora , ob hanc ipsam rationem , diaphana sint, ac dicantur, quòd per illa radii transmittantur , & quaquaversum permeent. Agnoscis, opinor, radiorum, quam vocant, refractionem ; quæ, quomodo fieri possit, nisi illi per diversa media trajiciantur, ego certè neutiquam videre possum ; nisi forte tu aliunde novam aliquam lucem accendere queas. Quod si vel scirem, vel conjecturâ saltem possem assequi, cui hypothefi insistendum arbitreris, ad solvenda commodiùs hoc genus phænomena, anniterer aliquid in contrarium comminisci , nisi mihi etiam arrideret ; nunc autem non libet hariolari, & quod dicitur, ἀσχεπὶ τοῦ εἶναι.

Resp.

Quanam sit vera pelluciditatis causa, explicatu perquam arduum censeo. Materia enim , qualitatesq; corporum diaphanorum adeò inter se dissimiles sunt, ut difficile omnino sit, commune aliquod transparentiae principium astruere. Nam si à perfectâ misturâ, partiùmve consimili naturâ oriretur ; aurum sanè deberet esse

Instant.

N

maximè

maximè translucentum: si ab aquæ præpol-
lentiâ, *glacies* faciliùs lucem, quàm *crystal-*
lus transmitteret. Si verò ab aëris copiâ
id contingeret, spongia, pumex, suber, &
similia maximè perlucere; & *talcum*,
quamvis densum ac terrestre sit, tamen
visui per medium sui transitum præbet.
Plurimi ad *pororum* in rebus diaphanis
rectitudinem confugiunt; quasi corpora
visui impervia sint *συχλιότητες*, obliqua
foramina obtineant. Sic Menjotius: *Dia-*
phanum, propriâ quidem luce destitutum,
propter *ὀρθωτέας τῶν πόρων πλάσεις* & μέ-
23. probl. 8. *γῆρας*, ut loquitur Aristoteles, inanium iti-
nerulorum *rectitudinem*, copiam, & magni-
tudinem, transmittit irrepentem lucem.
Nempe ad mentem Lucretii:

De Mydri-
asi.

—Vox per flexa foramina rerum
Incolumis transire potest, simulacra re-
nutant.

Perseinduntur enim, nisi recta foramina
tranant;

Qualia sunt vitri, species quæ transvolat
omnis.

Attamen radii, in fictitios illos tubulos
sive poros rectos vitri crassioris obliquè
incidentes, non permearent ipsos, sed
potiùs arietarent in latera, multifariâmq;
reflecte-

reflecterentur ; siquidem idem est angulus incidentiæ & reflexionis. Quinetiam rimula in effracto vitro haud translucet, licet in eâdem patentior rectiorq; videatur transitus. Imò verò, in tenebricoso loco versanti, subito oblatum lumen (etiam clausis palpebris) facile percipitur. Quin ipsi digiti nostri pellucet, si modò illos lucernæ propiùs admoveas : & venarum cæruleus color trans cutem conspicitur. Cùm tamen recti ejusmodi meatus in cute effingi nequeant.

Itaque satius fuerit, *pelluciditatis* causam ad corporis diaphani *texturam*, motumq; continuandi aptitudinem referre : quâ sit, ut particulae, à radiis agitatae, eundem inter se ordinem, citra conturbationem ullam, servant ; aëremq; in opposito latere situm similiter percutiant. *Refractio* autem contingit, quando, propter obliquam in medium *diversum ac contiguum* incidentiam, motus eatenus continuatus interrumpitur, atque aliorum deflectitur. Ad eundem ferè modum, quo (navi vento remisve actâ) aqua, clavo impingens, proram in partem contrariam detorquet.

Vin' hoc dicam apertiùs? Radii solares (sintne flammea progenies, ab ardentis Solis globo profiliens ; an solum æther

ambiens, à rapidissimâ Solis rotatione ictus, & quoquoeversum similia corpuscula ad longè remota spatia propellens; non libet jam anxie inquirere) in objectum densum atque opacum impingentes, ob turbatum in illo partium ordinem, motum suum haud propagant; verum resiliunt, geminatum calorem producant. Idem verò in corpus pellucidum (puta *vitrum*) incidentes, à superficie quoque illius aliquantulum reflectuntur; sed & eadem operâ motum consimilem eidem impertiunt; quo fit, ut particulae aëris tenuiores, alteri lateri incumbentes, eodem motu, adq; eandem normam cieantur: ut adeò perinde ferè oculus videntis feriant (licet debilius aliquanto) ac si nihil omnino fuisset interpositum. Ideòq; verè à *Casalpino* dictum: *interminatio luminis, perspicuitatis est causa; terminus autem, coloris.*

Quest. Peripat. qu. 8.

Nam si negotium hoc rectâ pensemus viâ, res in *auditu* consimiliter ferè atque in *visu* peragitur. Aer vitrum non penetrat; & tamen sonus (qui est ictus aer) foris editus, intra cubiculum, fenestris vitreis munitum, exauditur. Idemq; (quanquam obtusius) contingeret, etiam si camera, in qua sis, densò *pariete* circumdaretur; modò tamen sonus fuerit vehementior.

hementior. Nempe vitrum, aut paries
 motus ab externo aëre, interiorē simi-
 liter percellit. Ita pariter sonus, in *trabe*
 longiore etiam leviter percussâ, ad alte-
 rum extremum exauditur. Si tamen
 nodus grandior intercesserit, aut quis-
 quam trabi infideat, aliterve tangat,
 motus is plurimū interturbatur. Nam
 cui loco motus primulū imprimitur,
 idem protinus inde recto filo ad trabis
 finem vividè pertingit; ad latera verò
 non nisi languidè atque undulatum pro-
 pagatur. Sic quoque *cymbalum æneum*,
 à globulò intus latitante percussū, mo-
 tu suo tremulo vicinū aërem agitāt,
 eundēmq; ad aurem propellit. Similiter
campana, quoquo modo icta, sonum de
 se fundit: qui, paulatim cessante motu,
 sensim definit: eadem autem utcunque
 mota, imposito mox digitulo, illico con-
 filescit. Et *cyathus vitreus*, rimulam ali-
 cubi nactus, ob præpeditum liberum mo-
 tum, rauco & inamœno strepitu resonat.
 Imò certè si *arenulis* solummodo obfitus
 fuerit, totidem quasi nebulis obfuscatur:
 quia motus directus atque ordinatus in-
 ibi intercipitur, fitq; veluti vorticosus;
 qualis *pelluciditati* adversatur. Ideoq;
 plurimū hallucinantur, qui existimant,
Sonum nihil aliud esse, quam qualitatem,

*Diemer-
 broeck A-
 nat. l. 3.*

ortam ex aëre vel aquâ, solidorum corporum subitâ & vehementi concussione percussis & fractis, nervûmq; auditorium, mediante aëre insito, moventibus. Quasi verò qualitas aliqua movendo corpori idonea sit. Profectò à solo aëris motu totum hoc negotium perficitur. Neque minùs (ut id obiter dicam) erravit D. Sorel, ubi arbitratus est, nos noctu rectiùs audire, quàm interdiu; quia sonus tunc temporis poros aëris, radiis solaribus depletos, faciliùs perlabitur. Fit enim istuc, quia aer nocte intempestâ, à tumultuantium hominum motibus non interturbatur: non autem, quòd aëris meatus interdiu à radiis solaribus oppleantur adeò, ut speciebus audibilibus vix pateat transitus.

Science universelle,
tom. 2. pag.
30.

Tom. 3. pag.
44.

Neque sanior videtur sententia Gasfendi: Noctu, inquit, voces magis sonoræ sunt, & simul cum magnitudine claritatem meliùs conservant. Motus enim fit per inane, quod interspersum est corpusculis, seu moleculis aëris, quæ sunt ex atomis contextæ: quapropter dum interdiu est calor, & moleculæ hæ rarescunt (quod tamen sine novis spatiis inanibus fieri nequit) diffundunturq; atomi; intercepta illa inania spatiola angustiora necessariò sunt. Dum verò noctu viget frigus, & moleculæ compri-

comprimuntur, constipanturq; atomi, sunt patentiora. Inde fit, ut progressa interdum vox per dilatatum aërem, & incurrens in multa creberrimâq; corpuscula, aut obtundatur penitus, aut discerpatur, & multum variâq; elidatur deteraturque: at noctu, progressa per liberum à corpusculis intervallum, pleno, expedito, & inoffenso cursu ad auditum perveniat; & unâ cum celeritate, claritatem quoque, & distinctionem servet.. Quasi scilicet, præter ipsius aëris motum, qualitas aliqua, aut corpus aliud, inania illa intervalla perreptans, auditus causa sit! Nec melioris farinæ est illud Menjotii: Per noctem melius audimus; De Mydriasis. non tantum ob silentii altitudinem, minoremq; sensus distractionem; sed maxime, quod nocturnis vaporibus paululum spissatus aer sonantiores voces reddat. Unde etiam post diurnas ævæ ejus distinctior sonorum auditio, pluviam nuntiat propediem affuturam. Nempe existimat, refractionem, in auditu quoque, locum habere. Omnino verò ridiculum est, quod Antonius Diogenes, apud Photium, narrat, homines Villæ cujusdam in Iberia, non interdum, sed noctu solum cernere.

Dum Le Maire orbem terrarum obnavigat, oborto fortè prope novam Guineam terræ-motu, nautæ plurimum con-

La Mothe,
tom. 2. pag.
682.

Purchas
Pilgrim.
part. 1. l. 2.
p. 105.

Theodorus
Moretus de
æstu maris,
c. 18.

Dialog. de
Sanguine.

territi , relictis stratis , pavidī per foros
cursitabant ; metuentes , navem *brevibus*
allisam præsens periculum portendere ,
seq; mox Neptuno inferias soluturos :
cū tamen , emissâ bolide , fundum ne-
quirent attingere. *Constat etiam , in*
terræ-motibus Italiae , per Mediterraneum
navigantes , motum terræ percepisse in ipso
uari. Tantum nimirum valet partium
copula , motûsq; continuitas. Ideoq; ri-
dícula est Joan. Carvini sententia , quâ
existimat , *mediam Zonam esse habitabilem* ,
quòd in eâ parte Sol ad motum Universi
velocissimè rapiatur , adeoq; ipsius radii
altius imprimi nequeant.

Radios verò ipsos corpora diaphana
non permeare , hinc quoque evincitur ;
quia , si Soli objeceris phialam rotundam
aquâ illimi , aut aceto destillato plenam ,
res combustilis , in debitâ distantia inde
remota , accenditur. Quod profectò non
fieret , si radii ipsi aquam pertransirent ;
siquidem in eâdem (utpote frigidâ) extin-
guerentur. Et certò constat , vitra ustoria
posse etiam ex glacie confici. Acicu-
la , aut tenuis ferri ærisve bacillus si
flammæ admoveatur , calor digitos te-
nentis citius multò urit , quàm si ligni
frustulo idem facias ; cū tamen ferrum
ligno densius sit , paucioribûsq; meatibus
scateat.

scateat. Non itaque ab ignis per poros transitu hoc evenit ; sed à motûs progressu, qui in arctè compactis corporibus facile perpetuatur.

Verùm ut rem hanc penitiùs paulò intropiciamus ; opinor , visum ad hunc modum fieri. Res quæque cremabilis (*candelam* puta) dum flammulam de se spargit , continuato eodem rapidissimo motu agitat particulas aëris tenuiores, eadémq; sibi proximas , continuato ductu , ad circumposita objecta momento protrudunt ; quæ inde similiter ad oculum resiliences , pro vario objectorum schematismo , sive figuratione , eundem pariter diversimodè afficiunt. Corpora nimirum , quæ intuemur, plurimis minimis variisq; *acetabulis cavernosis* , atque *asspredinibus* sive *protuberationibus* donantur ; radiiq; citiùs ab his , quàm ab illis, ad oculum reperiuntur. Idémq; ferè in *visione* usu venit , quod in *auditu* , à chordarum (in testudine) ulteriore aut citiore interceptione , deprehendimus. Et quemadmodum à *fidium* diversâ *crassitie*, ac *longitudine* , modulatio quoque varia procedit ; sonûsq; magnus, parvus, acutus, gravis, gratus deniq; aut ingratus ad aures appellit : ita similiter radii à diversis objectis (prout nempe
variis

*In Diatri-
ba.*

variis *cavitatibus* atque *prominentiis* constant) reperiunt, oculos vel suaviter demulcent, aut graviter feriunt, aut acriter lancinant : eadēq; hæc discrimina *colores* appellamus ; possintq; commodè ad *sonorum* modulos exigi. Sic corpus album, quoniam (ut, post *Gassendum*, rectè mones) ex *bullulis* construitur ; radios circumquaq; æqualiter reverberat , eorundēq; unitā vi oculum acriter perstringit : dum objectum *nigrum*, ob variam illorum huc illuc intra cavernulas reflexionem , pauciores radios remittit : obq; eandem turbatam partium texturam, nullum corpus pellucidum invenias, quod *nigrum* sit. Quippe nigra corpora, ut dixi, aspera sunt, & inæqualia, adeoq; ad motum rectum atque ordinatum ineptiora ; ac propterea etiam à radiis solaribus, convexi perspicilli ope, facilius accenduntur. *Varietas* autem illa incidentiæ, quæ à rebus diversimodè coloratis oritur, facit, ut radiorum influxum (sive motuum assultus) minore cum molestiâ (imò interdum cum voluptate aliquâ) persentiscamus ; cùm alii citius, alii tardius in oculum incurrant : dum in *albedine* id confertim ac conjunctim fit ; deestq; adeò vicissitudo illa, quæ oculum gratè permulcet.

Hanc

Hanc partium posituram si immutaveris, prodibunt illico novi colores. Sic *crystallus*, si intra cineres calidos paulisper detineatur, perspicuitatem suam irreparabiliter amittit. Et tamen *plumbum* (res densa admodum & opaca) si vehementi igne urgeatur, transit in *hyacinthi* quādam speciem valde tralucentem.

Viginre
du seu &
du sel, pag.
251.

Aqua etiam *fervida* minùs visui pervia est, quàm *frigida*; ob partium scilicet, à calore, turbationem, vaporumq; permissionem. Eadem quoque, ex se *perspicua*, solâ in *nivem* coagulatione opaca redditur; ac solâ rursus in aquam solutione, *perspicua*; ob commutatum partium situm. (*Anaxagoras* itaque sophismate usus est, cùm huic propositioni, *albam esse nivem*, opposeret hanc, *nivem aquam esse concretam*, *aquam autem esse nigram*; igitur & *nivem esse nigram*.) Et *glacies*, pellucida cùm sit, comminutione in pulverem, opaca evadit. Ad hunc ferè modum consiunt vitra crispa sive undulata, quibus Vicinorum ædes fenestrantur; nè, quid in proximo agatur, perspiciant. Per ea enim tenui ac malignæ luci transitus conceditur; nequeunt autem, quid foris contingat, ullo modo dignoscere: ob perturbatum nempe pectinum ordinem; quorum rectitudo pelluciditatis vera,

Gassend.
tom. I. pag.
380.

Sextus Empiricus
Pyrroh. hypot. l. I.
c. 13.

vera, ut opinor, causa est.

De anim.

brut. p. 205.

Willisus credidit, lucem & colores inde fieri, quod particulae quaedam sulphureae, ultra flammæ ambitum protractæ, alias nitrosas in aëre consciscant, ac levius accendant, proindeq; flammam tenuissimam, nempe lucem, producant. Scilicet, ut pulvis nitratus, adhibitâ scintillulâ, vicinum alium inflammat. Atqui hoc pacto metus esset, nè totus circumcirca aer incendio corripereetur. Fit autem istuc solummodo (ut jam sæpiùs dictum) ob motûs, in aëre semel cœpti, continuationem. Nimirum *luminis* ratio se habet, perinde ac si quis omnes testudinis fides plectro vel digito tractim continuatq; ictu vibret: *colorum* verò ratio, iisdem fidibus, diverso digitorum compressu variè interceptis, comparari potest. Ideoq; procul à vero aberrat *Thomas Bartholinus*, ubi ait: *Lumen nivibus insitum, candorq; splendenti commistum, insigni documento promovet æmula stellarum figura, quam sæpe in nivibus cum stupore observavimus, ut cadentes cælo stellas diceret.* Quasi scilicet stellæ figuram illam radiatam naturaliter obtineant, quam rutilantes præ se ferunt. Nix certè eâ formâ constat, quia sale nitroso abundat. Neq; minùs hallucinatur *Willisus*, cùm putat,

Ibid. p. 74.

lucē

luci & aëri figuras varias ab objectis imprimi. Atque ad eandem mentem Gaf- Tom. 3. pag. 43.
sendus : Cùm oculus , inquit , i&ero labo-
 rat ; qu& fieri potest , ut omnia conspecta
 lurida appareant ; nisi quia imagines , in
 ipso sui in oculum appulsu , tinguntur ; aut
 tinguntur etiam extra oculum , dum luroris
 corpusculis simulacrisve , qu& ex oculis pari
 ratione prodeunt , incurrunt ? Sic enim
Lucretius :

Lurida pr&eterea fiunt , qu&cumq; tuentur Lib. 4.

Arquati , quia luroris de corpore eorum

*Semina multa fluunt simulacris obvia
 rerum :*

*Mult&q; sunt oculis in eorum denique
 mista ,*

*Qu& contage su& palloribus omnia tin-
 gunt.*

Est autem error popularis , credere , iis
 (qui morbo regio laborant) objecta om-
 nia colore flavo tincta conspici ; siqui-
 dem tunica cornea vasis sanguiferis ,
 adeoq; & sanguine , destituitur ; cui soli
 bilis ista commiscetur : omnisq; illa ap-
 parentiarum diversitas , à solo motuum
 discrimine promanat.

Sentio autem me nimium à littore re-
 cessisse : quamobrem

Vela

Georg. 4.

*Vela traho , & terris festino advertere
proram.*

Utque rem omnem in pauca contra-
ham ; censeo , radios , à re visâ in ocu-
lum reflexos, ferire pupillam ; motúmq;
in hac excitatum , ob vicinum humorem
aqueum (qui illi duntaxat *contiguus* est,
motúmq; propterea nonnihil interrup-
pit) ad latus refringi ; quod iterum ite-
rúmq; in *crystallino* & *vitreo* contingit:
demúmq; motum hunc tunicam *retifor-*
mem impetere ; indéq; ad nervorum ori-
ginem , sive animi sedem pertingere.
Tunica autem *retina* haud in eum finem
extructa est , quem *Æmilius Parisanus*
lepidè somniavit ; ut nempe imagines &
simulacra rerum ad eum modum captet,
quo pisces in mari fluviisve rete capiun-
tur. Questo nervo optico, inquit, doveva
dilatarsi , abbracciando le parti acquee, e
toniche ; e come reticello (così bene si chia-
ma) per pigliar tutte le specie, che quinci e
quindi guizzano in queste acque , vetri , e
cristalli , per vederle , e ritenerle alquanto.
Hem ! agite, ob tam subtile dictum, δὲ τὸ
κερότον, καὶ μετὰ χροῖν ἡλυστάλε.

Trattato
del Occhio,
e della Vi-
sta, c. 2.

Velthuf. de
generat.

Neque multò sanior eorum sententia,
qui species in oculos lapsas , pingere in eo-
rum

rum

rum fundo suas imagines existimant: cum willisus de
anim. brut.
p. 210.
visio omnis solâ motuum, sive impressio-
num varietate peragatur. Ac propterea
φλαετα mera est, quod de *Tiberio* Im-
peratore, utroq; *Scaligero*, aliisq; narrant,
Eos etiam de nocte vidisse. Non minùs
enim Naturæ legibus repugnat, cernere
absque lumine; quàm moveri rem ali-
quam citra causam moventem. Feles,
noctuæque, vesperi aut noctu venatum
euntes, vel dubiâ crepusculi luce, vel
Lunæ nitore utuntur. In tenebris atris
oculi omnes feriantur. Et licèt illi in-
terdum in tenebris fulgurare, lucémve
de se spargere videantur: fit id solum-
modo, quòd vel à nictatione, aut subitâ
contortione aliquâ, vel digiti frictione,
idem motus humoribus eorum imprima-
tur, qui à forinfecus adveniente corusca-
tione excitari solet.

*Quoniam autem intelligere nequis, ut
ais, vel (quod faciliùs crediderim) intel-
ligere te dissimulâs, quomodo radii longè
liberius, &c. hanc rem, quatenus eam ipse
intelligo, breviter exponam. Corpora quæ
diaphana sunt, sunt etiam ferè homoge-
nea; in hunc censum referimus aquam,
oleum, terebinthinam, aliâq; innumera:
aer ejusmodi non est, atque adedò multæ, &
fortè*

Resp.

fortè pleræque, illius particule radios luminis non transmittunt, sed reflectunt; cernitur hoc in spumâ, nive, linteis, serico, chartis albicantibus, item in corporibus duris diaphanisque, quæ in pulverem redacta albescent. Horum enim omnium albedo, non ab ipsis illorum corporum particulis lumen repercutientibus nascitur; sed à numerosis radiorum reflectionibus ab aëris contiguâ superficie factis. Hoc autem inde manifestum est; quod, si aquâ, vel oleo affuso, pulverum istorum interstitia repleveris, illico multum prioris albedinis tollatur, quemadmodum ab Ingeniosiss. Viro D. Rob. Hook optimè observatum est, Micrographiâ suâ, quam (si placet) consulas.

Instant.

Quid magis *homogeneum* auro, argento, plumbo, Mercurio crudo, aliisque similibus, quæ tamen lucem nullam transmittunt? Aer verò (utî rectè à Gassendo dictum) sive nihil aliud sit, quàm vaporum, aliorumve halituum puriorum contextura, sive absque illis nunquam sit; est omnium nobis familiarium corporum maxime perspicuus: eaq; de causâ, prolixitatem maximam requirit, ut videatur speciem opacitatis induere. Tantùmque abest, ut particule ejus radios luminis reflectant; ut motus earum continuatus sola visionis causa

causâ sit ; quemadmodum jam sæpius dictum est : nisi particularum ærearum nomine , corpuscula in radiis solaribus volitantia intelligas ; quæ quidem ærî commiscuntur , ab ejus tamen naturâ prorsus aliena sunt.

Miror autem magnopere , te rerum diaphanarum albedinem , non ipsis, *sed radiorum reflexionibus* , ab ærîs contiguâ *superficie factis* , transcribere. Cum manifestè constet , aquam (suâ naturâ nigrescentem) si in spumam bullulâsve agitetur , albescere ; quod nempe à convexa harum superficie , radii expeditè , ac multifariam reflectantur : qui si ab ipso ære resiliunt ; non posset quispiam unquam rem paulò remotiorem intueri : quoniam radii semper à proxima ærîs superficie repercuterentur. Et si glacies , aliâve similia , in pulverem comminuta , albescant ; (quâ tamen ratione pelluciditatem suam amittunt) fit illud , quia radii jam à plurimis minimarum particularum lateribus resiliunt. Eorum autem interstitiis postmodum aquâ vel oleo oppletis , de pristina albedine multum deperditur.

Vesiculæ illæ , (quas in ranarum , testu- Animadv.
dinum , viperarum , & paucorum prate- 45.
rea animalium pulmonibus *duntaxat* re-
periri

periri autumo) ab exterioris pulmonum membranæ laxitate obortæ, nihil habent cum bronchiis necessitudinis aut commercii.

Resp.

Non satis capio mentem tuam : dixisti enim supra, ranarum pulmones meras esse vesiculas, & bronchiis destitui ; nunc has vesiculas ab exterioris pulmonum istorum membranæ laxitate oboriri vis ; ac si præter eas aliquid esset ranarum pulmo : nihil autem aliud esse videtur, si vasa sanguifera, nervosq; fortè excipias. Quid ? Nè noster quidem aliud est, licèt fabricâ multum diversâ. Porro, illud non indignum est observatione tuâ, quod expertus narrat Malpighius. Ligatis (inquit ille) auriculâ & corde (de ranis loquitur) atque ita sublatis motu & impulsu, qui posset à corde in appensa vasa derivari, sanguis adhuc per venas movetur ad cor, adeo ut vasa suo conatu, & affluente copiâ distendat ; & hoc per plures perseverat horas, &c. Hoc ille in ranarum pulmonibus aëre turgidulis observavit. Vides, inspiratum aërem sanguinis motum tueri posse aliquantisper, etiam pulsu cordis intercepto. Sed nempe mirâ est sanguinis ranarum, aliorumq; ejusmodi animalium, indoles : noster ad grumescentiam & stagnationem pronior est. Pulmo-

Pulmones ranarum putativi, sunt meri *Instant.*
folliculi ; vasis quidem sanguiferis donati, non autem *nervis* , quòd equidem viderim : constantq; membranâ duplici ; quarum exterior , utpote laxior, adeóq; in rugas plicatilis, *vesiculas* illas efformat, quas memorabam. Quòd verò, ex observatione *Malpighii*, cœu rem novam, narras : sanguinem nimirum, etiam oppellato cordis ostio , illuc vorsum nihiloscius aliquandiu approperare : id cuilibet intuenti palàm fit : ob motum nempe à corde antea inditum, qui etiam post obitum aliquantisper durat ; ut suprà monuimus. Fit hoc autem absque ullo aëris ministerio : quoniam *folliculi* illi , non solùm in demortuâ jam ranâ, sed & incolumi eâdem , immobiles quiescunt. Ut adeò aer sententiæ tuæ nullam opem adferat ; nec causa ulla sit, quamobrem ad sanguinis in animalibus diversam indolem confugas.

Verum narras. Sanguis non minùs in *Animadv.*
 expiratione , quàm inspiratione , pari ^{46.}
 semper passu ambulat : nisi alia aliqua in contrarium causa accesserit.

Resp.

Bene est. Si autem aëre expirato, per aliquot minuta pulmonum systolen protraxeris; senties te majori aëris haustu statim indigere: quo facto, pulsus etiam non nihil immutabitur.

Instant.

Resarcienda quidem est intermissi officii mora; nisi id sponte nolis, adeoque paulatim ad solitum respirandi rhythmum devenias. Non solet autem (ob suspensum, ad temporis aliquod spatium, anhelitum) cor citatiore aut cunctatiore motu pulsare: quicquid tibi in diversum obtigerit. Qui fit verò, ut interea non tumultuetur cor, nec crebrò palpitet, aut syncopen patiatur; utpote tuo illo aëris auxilio destitutum, quo sine, sanguis (ex tuâ sententiâ) per pulmones neutiquam processerit?

Animadv.

47.

Nec densa & compacta pulmonum consistentia, nec compressa vasa, multò minùs horum incurvatio (quæ certè nulla est) sanguinis iter in pulmones præpedit: æquè enim faciliè in embryone, atque in foetù recens edito, sanguis aditum moliretur; (eodem quippe momento tum aer, tum sanguis pulmones ingrediuntur) sed fit istuc, quia pulmonibus

ab

ab aëre necdum ventilatis , uberiore calore (ut supra dixi) nihil opus est. Nec sanguis per pulmones ab aëre protruditur ; sed ab impellente à tergo sanguine propulsus , in sinistrum cordis ventriculum, jam partim inanitum, delabitur.

Non satis mihi facit , multoq; minùs problemati nostro satisfacit illa ratio, quam tibi visum est huc in medium proferre : vix enim vel me ferres , opinor, hoc modo disserentem ; nec tu , nisi mecum , credo, sic disseruisses, cui quidvis à te profectum sàtis esse debere , non immeritò sanè arbitraris. Agam tamen liberè impræsentiarum. Si causæ à me allatæ minùs idoneæ sint , ea profectò quam tu substituis , aut nulla est, aut nulli proxima. Requisivi nimirum hujusce rei mechanicas rationes , h. e. ab ipsâ partium structurâ petitas : tu finalem nescio quam adfers , quin & illam huic negotio, ut lenissimè dicam , non sàtis quadrantem.

Resp.

Nequeo satis comminisci , quid tibi, Viro perhumano, bilem tam facilè in nasum conciverit. Sentio autem , me cicadam alàprehendisse. Nempe ussit te, quod à subsequente sanguine, antecedentem alium , facilèq; (ob relictum laxius

Instant.

spatium) cedentem, protrudi, denuò afferam. Quippini autem id faciam, cum rem hanc aliter commodè explicari non posse, censeam? Númnam enim arbitraris, citiorem sanguinem promoveri ullo modo posse, nisi anterior illi locum concesserit; idémq; illi fiat ab alio ulteriore; qui nec ipse progrediatur, nisi in locum laxiore partium conjunctione præditum, minúsque adeò renitentem, propulsus fuerit? Non est autem hoc *finalem* causam in scenam producere, sed *efficientem*; ut cuilibet, animum rectè advertenti, facìle cernere est.

Et quidni, obsecro, sanguini æquè in proclivi sit, viam sibi per pulmones facere, atque aëri; qui, cum partibus levioribus constet, effringendis quoque obviis repagulis fuerit ineptior? Imò verisimilius est, dilatari pulmones ab ingrediente jam confertim sanguine (qui etiam antea, licèt parciore gurgite, illuc iter tenebat) quàm ingredi sanguinem, quia pulmones dilatantur. Aliàs enim id fieret ad evitandum vacuum; quod, ceu *causam finalem*, meritò exhibuisti.

Resp.

Quid enim? Num cogitat embryo, secumque rationes init? Numquid in tenebris istis meditatatur, & Philosophum agit? Novitne

*Novitne gangrænæ periculum à frigidi
aëris appulsu imminere nascenti, nisi ma-
turè sibi consulat, sanguinèmq; per pulmo-
nes porrò transmittat, Præteritâ antiquâ,
sed breviorè, viâ? Quid? novit hoc;
etiam nondum quicquam expertus? Nu-
gæ! Sed quas nisi concesseris, tua solutio
nihil facit, nedum facit satis. At (in-
quies forsân) instinctu Naturæ sætus agi-
tur, adeòq; actus hoc agit; non secus at-
que natus nuper infans*

*Blanditias mammis facit, arridétque
papillis,*

Et gaudet veterem se reperisse dapem.

*Agnosco equidem instinctus illos naturales,
& ubique sparsa per universum hunc Or-
bem, sapientiæ Divinæ vestigia stupens ac
venerabundus intueor: non sum enim
—Epicuri de grege— Neque tamen
tam leviter atque perfunctoriè nobis philo-
sophandum arbitror, ut, simulatq; instin-
ctus nomen attuleris, idoneam justamq;
alicujus phænomeni rationem te reddidisse
putemus. Instinctus isti nihil significant,
nisi intercedentibus causis effectricibus sug-
geri intelligantur; non magis profectò
quàm solennes istæ nugæ, Formarum Pe-
ripateticarum, & Occultarum qualita-*

tum, quibus omnis ulterius requirendi ratio, non tantum sufflaminatur, sed etiam planè tollitur. Quid? nos adulti multa instinctu facimus; cujus rationem tamen aliquam reddere licet: in febribus Ex. gr. non meditati neque cogitantes, spiritum frequentius ducimus, captantes aëra frigidiorē; cor etiam pulsatur crebrius: sed nempe sanguinis ferocientis calor adactus molestiae sensum, per nervos praecordiis insertos, cerebro transmittit, unde (Animae imperio) dicto citius, in membra respiratoria magnā vi dimittuntur spiritus ad augendum anhelitum. Idem de pulsu febrili dicendum est. Suspicio etiam eandem fere rationem in re praesenti locum obtinere. Quicquid autem de his sit, profecto cum ita comparatum sit, ut eodem momento (quod rectè à te observatum est) tum aer tum sanguis pulmones ingrediantur; clarè constat, aëris usum ad motum sanguinis, vitāmq; adeo ipsam conservandam necessario requiri. Alias enim, cur eodem momento? Neque enim tam subito pulmones obrigescerent, admissa aëre. Porro, quandoquidem simulatq; dilatantur pulmones, sanguis ingreditur; manifestum est, aditum antea praclusum fuisse: si autem in embryone, sanguis molietur aditum, frustra est; nondum enim satis pa-

tent

tent via. Denique, nisi varia pulmonum consistentia nobis hâc opem ferat, non video, unde liceat illam accersere: Tandem (ut ad hujus stadii metam te sequar) si sanguis solummodo ab impellente à tergo sanguine propellatur, quâ fit, ut, spiritu intercluso, tam subito propelli desinat, & à circuitu cesset? sanguis equidem, cum in embryonibus admodum fluidus sit, à corde faciliè propellitur, cujus perpetuis motibus cerebrum non deest; cerebrum autem tantò commodiùs & faciliùs hasce impensas ferre valet, quòd huic unicæ ferè rei tunc temporis det operam; cui minùs par foret, si tenerius adhuc atque infirmius, partibus etiam spiritalibus movendis vim suam suppedicaret. Est autem etiam hoc non obscurum, ut mihi videtur, mentis & consilii in rerum Naturâ vestigium.

Quidnam igitur, quæso, tuo arbitrato, Instant.
angustos pulmonum loculos expandit, quò facilior sanguini aditus concedatur? Aërne? At quo molimine id agat, cum circumcirca quiescat? An verò Natura, sive Embryo, ingressûs aëris necessitatem jam præsentiens, fores sponte recludit? Quid autem? num cogitat embryo, secumque rationes init? Nunquid in tenebris istis meditatur, & Philosophum agit? Novitne,

Novitne, sanguinem per pulmones non processurum, nisi maturè sibi consulat, aëremque, ei rei tantopere necessarium, quàm ocysimè in pulmones admittat? Quid? novit hoc, etiam nondum quicquam expertus? Nòruntne muscoli intercostales, & diaphragma (nihil tale antea experti) sibi novo muneri incumbendum esse, admittendúmque; jam aërem, qui Lares tueatur familiares? Phaleratæ nugæ! Sed quas si non concesseris, nihil rectiùs à te allatum video. Quodcunq; enim hîc tibi patrociniû paraveris, ὑποπόσιον μὲν ἡ ἀκοῆς ἡ σὴ, idem tuus clypeus me quoque proteget. Fateri cogimur, inquit Campanella, Naturam omnem esse rationalissimam ac sapientissimam in faciendo ac dirigendo opera propria ad finem: animamque humanam, licèt sapientissima animarum sit, non tamen tantâ pollere scientiâ, quantâ architectus opifexque parvæ plantæ. Verè etiam à Gassendo dictum: Vitales animæ functiones, ab animalis voluntate consilioque; non magis reguntur, quàm lapidis casus à lapideæ formæ arbitrio. Et si instinctus illi naturales nihil significant, nisi intercedentibus causis effectricibus suggeri intelligantur: dic sodes, quam ob causam lac, sub parturitionis tempus, ad mammas feratur. Cogitatne mater, lacte prope-

De sensu
rerum, pag.
160.

Tom. I. pag.
161.

propediem opus fore, quod foetui mox nascituro in alimentum cedat? Num partes illud eò transmittentes, eà de re ratiocinantur, *secumq; rationes ineunt?* Profectò istae, nobis nescientibus, solo *Naturæ instinctu* peraguntur. Tu tamen hujusmodi actionum naturalium causam aliquam effectricem excogitasti. Scilicet, dum in febribus frequentius respiramus, & cor crebrius pulsât; id (te iudice) fit, quia sanguinis ferocientis calor adactus, molestiae sensum, per nervos præcordiis insertos, cerebro transmittit; unde (animæ imperio) dicto citius in membra respiratoria magnâ vi dimittuntur spiritus ad augendum anhelitum. Idq; etiam inter dormiendum! Quo pacto autem cor, sanguisq; calore ebulliens, ægritudinem suam cerebro denuntiant? Num spiritus vitales versùs cerebrum id indicatum mittunt? an potius animales illinc defluos illorsum denuò remandant? Et si spiritus adeò audientes imperii sint; quidni ego consimiliter sapientiam foetui tribuam, quam tu illis tam liberaliter concessisti? Certè in actionibus istiusmodi naturalibus, multæ sunt concoctiones, separationes, aggregationes, assimilationes, & sexcenta alia, quorum causæ efficientes nos planè latent. Caremus enim

*Sextus Em-
piricus
Pyrrh. Hy-
pot. l. I. c.
14. p. 20:*

enim sensibus , quibus operationes illas admirabiles percipiamus. Pulsatio cordis, & respiratio non coacta , sunt motus *naturales* , qui nobis nihil tale cogitantibus contingunt. Quid enim ? num existente solum in ovo vesiculâ palpitante (quæ proculdubio , pro vario caloris gradu , diversimodè micat) cerebrum (quod necdum extructum est) illi, spirituum ope, suppetias venire autumas? Eâdem autem virtute cor toto vitæ curriculo agitur. Ut nihil utiq; metuendum sit, nè cerebrum, respirationis operæ (etiam in foetu) incumbendo, sumptibus faciendis non sufficiat.

Quomodo sanguis , *spiritu intercluso, subito propelli desinat, & à circuitu cesset*, satis antehac explicatum est. Eundem verò (etiam ante admissum ullum aërem) pulmones foëtus parcè perrepere (quantum nempe iisdem calore necessario reficiendis sufficit) nemini, opinor, dubium est : ac propterea ad ejus motum aëris adminiculo nihil opus est : etiamsi hic, post natum foetum, ad vitam sustentandam sit omnino necessarius. Idem nimirum in foetu usu venit , quod animalibus subter terram , aut aquas hyberno tempore latitantibus contingit : in quibus, citra respirationem ullam, sanguis tamen

tamen lentè circumducitur. Et quem-
admodum, admissò confertim post par-
tum aëre, *pulmones non tam subito obri-
gescerent*, etiamsi sanguis eodem momen-
to copiosè non afflueret; sic pariter, ne-
que adeò repentè motus sanguinis suffla-
minaretur, aëre in pulmones paulò tar-
diùs admissò. Sed Natura maturè au-
xilia parat in futuros eventus.

Proculdubio iter per pulmones magis *Animadv.*
ambagiosum & impeditum est, quàm ^{48.}
per foramen ovale, & per canalem ar-
teriosum.

Est quidem iter illud satis ambagiosum, *Resp.*
si ultimas ejus semitas spectemus: aditus
tamen directior est: nec sanguis per ostium
pulmonaris arteriæ semel ingressus, regredi
potest, reitendentibus valvulis, & corde im-
pellente. Pergit itaque impulsus atque
extrema vascula arteriosa perlabitur; sed
per venam pulmonarem ad cor rediturus,
aëris auxilium implorat, impetrátque: est
enim hic illi pro vehiculo, mea sententiâ.

In liquidorum motu, nihil interest re- *Instant.*
ctâne per tubulos, an obliquo cursu
per iter flexuosum ferantur; modò ca-
nales sint integri, nullibiq; hiscant, &
causa

causa impellens idonea accesserit. Hac, in sanguinis motu, cor est; neque, ad eam rem, aëris adjumento quicquam indiget, quò expeditius ex arteria in venam per pulmones transeat. Quid enim, obsecro, sanguini, arteriæ pulmonaris spatium jam emenso, remoram injicit, quò minus pari celeritate venæ quoque cognominis stadium percurrat? Numnam ad venæ pulmonaris ingressum, ceu visâ *Ægide*, obstupefcit, sponteq; in itinere fatiscit? Id autem non fieri, exemplo clariùs innotescet. Fac igitur siphunculo adaptetur *vesica* liquore aliquo plena, veluti in *enemate* faciendo fieri assolet. Indatur ille arteriæ pulmonaris orificio, injectoq; vinculo, vesicam leviter comprime. Experieris certè, quàm nullo negotio sanguis inde (etiam in mortuo animali) ad sinistrum cordis ventriculum deturbetur. Ut sanè in eodem vivente (ubi aditus omnes magis patefcunt) aëris auxilium implorare nihil necesse sit; qui illuc nec *vehiculi*, neque *aurigæ* munus obit; nisi plurimùm hallucinor. Quin ipsemet asseruisti, *Sanguinem non minus in pulmones è corde transmitti dum contrahuntur, quàm dum dilatantur*: adeoq; aëre impulsore non indigent.

in Diatri-
ba, p. 107.

Fit illud consilio, non foetus, sed Natura. Nec sanè magis verisimili ratione quis dixerit, diaphragma jam musculósq; intercostales intelligere, novo nunc sibi munere defungendum esse, ac propterea ad motum accingi.

Animadv.
49.

Libenter scirem quid tu Naturæ nomine significatum velis. Nescio enim an Supremum Numen intelligas, an vicariam aliquam supremi Numinis vim, quæ molem Universi regat ac moderetur. Res eodem ferè reddit; ideóq; non video, quò pertineant ea, quæ hîc à te dicuntur; ego enim tantundem dixeram prius.

Resp.

Ego Naturæ nomine idem intelligo, quod tu modò *mentis*, & consilii in rerum natura vestigium appellâsti: siquidem opus Naturæ est opus intelligentiæ.

Instant.

Non crediderim, foetum toto gestationis tempore dormire; sed evigilare sæpe, cùm victum quærit, & præsertim eum validè movetur. Excrementa quidem non deponit, quia locus iis recipiendis nullus adest; & pauca congerit, quia cibo utitur defæcatissimo: illorum tamen paulatim coacervatio, ejiciendiq; desiderium,

Animadv.
50.

desiderium , præcipua partûs causâ est.
Sudoris autem si tantus fuerit proventus,
quò precor evadit ? Nullus enim ejus-
modi humor intra amnion, ut nec urina
in chorio continetur ; uti Veteribus vi-
sum est.

Resp.

*Sint itaque fœtibus vigiliæ, quoniam ita
vis ; at certè non sunt excubiæ. Conces-
serim lubens, illos gestationis tempore, non-
nunquam inter vigilias & somnum am-
bigere, sive semi-somnes esse : verùm evigi-
lare non convenit illis materno balneo im-
mersis. Excrementa quidem non depo-
nere solent, quia & pauca congerunt ; &
quæ sunt congesta, non sunt molesta ; quip-
pe semisopiti sensu gaudent obtusiore : nec
prorum est egerere, nisi aëre hausto retentô-
que (quod hæc annotavimus.) Sed non,
quia locus iis recipiendis nullus adest :
satis enim illis loci est, etsi non commodè
recipiendis. Nunquid autem embryones
illud suspicantur ; adeoq; retinent excre-
menta consilio aliquo ? cogitantne, Natu-
ram nullam cloacam illis extruxisse ? Ma-
tulam enim finxit, & apposuit ; Allantoi-
dem scil. uti satis ingeniosè Needhamus
noster observavit. Sed & idem testatur
(lib. de fœtu formato) se non rarò fæces
alvinas in amnii liquore contentas, atque
in*

in ventriculum reſorptas reperiffie. Unde ſatis conſtat, fœtum tunc temporis non multùm evigilare, cùm tam parùm ſapiat.

An autem fœtus in utero multùm ſudet, plurimùm ambigo, nec ipſe deſudabo multùm, ut illud evincam: verùm ſudor ille, ſi quis ſit, lenis halitus eſt, & mitis ingeni; adeoq; nutritio liquori commiſtus ei parùm nocet.

Fœtum ſomno multùm indulgere, Instant.

tibi ultro largior (duriter enim nimis cum fœtu actum eſſet, ſi tot menſes tenebris ſimul, & inſomniæ damnaretur;) idq; ob humidi abundantiam;

ὁ γὰρ ὕπνῳ μᾶλλον γίνεται ἀπὸ τῆς πλεονίας. Theophrast.
de laſſitudine.

Imò verò non dormire ſolùm, ſed & ſomniare fœtum in utero haud gravatè conceſſerim. Quippe ſomnum citra inſomnium fieri, haud arbitror. Nimirum *phantafia* ſemper aliquid imaginatur, neque unquam ferias agit: in ſomno autem, propter objectas nebulas, toniq; partium cœbri remiſſionem, multa abſurda malèq; cohærentia, comminiſcitur. Quemadmodum fidicen, relaxatis fidi- bus, inconcinnè citharam pulſat. Ideòque infantes diuturniores vigilias moleſtè ferunt, quia tenelli eorum nervi, fibraeq;

non patiuntur tensionem sui in longum
 Lib. 3. c. 8. protrahi. Fabulatur itaque Plinius, ubi
 & 10. ait : *Atlantes insomnia non visunt, qua-*
 Tom. 3. pag. lia ceteri mortales. Et Gassendus quo-
 195. que, asserens, *Amicum suum Claudium*
Vicat Sabusianum nunquam somniasse;
cum tamen multa de somniis disputaverit.
 Nimirum id illi contigit, quod de pueris
 Hist. an. l. 7. narrat Aristoteles; *somniare quidem eos,*
 c. 10. *sed non meminisse imaginationum.* Eo-
 demq; sensu intelligo illud ejusdem:
 Lib. 4. hist. εἰσὶ δὲ καὶ ἀνδρες καὶ γυναῖκες, οἱ ἐδερῶντο
 an. c. 10. ἐνύπνιον εἶδον. sunt viri & mulieres, qui-
 bus nullum unquam somnium objectum
 fuit. Ibidemq; ait: *Ea quæ ova pariunt,*
an somnient, incertum est; manifestum
 Lib. 5. c. 9. verò, *ea dormire.* Ego autem, ait Georg.
 pag. 205. *Marcgravius, utrumq; affirmo, cum Julio*
Scaligero: & quod ille de suo turdo re-
fert, & accipitribus, ego de meo psittaco;
nam sæpe de nocte expergiscens, semisomnus
sublocutus est. Nec melioris fidei illud:
 Hist. an. l. 4. *Infantibus adhuc, tum primore pueritiæ*
 c. 10. *etiamnum constitutis, insomnia nulla fiunt.*
Sed paucissimis ante annum quartum quin-
 com. in hist. tumve incipiunt. Hoc enim, inquit Sca-
 an. p. 505. liger, non potuit intelligere. Nam quos
 consuleret? puellios, & neque adhuc lo-
 quentes? Et falsum est. Suctu per quie-
 tem se ipsos imitantur, & rident, vel
 anniculi.

anniculi. Nullusq; dubito, quin *Arnoldus Villanovanus* (negante licet *Rablesio*) *Lib. 3. c. 13.* aliorum hominum more somniaverit.

Altera forsitan in foetu somni causa fuerit tenebrarum opportunitas. Non quidem, quòd spiritus, *tenebras* (quasi hostem) fugientes, intrò contrahantur (ut *Avicennas* censuit;) sed quia eo tempore ab externis objectis minus molestiae ingruit. Intercalaribus autem temporibus *evigilat*; ut alimentum, quando eo opus est, hauriat: neque enim, *plantarum* more, continuo tractu nutritur. Idemq; videtur agere, quoties sese jactitat, locumq; mutat, ut situm commodiorem obtineat. Neque ad hanc rem plus obstat *balneum maternum*, quàm aqua piscibus nè evigilent. *Quis* autem *nudo mandet excubias*? ut est in *Adagio*: præsertim cùm is, loco tuto obvallatus, tranquillam ætatem transigat. Nè tamen diutina excrementorum retentio quietem ejus interturbaret, tu commodè ipsi adinvenisti *matulam*, ab Amico tuo *ingeniosè observatam*, *Allantoïdem* scilicet. Quid autem, etiam in foetu humano? Reperit igitur, quod nusquam est gentium. Nam cùm *Allantoïis* sit processus *urachi*; ita ut urina, in bifulcis animalibus, facilè è vesica in

Allantoïdem, atque ex hac vicissim in illam propelli queat : *urachus* in humano fœtu est impervius, adeoq; transmittendæ urinæ inidoneus. Quinetiam (quod quis maximè miretur) reperisti insuper *cloacam*, in quam *fæces alvinas* deponat : *amni* cavum scilicet ; unde, unâ cum liquore nutritio, *fæces illas in ventriculum resorptas* idem Amicus tuus conspiciatus est. Hem turpem fœtum ! vah fœdum foriolum ! Hic sanè *cogitasse eum, rationesq; secum iniisse* oportuit, id magno damno sibi cessurum ; Naturæq; leges rescissurum sese, si tam spurcum facinus admitteret. Verùm quid ageret misellus Embryo, alto somno soporatus, vel saltem *semisomnis* ; & forsitan pharmaco, à matre paulò priùs sumpto, ad id dedecoris concitatus ? præcipuè, cum nullus alius victus illi suppeteret ? Evigilavit igitur, respuensq; immundas dapes, uteri claustra effregit, ac prorupit foras. Unde verò constitit, facinus huiusmodi perpetratum fuisse ? Erátne chylus in ventriculo stercoreus ? fœtebátne plurimùm ? Nonne potuit coloris (si quis istiusmodi aderat) à bile, aut aliâ aliquâ causâ proficisci ? Profectò non credam, etiam ubi me credere dixero, Naturam tam fœdam *cohabitationem* (ut verbo

verbo utar *Spagirico*) instituisse. Neque magis Naturæ prudentiæ conveni-rit, foetus sudorem ejusdem victui delica-
tulo intermisceri.

Foetus in utero non minùs ab ambi-
ente premitur, quàm ubi jam natus vi-
tali fruitur aurâ.

Animadv.
51.

Videtur omnino minùs premi.

Resp.

Tuâ igitur sententiâ, piscis in mari,
quàm in aëre, minùs premitur; & nos
intra ades minùs, quàm sub dio. Pari-
certè verisimilitudinis specie dixeris; si
quis, equo insidens, sarcinam humeris
ferat, id oneris ab equo non perferentis-
ci, quòd omne à sessore sustineatur. In
machina *Boyleiana* (narrante id mihi
acerrimi ingenii Viro *Roberto Hookio*)
piscis intra aquam ludentes, exucto
aëre, mox ventres obvertunt, supiniq;
fluitant: quòd nimirum pars illa, inte-
stino aëre tumentior, faciliùs emergat,
ac summum petat. Aëre autem restituto
denuò, confestim proni natitant. Claro
indicio, ponderosam atmosphæræ vim
etiam illuc pertingere.

Instant.

Dyspnoici humidis tempestatibus æ-
griùs

Animadv.

52.


gravius spirant, quia pulmones ab uvido
cœlo magis infarciuntur: non autem,
quia atmosphæra forinsecus gravius in-
cumbit.

Resp. *Ob utramq; rationem, ut arbitror. Ego
verò priorem illam, à te adductam, omisi,
velut satis notam, & quæ minùs ad rem
præsentem attineret.*

Instant. *Rigefcente brumâ, sudôq; cœlo, faci-
lius spiramus, quàm æstuante Syrio: &
tamen atmosphæra eo tempore densior
est, ac validius premit.*

Lucianus, *quomodo
conscriben-
da sit histo-
ria.* *Et hæc quidem hætenus. Ubi si ve-
risimilia dixerim, εὖ ἂν ἔχῃ, καὶ εἰς δέον
ἡμῶν γέγεσθαι: εἰ δὲ μὴ, κενώλισται ὁ πί-
δος ἐν Κρανίῳ. bene te res habet, atque
ut decuit à nobis scriptum est; sin mi-
nùs, volutatum est dolium in Cranio.*

F I N I S.



Dear Sir
I have the honor
to acknowledge the receipt
of your letter of the 10th
inst. in relation to the
business of the
company and in answer
to inform you that the
same has been forwarded
to the proper authorities
for their consideration
and I am, Sir, very
respectfully,
Yours,
J. H. Smith

